

அபி⁴த⁴ம்மபிடகே

புக்³க³லபஞ்ஞத்திபாஸி

மாதிகா

1. ஏககஉத்³தே³ஸோ

1. ச² பஞ்ஞத்தியோ - க²ந்த⁴பஞ்ஞத்தி, ஆயதனபஞ்ஞத்தி, தா⁴துபஞ்ஞத்தி, ஸச்சபஞ்ஞத்தி, இந்த³ரியபஞ்ஞத்தி, புக்³க³லபஞ்ஞத்தி.

2. கித்தாவதா க²ந்தா⁴னங் க²ந்த⁴பஞ்ஞத்தி? யாவதா பஞ்சக்க²ந்தா⁴ - ரூபக்க²ந்தோ⁴, வேத³னாக்க²ந்தோ⁴, ஸஞ்ஞாக்க²ந்தோ⁴, ஸங்கா²ரக்க²ந்தோ⁴, விஞ்ஞாணக்க²ந்தோ⁴; எத்தாவதா க²ந்தா⁴னங் க²ந்த⁴பஞ்ஞத்தி.

3. கித்தாவதா ஆயதனானங் ஆயதனபஞ்ஞத்தி? யாவதா த்³வாத³ஸாயதனானி - சக்கா²யதனங், ரூபாயதனங், ஸோதாயதனங், ஸத்³தா³யதனங், கா⁴னாயதனங், க³ந்தா⁴யதனங், ஜிவ்ஹாயதனங், ரஸாயதனங், காயாயதனங், பொ²ட்ட²ப³பாயதனங், மனாயதனங், த⁴ம்மாயதனங்; எத்தாவதா ஆயதனானங் ஆயதனபஞ்ஞத்தி.

4. கித்தாவதா தா⁴துனங் தா⁴துபஞ்ஞத்தி? யாவதா அட்டா²ரஸ தா⁴துயோ - சக்கு²தா⁴து, ரூபதா⁴து, சக்கு²விஞ்ஞாணதா⁴து, ஸோததா⁴து, ஸத்³தா⁴து, ஸோதவிஞ்ஞாணதா⁴து, கா⁴னதா⁴து, க³ந்த⁴தா⁴து, கா⁴னவிஞ்ஞாணதா⁴து, ஜிவ்ஹாதா⁴து, ரஸதா⁴து, ஜிவ்ஹாவிஞ்ஞாணதா⁴து, காயதா⁴து, பொ²ட்ட²ப³பதா⁴து, காயவிஞ்ஞாணதா⁴து, மனோதா⁴து, த⁴ம்மதா⁴து, மனோவிஞ்ஞாணதா⁴து; எத்தாவதா தா⁴துனங் தா⁴துபஞ்ஞத்தி.

5. கித்தாவதா ஸச்சானங் ஸச்சபஞ்ஞத்தி? யாவதா சத்தாரி ஸச்சானி - து³க்க²ஸச்சங், ஸமுத³யஸச்சங், நிரோத⁴ஸச்சங், மக்³க³ஸச்சங்; எத்தாவதா ஸச்சானங் ஸச்சபஞ்ஞத்தி.

6. கித்தாவதா இந்த³ரியானங் இந்த³ரியபஞ்ஞத்தி? யாவதா பா³வீஸதிந்த³ரியானி - சக்கு²ந்த³ரியங், ஸோதிந்த³ரியங், கா⁴னிந்த³ரியங், ஜிவ்ஹிந்த³ரியங், காயிந்த³ரியங், மனிந்த³ரியங், இத்தி²ந்த³ரியங், புரிஸிந்த³ரியங், ஜீவிதிந்த³ரியங், ஸுகி²ந்த³ரியங், து³க்கி²ந்த³ரியங், ஸோமனஸ்ஸிந்த³ரியங்,

தோ³மனஸ்ஸிந்த்³ரியங், உபெக்கி²ந்த்³ரியங், ஸத்³தி⁴ந்த்³ரியங், வீரியிந்த்³ரியங், ஸதிந்த்³ரியங், ஸமாதி⁴ந்த்³ரியங், பஞ்ஞிந்த்³ரியங், அனஞ்ஞாதஞ்ஞஸ்ஸாமீதிந்த்³ரியங், யங், அஞ்ஞாதாவிந்த்³ரியங்; எத்தாவதா இந்த்³ரியானங் இந்த்³ரியபஞ்ஞத்தி.

7. கித்தாவதா புக்³க³லானங் புக்³க³லபஞ்ஞத்தி?

- (1) ஸமயவிமுத்தோ
- (2) அஸமயவிமுத்தோ
- (3) குப்பத⁴ம்மோ
- (4) அகுப்பத⁴ம்மோ
- (5) பரிஹானத⁴ம்மோ
- (6) அபரிஹானத⁴ம்மோ
- (7) சேதனாப⁴ப்³போ³
- (8) அனுரக்க²ணாப⁴ப்³போ³
- (9) புது²ஜ்ஜனோ
- (10) கொ³த்ரபு⁴
- (11) ப⁴யூபரதோ
- (12) அப⁴யூபரதோ
- (13) ப⁴ப்³பா³க³மனோ
- (14) அப⁴ப்³பா³க³மனோ
- (15) நியதோ
- (16) அனியதோ
- (17) படிபன்னகோ
- (18) ப²லேடி²தோ
- (19) ஸமஸீஸீ

- (20) டி²தகப்பீ
- (21) அரியோ
- (22) அனரியோ
- (23) ஸெக்கோ²
- (24) அஸெக்கோ²
- (25) நேவஸெக்க²னாஸெக்கோ²
- (26) தேவிஜ்ஜோ
- (27) ச²ளபி⁴ஞ்ஞோ
- (28) ஸம்மாஸம்பு³த்³தோ⁴
- (29) பச்சேகஸம்பு³த்³தோ⁴ [பச்சேகபு³த்³தோ⁴ (ஸீ.)]
- (30) உப⁴தோபா⁴க³விமுத்தோ
- (31) பஞ்ஞாவிமுத்தோ
- (32) காயஸக்கீ²
- (33) தி³ட்டி²ப்பத்தோ
- (34) ஸத்³தா⁴விமுத்தோ
- (35) த⁴ம்மானுஸாரீ
- (36) ஸத்³தா⁴னுஸாரீ
- (37) ஸத்தக்க²த்துபரமோ
- (38) கோலங்கோலோ
- (39) ஏகபீ³ஜீ
- (40) ஸகதா³கா³மீ
- (41) அனாகா³மீ
- (42) அந்தராபரினிப்³பா³யீ

- (43) உபஹச்சபரினிப்பாயீ
- (44) அஸங்கா²ரபரினிப்பாயீ
- (45) ஸஸங்கா²ரபரினிப்பாயீ
- (46) உத்³த⁴ங்ஸோதோஅகனிட்ட²கா³மீ
- (47) ஸோதாபன்னோ
- (48) ஸோதாபத்திப²லஸச்சி²கிரியாய படிபன்னோ
- (49) ஸகதா³கா³மீ
- (50) ஸகதா³கா³மிப²லஸச்சி²கிரியாய படிபன்னோ
- (51) அனாகா³மீ
- (52) அனாகா³மிப²லஸச்சி²கிரியாய படிபன்னோ
- (53) அரஹா
- (54) அரஹத்தப²லஸச்சி²கிரியாய [அரஹத்தாய (ஸீ.)] படிபன்னோ

ஏககங்.

2. து³கஉத்³தே³ஸோ

8. த்³வே புக்³க³லா -

- (1) கோத⁴னோ ச, உபனாஹீ ச.
- (2) மக்கீ² ச, பளாஸீ [பலாஸீ (ஸ்யா. க.)] ச.
- (3) இஸ்ஸுகீ ச, மச்ச²ரீ ச.
- (4) ஸடோ² ச, மாயாவீ ச.
- (5) அஹிரிகோ ச, அனொத்தப்பீ ச.
- (6) து³ப்ப³சோ ச, பாபமித்தோ ச.
- (7) இந்த³ரியேஸு அகு³த்தத்³வாரோ ச, போ⁴ஜனே அமத்தஞ்ஞா ச.
- (8) முட்ட²ஸ்ஸதி ச, அஸம்பஜானோ ச.

- (9) ஸீலவிபன்னோ ச, தி³ட்டி²விபன்னோ ச.
- (10) அஜ்ஜ²த்தஸங்யோஜனோ ச, ப³ஹித்³தா⁴ஸங்யோஜனோ ச.
- (11) அக்கோத⁴னோ ச, அனுபனாஹீ ச.
- (12) அமக்கீ² ச, அபளாஸீ ச.
- (13) அனிஸ்ஸுகீ ச, அமச்ச²ரீ ச.
- (14) அஸடோ² ச, அமாயாவீ ச.
- (15) ஹிரிமா ச, ஒத்தப்பீ ச.
- (16) ஸுவசோ ச, கல்யாணமித்தோ ச.
- (17) இந்த³ரியேஸு கு³த்தத்³வாரோ ச, போ⁴ஜனே மத்தஞ்ஞா ச.
- (18) உபட்டி²தஸ்ஸதி ச, ஸம்பஜானோ ச.
- (19) ஸீலஸம்பன்னோ ச, தி³ட்டி²ஸம்பன்னோ ச.
- (20) த்³வே புக்³க³லா து³ல்லபா⁴ லோகஸ்மிங்.
- (21) த்³வே புக்³க³லா து³த்தப்பயா.
- (22) த்³வே புக்³க³லா ஸுதப்பயா.
- (23) த்³வின்னங் புக்³க³லானங் ஆஸவா வட்³ட⁴ந்தி.
- (24) த்³வின்னங் புக்³க³லானங் ஆஸவா ந வட்³ட⁴ந்தி.
- (25) ஹீனாதி⁴முத்தோ ச, பணீதாதி⁴முத்தோ ச.
- (26) தித்தோ ச, தப்பேதா ச.

து³கங்.

3. திகஉத்³தே³ஸோ

9. தயோ புக்³க³லா -

- (1) நிராஸோ, ஆஸங்ஸோ, விக³தாஸோ.
- (2) தயோ கி³லானாபமா புக்³க³லா.

(3) காயஸக்கீ², தி³ட்டி²ப்பத்தோ, ஸத்த³தா⁴விமுத்தோ.

(4) கூ³த²பா⁴ணீ, புப்ப²பா⁴ணீ, மது⁴பா⁴ணீ.

(5) அருகூபமசித்தோ புக்³க³லோ, விஜ்ஜுபமசித்தோ புக்³க³லோ ,
வஜிரூபமசித்தோ புக்³க³லோ.

(6) அந்தோ⁴, ஏகசக்கு², த்³விசக்கு².

(7) அவகுஜ்ஜபஞ்ஞோ புக்³க³லோ, உச்ச²ங்க³பஞ்ஞோ [உச்சங்கு³பஞ்ஞோ
(ஸ்யா.)] புக்³க³லோ, புது²பஞ்ஞோ புக்³க³லோ.

(8) அத்தே²கச்சோ புக்³க³லோ காமேஸு ச ப⁴வேஸு ச அவீதராகோ³,
அத்தே²கச்சோ புக்³க³லோ காமேஸு வீதராகோ³ ப⁴வேஸு அவீதராகோ³,
அத்தே²கச்சோ புக்³க³லோ காமேஸு ச ப⁴வேஸு ச வீதராகோ³.

(9) பாஸாணலேகூ²பமோ புக்³க³லோ, பத²விலேகூ²பமோ புக்³க³லோ,
உத³கலேகூ²பமோ புக்³க³லோ.

(10) தயோ பொத்த²கூபமா புக்³க³லா.

(11) தயோ காஸிகவத்தூ²பமா புக்³க³லா.

(12) ஸுப்பமெய்யோ, து³ப்பமெய்யோ, அப்பமெய்யோ.

(13) அத்தே²கச்சோ புக்³க³லோ ந ஸேவிதப்³போ³ ந ப⁴ஜிதப்³போ³ ந
பயிருபாஸிதப்³போ³, அத்தே²கச்சோ புக்³க³லோ ஸேவிதப்³போ³ ப⁴ஜிதப்³போ³
பயிருபாஸிதப்³போ³, அத்தே²கச்சோ புக்³க³லோ ஸக்கத்வா க³ருங் கத்வா
[க³ருகத்வா (ஸீ.)] ஸேவிதப்³போ³ ப⁴ஜிதப்³போ³ பயிருபாஸிதப்³போ³.

(14) அத்தே²கச்சோ புக்³க³லோ ஜிகு³ச்சி²தப்³போ³ ந ஸேவிதப்³போ³ ந
ப⁴ஜிதப்³போ³ ந பயிருபாஸிதப்³போ³, அத்தே²கச்சோ புக்³க³லோ
அஜ்ஜ²பெக்கி²தப்³போ³ ந ஸேவிதப்³போ³ ந ப⁴ஜிதப்³போ³ ந
பயிருபாஸிதப்³போ³; அத்தே²கச்சோ புக்³க³லோ ஸேவிதப்³போ³ ப⁴ஜிதப்³போ³
பயிருபாஸிதப்³போ³.

(15) அத்தே²கச்சோ புக்³க³லோ ஸீலேஸு பரிபுரகாரீ [பரிபுரீகாரீ (ஸ்யா.)],
ஸமாதி⁴ஸ்மிங் மத்தஸோ காரீ, பஞ்ஞாய மத்தஸோ காரீ; அத்தே²கச்சோ
புக்³க³லோ ஸீலேஸு ச பரிபுரகாரீ, ஸமாதி⁴ஸ்மிஞ்ச பரிபுரகாரீ, பஞ்ஞாய
மத்தஸோ காரீ; அத்தே²கச்சோ புக்³க³லோ ஸீலேஸு ச பரிபுரகாரீ,
ஸமாதி⁴ஸ்மிஞ்ச பரிபுரகாரீ, பஞ்ஞாய ச பரிபுரகாரீ.

(16) தயோ ஸத்தா²ரோ.

(17) அபரேபி தயோ ஸத்தா²ரோ.

திகங்.

4. சதுக்கஉத்³தே³ஸோ

10. சத்தாரோ புக்³க³லா -

(1) அஸப்புரிஸோ, அஸப்புரிஸேன அஸப்புரிஸதரோ, ஸப்புரிஸோ, ஸப்புரிஸேன ஸப்புரிஸதரோ.

(2) பாபோ, பாபேன பாபதரோ, கல்யாணோ, கல்யாணேன கல்யாணதரோ.

(3) பாபத⁴ம்மோ , பாபத⁴ம்மேன பாபத⁴ம்மதரோ, கல்யாணத⁴ம்மோ, கல்யாணத⁴ம்மேன கல்யாணத⁴ம்மதரோ.

(4) ஸாவஜ்ஜோ, வஜ்ஜப³ஹுலோ, அப்பவஜ்ஜோ [அப்பஸாவஜ்ஜோ (ஸ்யா. க.) அ. நி. 4.135], அனவஜ்ஜோ.

(5) உக்³க⁴டிதஞ்ஞா, விபஞ்சிதஞ்ஞா [விபசிதஞ்ஞா (ஸீ.) அ. நி. 4.133], நெய்யோ, பத³பரமோ.

(6) யுத்தப்படிபா⁴னோ , நோ முத்தப்படிபா⁴னோ, முத்தப்படிபா⁴னோ, நோ யுத்தப்படிபா⁴னோ, யுத்தப்படிபா⁴னோ ச முத்தப்படிபா⁴னோ ச, நேவ யுத்தப்படிபா⁴னோ நோ முத்தப்படிபா⁴னோ.

(7) சத்தாரோ த⁴ம்மகதி²கா புக்³க³லா.

(8) சத்தாரோ வலாஹகூபமா புக்³க³லா.

(9) சத்தாரோ முஸிகூபமா புக்³க³லா.

(10) சத்தாரோ அம்பு³பமா புக்³க³லா.

(11) சத்தாரோ கும்பு⁴பமா புக்³க³லா.

(12) சத்தாரோ உத³கரஹதூ³பமா புக்³க³லா.

(13) சத்தாரோ ப³லீப³த்³தூ³பமா [ப³லிப³த்³தூ³பமா (ஸீ.)] புக்³க³லா.

(14) சத்தாரோ ஆஸீவிஸூபமா புக்³க³லா.

(15) அத்தே²கச்சோ புக்³கலோ அனநுவிச்ச அபரியோகா³ஹெத்வா அவண்ணாரஹஸ்ஸ வண்ணங் பா⁴ஸிதா ஹோதி, அத்தே²கச்சோ புக்³கலோ அனநுவிச்ச அபரியோகா³ஹெத்வா வண்ணாரஹஸ்ஸ அவண்ணங் பா⁴ஸிதா ஹோதி, அத்தே²கச்சோ புக்³கலோ அனநுவிச்ச அபரியோகா³ஹெத்வா அப்பஸாத³னீயே டா²னே பஸாத³ங் உபத³ங்ஸிதா ஹோதி, அத்தே²கச்சோ புக்³கலோ அனநுவிச்ச அபரியோகா³ஹெத்வா பஸாத³னீயே டா²னே அப்பஸாத³ங் உபத³ங்ஸிதா ஹோதி.

(16) அத்தே²கச்சோ புக்³கலோ அனுவிச்ச பரியோகா³ஹெத்வா அவண்ணாரஹஸ்ஸ அவண்ணங் பா⁴ஸிதா ஹோதி, அத்தே²கச்சோ புக்³கலோ அனுவிச்ச பரியோகா³ஹெத்வா வண்ணாரஹஸ்ஸ வண்ணங் பா⁴ஸிதா ஹோதி, அத்தே²கச்சோ புக்³கலோ அனுவிச்ச பரியோகா³ஹெத்வா அப்பஸாத³னீயே டா²னே அப்பஸாத³ங் உபத³ங்ஸிதா ஹோதி, அத்தே²கச்சோ புக்³கலோ அனுவிச்ச பரியோகா³ஹெத்வா பஸாத³னீயே டா²னே பஸாத³ங் உபத³ங்ஸிதா ஹோதி.

(17) அத்தே²கச்சோ புக்³கலோ அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன, நோ ச கோ² வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன; அத்தே²கச்சோ புக்³கலோ வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன, நோ ச கோ² அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன; அத்தே²கச்சோ புக்³கலோ அவண்ணாரஹஸ்ஸ ச அவண்ணங் பா⁴ஸிதா ஹோதி பூ⁴தங் தச்ச²ங் காலேன; வண்ணாரஹஸ்ஸ ச வண்ணங் பா⁴ஸிதா ஹோதி பூ⁴தங் தச்ச²ங் காலேன, அத்தே²கச்சோ புக்³கலோ நேவ அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன, நோ ச வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன.

(18) உட்டா²னப²லூபஜீவீ நோ புஞ்ஞப²லூபஜீவீ, புஞ்ஞப²லூபஜீவீ நோ உட்டா²னப²லூபஜீவீ, உட்டா²னப²லூபஜீவீ ச புஞ்ஞப²லூபஜீவீ ச, நேவ உட்டா²னப²லூபஜீவீ நோ புஞ்ஞப²லூபஜீவீ.

(19) தமோ தமபராயனோ, தமோ ஜோதிபராயனோ, ஜோதி தமபராயனோ, ஜோதி ஜோதிபராயனோ.

(20) ஓணதோணதோ, ஓணதுண்ணதோ, உண்ணதோணதோ, உண்ணதுண்ணதோ.

(21) சத்தாரோ ருக்கூ²பமா புக்³கலா.

(22) ரூபப்பமாணோ, ரூபப்பஸன்னோ, கோ⁴ஸப்பமாணோ,
கோ⁴ஸப்பஸன்னோ.

(23) லூக²ப்பமாணோ, லூக²ப்பஸன்னோ , த⁴ம்மப்பமாணோ,
த⁴ம்மப்பஸன்னோ.

(24) அத்தே²கச்சோ புக³க³லோ அத்தஹிதாய படிபன்னோ ஹோதி, நோ
பரஹிதாய; அத்தே²கச்சோ புக³க³லோ பரஹிதாய படிபன்னோ ஹோதி, நோ
அத்தஹிதாய; அத்தே²கச்சோ புக³க³லோ அத்தஹிதாய சேவ படிபன்னோ
ஹோதி பரஹிதாய ச; அத்தே²கச்சோ புக³க³லோ நேவ அத்தஹிதாய
படிபன்னோ ஹோதி நோ பரஹிதாய.

(25) அத்தே²கச்சோ புக³க³லோ அத்தந்தபோ ஹோதி
அத்தபரிதாபனானுயோக³மனுயுத்தோ; அத்தே²கச்சோ புக³க³லோ பரந்தபோ
ஹோதி பரபரிதாபனானுயோக³மனுயுத்தோ; அத்தே²கச்சோ புக³க³லோ
அத்தந்தபோ ச ஹோதி அத்தபரிதாபனானுயோக³மனுயுத்தோ , பரந்தபோ ச
பரபரிதாபனானுயோக³மனுயுத்தோ; அத்தே²கச்சோ புக³க³லோ நேவ அத்தந்தபோ
ஹோதி ந அத்தபரிதாபனானுயோக³மனுயுத்தோ, ந பரந்தபோ ந
பரபரிதாபனானுயோக³மனுயுத்தோ. ஸோ அனத்தந்தபோ அபரந்தபோ தி³ட்டே²வ
த⁴ம்மே நிச்சா²தோ நிப்³பு³தோ ஸீதீபு⁴தோ [ஸீதிபு⁴தோ (ஸீ. க.)]
ஸுக²ப்படிஸங்வேதீ³ ப்³ரஹ்மபு⁴தேன அத்தனா விஹரதி.

(26) ஸராகோ³, ஸதோ³ஸோ, ஸமோஹோ, ஸமானோ.

(27) அத்தே²கச்சோ புக³க³லோ லாபீ⁴ ஹோதி அஜ்ஜத்தங்
சேதோஸமத²ஸ்ஸ, ந லாபீ⁴ அதி⁴பஞ்ஞாத⁴ம்மவிபஸ்ஸனாய;
அத்தே²கச்சோ புக³க³லோ லாபீ⁴ ஹோதி அதி⁴பஞ்ஞாத⁴ம்மவிபஸ்ஸனாய,
ந லாபீ⁴ அஜ்ஜத்தங் சேதோஸமத²ஸ்ஸ; அத்தே²கச்சோ புக³க³லோ லாபீ⁴
சேவ ஹோதி அஜ்ஜத்தங் சேதோஸமத²ஸ்ஸ, லாபீ⁴ ச
அதி⁴பஞ்ஞாத⁴ம்மவிபஸ்ஸனாய; அத்தே²கச்சோ புக³க³லோ நேவ லாபீ⁴
ஹோதி அஜ்ஜத்தங் சேதோஸமத²ஸ்ஸ, ந லாபீ⁴
அதி⁴பஞ்ஞாத⁴ம்மவிபஸ்ஸனாய.

(28) அனுஸோதகா³மீ புக³க³லோ, படிஸோதகா³மீ புக³க³லோ, டி²தத்தோ
புக³க³லோ, திண்ணோ பாரங்க³தோ [பாரக³தோ (ஸீ. ஸ்யா.)] த²லே திட்ட²தி
ப்³ராஹ்மணோ.

(29) அப்பஸ்ஸுதோ ஸுதேன அனுபபன்னோ, அப்பஸ்ஸுதோ ஸுதேன
உபபன்னோ, ப்³ஹுஸ்ஸுதோ ஸுதேன அனுபபன்னோ, ப்³ஹுஸ்ஸுதோ
ஸுதேன உபபன்னோ.

(30) ஸமணமசலோ, ஸமணபது³மோ, ஸமணபுண்ட³ரீகோ, ஸமணேஸு³ ஸமணஸுகு²மாலோ.

சதுக்கங்.

5. பஞ்சகஉத்³தே³ஸோ

11. பஞ்ச புக்³க³லா -

(1) அத்தே²கச்சோ புக்³க³லோ ஆரப⁴தி [ஆரம்ப⁴தி (ஸீ. ஸ்யா.)] ச விப்படிஸாரீ ச ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி. அத்தே²கச்சோ புக்³க³லோ ஆரப⁴தி ந விப்படிஸாரீ ச ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி. அத்தே²கச்சோ புக்³க³லோ நாரப⁴தி ந விப்படிஸாரீ ச ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி. அத்தே²கச்சோ புக்³க³லோ நாரப⁴தி ந விப்படிஸாரீ ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி. அத்தே²கச்சோ புக்³க³லோ நாரப⁴தி ந விப்படிஸாரீ ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி.

(2) த³த்வா அவஜானாதி, ஸங்வாஸேன அவஜானாதி, ஆதெ⁴ய்யமுகோ² ஹோதி, லோலோ ஹோதி, மந்தோ³ மோமூஹோ ஹோதி.

(3) பஞ்ச யோதா⁴ஜீவூபமா புக்³க³லா.

(4) பஞ்ச பிண்ட³பாதிகா.

(5) பஞ்ச க²லுபச்சா²ப⁴த்திகா.

(6) பஞ்ச ஏகாஸனிகா.

(7) பஞ்ச பங்ஸுகூலிகா.

(8) பஞ்ச தேசீவரிகா.

(9) பஞ்ச ஆரஞ்ஞிகா.

(10) பஞ்ச ரூக்க²மூலிகா.

(11) பஞ்ச அப்³போ⁴காஸிகா.

(12) பஞ்ச நேஸஜ்ஜிகா.

(13) பஞ்ச யதா²ஸந்த²திகா.

(14) பஞ்ச ஸோஸானிகா.

பஞ்சகங்.

6. ச²க்கஉத்³தே³ஸோ

12. ச² புக்³க³லா -

(1) அத்தே²கச்சோ புக்³க³லோ புப்³பே³ அனநுஸ்ஸுதேஸு த்⁴ம்மேஸு ஸாமங் ஸச்சானி அபி⁴ஸம்புஜ்ஜ²தி, தத்த² ச ஸப்³புஞ்ஞதங் பாபுணாதி ப³லேஸு [ப²லேஸு (பீ.)] ச வஸீபா⁴வங். அத்தே²கச்சோ புக்³க³லோ புப்³பே³ அனநுஸ்ஸுதேஸு த்⁴ம்மேஸு ஸாமங் ஸச்சானி அபி⁴ஸம்புஜ்ஜ²தி, ந ச தத்த² ஸப்³புஞ்ஞதங் பாபுணாதி ந ச ப³லேஸு வஸீபா⁴வங். அத்தே²கச்சோ புக்³க³லோ புப்³பே³ அனநுஸ்ஸுதேஸு த்⁴ம்மேஸு ஸாமங் ஸச்சானி அனபி⁴ஸம்புஜ்ஜ²தி, தி³ட்டே² சேவ த்⁴ம்மே து³க்க²ஸ்ஸந்தகரோ ஹோதி ஸாவகபாரமிஞ்ச பாபுணாதி. அத்தே²கச்சோ புக்³க³லோ புப்³பே³ அனநுஸ்ஸுதேஸு த்⁴ம்மேஸு ஸாமங் ஸச்சானி அனபி⁴ஸம்புஜ்ஜ²தி , தி³ட்டே²வ த்⁴ம்மே து³க்க²ஸ்ஸந்தகரோ ஹோதி, ந ச ஸாவகபாரமிங் பாபுணாதி. அத்தே²கச்சோ புக்³க³லோ புப்³பே³ அனநுஸ்ஸுதேஸு த்⁴ம்மேஸு ஸாமங் ஸச்சானி அனபி⁴ஸம்புஜ்ஜ²தி, ந ச தி³ட்டே²வ த்⁴ம்மே து³க்க²ஸ்ஸந்தகரோ ஹோதி, அனாகா³மீ ஹோதி அனாக³ந்தா [அனாக³ந்த்வா (ஸ்யா. க.) அ. நி. 4.171] இத்த²த்தங். அத்தே²கச்சோ புக்³க³லோ புப்³பே³ அனநுஸ்ஸுதேஸு த்⁴ம்மேஸு ஸாமங் ஸச்சானி அனபி⁴ஸம்புஜ்ஜ²தி, ந ச தி³ட்டே²வ த்⁴ம்மே து³க்க²ஸ்ஸந்தகரோ ஹோதி, ஆகா³மீ [ஸோதாபன்னஸகதா³கா³மீ (ஸ்யா. க.)] ஹோதி ஆக³ந்தா இத்த²த்தங்.

ச²க்கங்.

7. ஸத்தகஉத்³தே³ஸோ

13. ஸத்த புக்³க³லா -

(1) ஸத்த உத³கூபமா புக்³க³லா. ஸகிங் நிமுக³கோ³ நிமுக³கோ³வ ஹோதி, உம்முஜ்ஜித்வா நிமுஜ்ஜதி, உம்முஜ்ஜித்வா டி²தோ ஹோதி, உம்முஜ்ஜித்வா

விபஸ்ஸதி விலோகேதி, உம்முஜ்ஜித்வா பதரதி, உம்முஜ்ஜித்வா
படிகா³த⁴ப்பத்தோ ஹோதி, உம்முஜ்ஜித்வா திண்ணோ ஹோதி பாரங்க³தோ
த²லே திட்ட²தி ப்³ராஹ்மணோ.

(2) உப⁴தோபா⁴க³விமுத்தோ , பஞ்ஞாவிமுத்தோ, காயஸக்கீ²,
தி³ட்டி²ப்பத்தோ, ஸத்³தா⁴விமுத்தோ, த⁴ம்மானுஸாரீ, ஸத்³தா⁴னுஸாரீ.

ஸத்தகங்.

8. அட்ட²கஉத்³தே³ஸோ

14. அட்ட² புக்³க³லா -

(1) சத்தாரோ மக்³க³ஸமங்கி³னோ, சத்தாரோ ப²லஸமங்கி³னோ புக்³க³லா.

அட்ட²கங்.

9. நவகஉத்³தே³ஸோ

15. நவ புக்³க³லா -

(1) ஸம்மாஸம்புத்³தோ⁴, பச்சேகஸம்புத்³தோ⁴,
உப⁴தோபா⁴க³விமுத்தோ, பஞ்ஞாவிமுத்தோ, காயஸக்கீ², தி³ட்டி²ப்பத்தோ,
ஸத்³தா⁴விமுத்தோ, த⁴ம்மானுஸாரீ, ஸத்³தா⁴னுஸாரீ.

நவகங்.

10. த³ஸகஉத்³தே³ஸோ

16. த³ஸ புக்³க³லா -

(1) பஞ்சன்னங் இத⁴ நிட்டா², பஞ்சன்னங் இத⁴ விஹாய நிட்டா².

த³ஸகங்.

புக்³க³லபஞ்ஞத்திமாதிகா நிட்டி²தா.

நித்³தே³ஸோ

1. ஏககபுக்³லபஞ்ஞத்தி

1. கதமோ ச புக்³லோ ஸமயவிமுத்தோ? இதே⁴கச்சோ புக்³லோ காலேன காலங் ஸமயேன ஸமயங் அட்ட² விமொக்கே² காயேன பு²ஸித்வா [\[பு²ஸித்வா \(ஸீ. பீ.\)\]](#) விஹரதி, பஞ்ஞாய சஸ்ஸ தி³ஸ்வா ஏகச்சே ஆஸவா பரிக்²ணா ஹொந்தி - அயங் வுச்சதி புக்³லோ “ஸமயவிமுத்தோ”.

2. கதமோ ச புக்³லோ அஸமயவிமுத்தோ? இதே⁴கச்சோ புக்³லோ ந ஹேவ கோ² காலேன காலங் ஸமயேன ஸமயங் அட்ட² விமொக்கே² காயேன பு²ஸித்வா விஹரதி, பஞ்ஞாய சஸ்ஸ தி³ஸ்வா ஆஸவா பரிக்²ணா ஹொந்தி - அயங் வுச்சதி புக்³லோ “அஸமயவிமுத்தோ”. ஸப்³பே³பி அரியபுக்³லா அரியே விமொக்கே² அஸமயவிமுத்தா.

3. கதமோ ச புக்³லோ குப்பத⁴ம்மோ? இதே⁴கச்சோ புக்³லோ லாபீ⁴ ஹொதி ரூபஸஹக³தானங் வா அரூபஸஹக³தானங் வா ஸமாபத்தீனங். ஸோ ச கோ² ந நிகாமலாபீ⁴ ஹொதி ந அகிச்ச²லாபீ⁴ ந அகஸிரலாபீ⁴; ந யத்தி²ச்ச²கங் யதி³ச்ச²கங் யாவதிச்ச²கங் ஸமாபஜ்ஜதிபி வுட்டா²திபி. டா²னங் கோ² பனேதங் விஜ்ஜதி, யங் தஸ்ஸ புக்³லஸ்ஸ பமாத³மாக³ம்ம தா ஸமாபத்தியோ குப்பெய்யுங் - அயங் வுச்சதி புக்³லோ “குப்பத⁴ம்மோ”.

4. கதமோ ச புக்³லோ அகுப்பத⁴ம்மோ? இதே⁴கச்சோ புக்³லோ லாபீ⁴ ஹொதி ரூபஸஹக³தானங் வா அரூபஸஹக³தானங் வா ஸமாபத்தீனங். ஸோ ச கோ² நிகாமலாபீ⁴ ஹொதி அகிச்ச²லாபீ⁴ அகஸிரலாபீ⁴; யத்தி²ச்ச²கங் யதி³ச்ச²கங் யாவதிச்ச²கங் ஸமாபஜ்ஜதிபி வுட்டா²திபி. அட்டா²னமேதங் அனவகாஸோ யங் தஸ்ஸ புக்³லஸ்ஸ பமாத³மாக³ம்ம தா ஸமாபத்தியோ குப்பெய்யுங் - அயங் வுச்சதி புக்³லோ “அகுப்பத⁴ம்மோ”. ஸப்³பே³பி அரியபுக்³லா அரியே விமொக்கே² அகுப்பத⁴ம்மா.

5. கதமோ ச புக்³லோ பரிஹானத⁴ம்மோ? இதே⁴கச்சோ புக்³லோ லாபீ⁴ ஹொதி ரூபஸஹக³தானங் வா அரூபஸஹக³தானங் வா ஸமாபத்தீனங். ஸோ ச கோ² ந நிகாமலாபீ⁴ ஹொதி ந அகிச்ச²லாபீ⁴ ந அகஸிரலாபீ⁴; ந யத்தி²ச்ச²கங் யதி³ச்ச²கங் யாவதிச்ச²கங் ஸமாபஜ்ஜதிபி வுட்டா²திபி. டா²னங் கோ² பனேதங் விஜ்ஜதி, யங் ஸோ புக்³லோ பமாத³மாக³ம்ம தாஹி ஸமாபத்தீஹி பரிஹாயெய்ய - அயங் வுச்சதி புக்³லோ “பரிஹானத⁴ம்மோ”.

6. கதமோ ச புக்³கலோ அபரிஹானத்⁴ம்மோ? இதே⁴கச்சோ புக்³கலோ லாபீ⁴ ஹோதி ரூபஸஹக³தானங் வா அரூபஸஹக³தானங் வா ஸமாபத்தீனங். ஸோ ச கோ² நிகாமலாபீ⁴ ஹோதி அகிச்ச²லாபீ⁴ அகஸிரலாபீ⁴; யத்தி²ச்ச²கங் யதி³ச்ச²கங் யாவதிச்ச²கங் ஸமாபஜ்ஜதிபி வுட்டா²திபி. அட்டா²னமேதங் அனவகாஸோ யங் ஸோ புக்³கலோ பமாத்³மாக³ம்ம தாஹி ஸமாபத்தீஹி பரிஹாயெய்ய - அயங் வுச்சதி புக்³கலோ “அபரிஹானத்⁴ம்மோ”. ஸப்³பேபி அரியபுக்³கலா அரியே விமொக்கே² அபரிஹானத்⁴ம்மா.

7. கதமோ ச புக்³கலோ சேதனாப⁴ப்³போ³? இதே⁴கச்சோ புக்³கலோ லாபீ⁴ ஹோதி ரூபஸஹக³தானங் வா அரூபஸஹக³தானங் வா ஸமாபத்தீனங். ஸோ ச கோ² ந நிகாமலாபீ⁴ ஹோதி ந அகிச்ச²லாபீ⁴ ந அகஸிரலாபீ⁴; ந யத்தி²ச்ச²கங் யதி³ச்ச²கங் யாவதிச்ச²கங் ஸமாபஜ்ஜதிபி வுட்டா²திபி. ஸசே அனுஸஞ்சேதேதி, ந பரிஹாயதி தாஹி ஸமாபத்தீஹி. ஸசே ந அனுஸஞ்சேதேதி, பரிஹாயதி தாஹி ஸமாபத்தீஹி - அயங் வுச்சதி புக்³கலோ “சேதனாப⁴ப்³போ³”.

8. கதமோ ச புக்³கலோ அனுரக்க²ணாப⁴ப்³போ³? இதே⁴கச்சோ புக்³கலோ லாபீ⁴ ஹோதி ரூபஸஹக³தானங் வா அரூபஸஹக³தானங் வா ஸமாபத்தீனங். ஸோ ச கோ² ந நிகாமலாபீ⁴ ஹோதி ந அகிச்ச²லாபீ⁴ ந அகஸிரலாபீ⁴; ந யத்தி²ச்ச²கங் யதி³ச்ச²கங் யாவதிச்ச²கங் ஸமாபஜ்ஜதிபி வுட்டா²திபி. ஸசே அனுரக்க²தி, ந பரிஹாயதி தாஹி ஸமாபத்தீஹி. ஸசே ந அனுரக்க²தி, பரிஹாயதி தாஹி ஸமாபத்தீஹி - அயங் வுச்சதி புக்³கலோ “அனுரக்க²ணாப⁴ப்³போ³”.

9. கதமோ ச புக்³கலோ புது²ஜ்ஜனோ? யஸ்ஸ புக்³கலஸ்ஸ தீணி ஸங்யோஜனானி அப்பஹீனானி; ந ச தேஸங் த⁴ம்மானங் பஹானாய படிபன்னோ - அயங் வுச்சதி புக்³கலோ “புது²ஜ்ஜனோ”.

10. கதமோ ச புக்³கலோ கொ³த்ரபு⁴? யேஸங் த⁴ம்மானங் ஸமனந்தரா அரியத்⁴ம்மஸ்ஸ அவக்கந்தி ஹோதி தேஹி த⁴ம்மேஹி ஸமன்னாக³தோ - அயங் வுச்சதி புக்³கலோ “கொ³த்ரபு⁴”.

11. கதமோ ச புக்³கலோ ப⁴யூபரதோ? ஸத்த ஸெக்கா² ப⁴யூபரதா, யே ச புது²ஜ்ஜனா ஸீலவந்தோ. அரஹா அப⁴யூபரதோ.

12. கதமோ ச புக்³கலோ அப⁴ப்³பா³க³மனோ? யே தே புக்³கலா கம்மாவரணேன ஸமன்னாக³தா, கிலேஸாவரணேன ஸமன்னாக³தா, விபாகாவரணேன ஸமன்னாக³தா, அஸ்ஸத்³தா⁴ அச்ச²ந்தி³கா து³ப்பஞ்ஞா

ஏளா, அப⁴ப³பா³ நியாமங் ஓக்கமிதுங் குஸலேஸு த⁴ம்மேஸு ஸம்மத்தங் - இமே வச்சந்தி புக்க³லா “அப⁴ப³பா³க³மனா”.

13. கதமோ ச புக்க³லோ ப⁴ப³பா³க³மனோ? யே தே புக்க³லா ந கம்மாவரணேன ஸமன்னாக³தா, ந கிலேஸாவரணேன ஸமன்னாக³தா, ந விபாகாவரணேன ஸமன்னாக³தா, ஸத்த³தா⁴ ச²ந்தி³கா பஞ்ஞவந்தோ [\[பஞ்ஞவந்தா \(ஸீ.\)\]](#) அனேளா, ப⁴ப³பா³ நியாமங் ஓக்கமிதுங் குஸலேஸு த⁴ம்மேஸு ஸம்மத்தங் - இமே வச்சந்தி புக்க³லா “ப⁴ப³பா³க³மனா”.

14. கதமோ ச புக்க³லோ நியதோ? பஞ்ச புக்க³லா ஆனந்தரிகா, யே ச மிச்சா²தி³ட்டி²கா நியதா, அட்ட² ச அரியபுக்க³லா நியதா. அவஸேஸா புக்க³லா அனியதா.

15. கதமோ ச புக்க³லோ படிபன்னகோ? சத்தாரோ மக்க³ஸமங்கி³னோ புக்க³லா படிபன்னகா, சத்தாரோ ப²லஸமங்கி³னோ புக்க³லா ப²லே டி²தா.

16. கதமோ ச புக்க³லோ ஸமஸீஸீ? யஸ்ஸ புக்க³லஸ்ஸ அபுப்ப³ங் அசரிமங் ஆஸவபரியாதா³னஞ்ச ஹோதி ஜீவிதபரியாதா³னஞ்ச - அயங் வச்சதி புக்க³லோ “ஸமஸீஸீ”.

17. கதமோ ச புக்க³லோ டி²தகப்பீ? அயஞ்ச புக்க³லோ ஸோதாபத்திப²லஸச்சி²கிரியாய படிபன்னோ அஸ்ஸ, கப்பஸ்ஸ ச உட்³ட³ய்ஹனவேலா அஸ்ஸ, நேவ தாவ கப்போ உட்³ட³ய்ஹெய்ய யாவாயங் புக்க³லோ ந ஸோதாபத்திப²லங் ஸச்சிகரோதி. அயங் வச்சதி புக்க³லோ “டி²தகப்பீ”. ஸப்பே³பி மக்க³ஸமங்கி³னோ புக்க³லா டி²தகப்பினோ.

18. கதமோ ச புக்க³லோ அரியோ? அட்ட² அரியபுக்க³லா அரியா. அவஸேஸா புக்க³லா அனரியா.

19. கதமோ ச புக்க³லோ ஸெக்கோ²? சத்தாரோ மக்க³ஸமங்கி³னோ தயோ ப²லஸமங்கி³னோ புக்க³லா “ஸெக்கா²”. அரஹா அஸெக்கோ². அவஸேஸா புக்க³லா நேவஸெக்க²னாஸெக்கா².

20. கதமோ ச புக்க³லோ தேவிஜ்ஜோ? தீஹி விஜ்ஜாஹி ஸமன்னாக³தோ புக்க³லோ “தேவிஜ்ஜோ”.

21. கதமோ ச புக்க³லோ ச²ளபி⁴ஞ்ஞோ? ச²ஹி அபி⁴ஞ்ஞாஹி ஸமன்னாக³தோ புக்க³லோ “ச²ளபி⁴ஞ்ஞோ”.

22. கதமோ ச புக்க³லோ ஸம்மாஸம்புத்தோ⁴? இதே⁴கச்சோ புக்க³லோ புப்பே³ அனநுஸ்ஸுதேஸு த⁴ம்மேஸு ஸாமங் ஸச்சானி அபி⁴ஸம்புஜ்ஜ²தி;

தத்த² ச ஸப்³ப³ஞ்ஞுதங் பாபுணாதி, ப³லேஸு ச வஸீபா⁴வங் - அயங் வுச்சதி
புக்³க³லோ “ஸம்மாஸம்பு³தோ⁴”.

23. கதமோ ச புக்³க³லோ பச்சேகஸம்பு³தோ⁴? இதே⁴கச்சோ புக்³க³லோ
புப்³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அபி⁴ஸம்பு³ஜ்ஜ²தி;
ந ச தத்த² ஸப்³ப³ஞ்ஞுதங் பாபுணாதி, ந ச ப³லேஸு வஸீபா⁴வங் - அயங்
வுச்சதி புக்³க³லோ “பச்சேகஸம்பு³தோ⁴”.

24. கதமோ ச புக்³க³லோ உப⁴தோபா⁴க³விமுத்தோ? இதே⁴கச்சோ
புக்³க³லோ அட்ட² விமொக்கே² காயேன பு³ஸித்வா விஹரதி; பஞ்ஞாய சஸ்ஸ
தி³ஸ்வா ஆஸவா பரிக்³ணா ஹொந்தி - அயங் வுச்சதி புக்³க³லோ
“உப⁴தோபா⁴க³விமுத்தோ”.

25. கதமோ ச புக்³க³லோ பஞ்ஞாவிமுத்தோ? இதே⁴கச்சோ புக்³க³லோ ந
ஹேவ கோ² அட்ட² விமொக்கே² காயேன பு³ஸித்வா விஹரதி; பஞ்ஞாய
சஸ்ஸ தி³ஸ்வா ஆஸவா பரிக்³ணா ஹொந்தி. அயங் வுச்சதி புக்³க³லோ
“பஞ்ஞாவிமுத்தோ”.

26. கதமோ ச புக்³க³லோ காயஸக்கீ²? இதே⁴கச்சோ புக்³க³லோ அட்ட²
விமொக்கே² காயேன பு³ஸித்வா விஹரதி ; பஞ்ஞாய சஸ்ஸ தி³ஸ்வா ஏகச்சே
ஆஸவா பரிக்³ணா ஹொந்தி. அயங் வுச்சதி புக்³க³லோ “காயஸக்கீ²”.

27. கதமோ ச புக்³க³லோ தி³ட்டி²ப்பத்தோ? இதே⁴கச்சோ புக்³க³லோ “இத³ங்
து³க்க²”ந்தி யதா²பூ⁴தங் பஜானாதி, “அயங் து³க்க²ஸமுத³யோ”தி யதா²பூ⁴தங்
பஜானாதி, “அயங் து³க்க²னிரோதோ⁴”தி யதா²பூ⁴தங் பஜானாதி, “அயங்
து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி. ததா²க³தப்பவேதி³தா
சஸ்ஸ த⁴ம்மா பஞ்ஞாய வோதி³ட்டா² ஹொந்தி வோசரிதா. பஞ்ஞாய சஸ்ஸ
தி³ஸ்வா ஏகச்சே ஆஸவா பரிக்³ணா ஹொந்தி - அயங் வுச்சதி புக்³க³லோ
“தி³ட்டி²ப்பத்தோ”.

28. கதமோ ச புக்³க³லோ ஸத்த³தா⁴விமுத்தோ? இதே⁴கச்சோ புக்³க³லோ
“இத³ங் து³க்க²”ந்தி யதா²பூ⁴தங் பஜானாதி, “அயங் து³க்க²ஸமுத³யோ”தி
யதா²பூ⁴தங் பஜானாதி, “அயங் து³க்க²னிரோதோ⁴”தி யதா²பூ⁴தங் பஜானாதி,
“அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி.
ததா²க³தப்பவேதி³தா சஸ்ஸ த⁴ம்மா பஞ்ஞாய வோதி³ட்டா² ஹொந்தி
வோசரிதா. பஞ்ஞாய சஸ்ஸ தி³ஸ்வா ஏகச்சே ஆஸவா பரிக்³ணா ஹொந்தி,
நோ ச கோ² யதா² தி³ட்டி²ப்பத்தஸ்ஸ - அயங் வுச்சதி புக்³க³லோ
“ஸத்த³தா⁴விமுத்தோ”.

29. கதமோ ச புக்³க³லோ த்⁴ம்மானுஸாரீ? யஸ்ஸ புக்³க³லஸ்ஸ ஸோதாபத்திப²லஸச்சி²கிரியாய படிபன்னஸ்ஸ பஞ்ஞிந்த³ரியங் அதி⁴மத்தங் ஹோதி, பஞ்ஞாவாஹிங் பஞ்ஞாபு³ப³ங்க³மங் அரியமக்³க³ங் பா⁴வேதி - அயங் வுச்சதி புக்³க³லோ “த்⁴ம்மானுஸாரீ”. ஸோதாபத்திப²லஸச்சி²கிரியாய படிபன்னோ புக்³க³லோ த்⁴ம்மானுஸாரீ ப²லே டி²தோ தி³ட்டி²ப்பத்தோ.

30. கதமோ ச புக்³க³லோ ஸத்த³தா⁴னுஸாரீ? யஸ்ஸ புக்³க³லஸ்ஸ ஸோதாபத்திப²லஸச்சி²கிரியாய படிபன்னஸ்ஸ ஸத்த³தி⁴ந்த³ரியங் அதி⁴மத்தங் ஹோதி, ஸத்த³தா⁴வாஹிங் ஸத்த³தா⁴பு³ப³ங்க³மங் அரியமக்³க³ங் பா⁴வேதி - அயங் வுச்சதி புக்³க³லோ “ஸத்த³தா⁴னுஸாரீ”. ஸோதாபத்திப²லஸச்சி²கிரியாய படிபன்னோ புக்³க³லோ ஸத்த³தா⁴னுஸாரீ ப²லே டி²தோ ஸத்த³தா⁴விமுத்தோ.

31. கதமோ ச புக்³க³லோ ஸத்தக்க²த்துபரமோ? இதே⁴கச்சோ புக்³க³லோ திண்ணங் ஸங்யோஜனானங் பரிக்க²யா ஸோதாபன்னோ ஹோதி அவினிபாதத்⁴ம்மோ நியதோ ஸம்போ³தி⁴பராயனோ [ஸம்போ³தி⁴பராயனோ (ஸீ. க.)]. ஸோ ஸத்தக்க²த்துங் தே³வே ச மானுஸே ச ஸந்தா⁴வித்வா ஸங்ஸரித்வா து³க்க²ஸ்ஸந்தங் கரோதி - அயங் வுச்சதி புக்³க³லோ “ஸத்தக்க²த்துபரமோ”.

32. கதமோ ச புக்³க³லோ கோலங்கோலோ? இதே⁴கச்சோ புக்³க³லோ திண்ணங் ஸங்யோஜனானங் பரிக்க²யா ஸோதாபன்னோ ஹோதி அவினிபாதத்⁴ம்மோ நியதோ ஸம்போ³தி⁴பராயனோ. ஸோ த்³வே வா தீணி வா குலானி ஸந்தா⁴வித்வா ஸங்ஸரித்வா து³க்க²ஸ்ஸந்தங் கரோதி - அயங் வுச்சதி புக்³க³லோ “கோலங்கோலோ”.

33. கதமோ ச புக்³க³லோ ஏகபீஜீ? இதே⁴கச்சோ புக்³க³லோ திண்ணங் ஸங்யோஜனானங் பரிக்க²யா ஸோதாபன்னோ ஹோதி அவினிபாதத்⁴ம்மோ நியதோ ஸம்போ³தி⁴பராயனோ. ஸோ ஏகங்யேவ மானுஸகங் ப⁴வங் நி³ப³த்தெத்வா து³க்க²ஸ்ஸந்தங் கரோதி - அயங் வுச்சதி புக்³க³லோ “ஏகபீஜீ”.

34. கதமோ ச புக்³க³லோ ஸகதா³கா³மீ? இதே⁴கச்சோ புக்³க³லோ திண்ணங் ஸங்யோஜனானங் பரிக்க²யா ராக³தோ³ஸமோஹானங் தனுத்தா ஸகதா³கா³மீ ஹோதி , ஸகிதே³வ இமங் லோகங் ஆக³ந்த்வா து³க்க²ஸ்ஸந்தங் கரோதி - அயங் வுச்சதி புக்³க³லோ “ஸகதா³கா³மீ”.

35. கதமோ ச புக்³க³லோ அனாகா³மீ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஓபபாதிகோ ஹோதி, தத்த² பரினி³ப³யீ அனாவத்தித்⁴ம்மோ தஸ்மா லோகா - அயங் வுச்சதி புக்³க³லோ “அனாகா³மீ”.

36. கதமோ ச புக்³க³லோ அந்தராபரினிப்³பா³யீ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஓபபாதிகோ ஹோதி, தத்த² பரினிப்³பா³யீ அனாவத்தித⁴ம்மோ தஸ்மா லோகா. ஸோ உபபன்னங் வா ஸமனந்தரா அப்பத்தங் வா வேமஜ்ஜ²ங் ஆயுப்பமாணங் அரியமக்³க³ங் ஸஞ்ஜனேதி உபரிட்டி²மானங் ஸங்யோஜனானங் பஹானாய - அயங் வுச்சதி புக்³க³லோ “அந்தராபரினிப்³பா³யீ”.

37. கதமோ ச புக்³க³லோ உபஹச்சபரினிப்³பா³யீ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஓபபாதிகோ ஹோதி, தத்த² பரினிப்³பா³யீ அனாவத்தித⁴ம்மோ தஸ்மா லோகா. ஸோ அதிக்மித்வா வேமஜ்ஜ²ங் ஆயுப்பமாணங் உபஹச்ச வா காலகிரியங் [காலங் கிரியங் (க.)] அரியமக்³க³ங் ஸஞ்ஜனேதி உபரிட்டி²மானங் ஸங்யோஜனானங் பஹானாய - அயங் வுச்சதி புக்³க³லோ “உபஹச்சபரினிப்³பா³யீ”.

38. கதமோ ச புக்³க³லோ அஸங்கா²ரபரினிப்³பா³யீ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஓபபாதிகோ ஹோதி, தத்த² பரினிப்³பா³யீ அனாவத்தித⁴ம்மோ தஸ்மா லோகா. ஸோ அஸங்கா²ரேன அரியமக்³க³ங் ஸஞ்ஜனேதி உபரிட்டி²மானங் ஸங்யோஜனானங் பஹானாய - அயங் வுச்சதி புக்³க³லோ “அஸங்கா²ரபரினிப்³பா³யீ”.

39. கதமோ ச புக்³க³லோ ஸஸங்கா²ரபரினிப்³பா³யீ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஓபபாதிகோ ஹோதி, தத்த² பரினிப்³பா³யீ அனாவத்தித⁴ம்மோ தஸ்மா லோகா. ஸோ ஸஸங்கா²ரேன அரியமக்³க³ங் ஸஞ்ஜனேதி உபரிட்டி²மானங் ஸங்யோஜனானங் பஹானாய - அயங் வுச்சதி புக்³க³லோ “ஸஸங்கா²ரபரினிப்³பா³யீ”.

40. கதமோ ச புக்³க³லோ உத்³த⁴ங்ஸோதோ அகனிட்ட²கா³மீ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஓபபாதிகோ ஹோதி, தத்த² பரினிப்³பா³யீ அனாவத்தித⁴ம்மோ தஸ்மா லோகா. ஸோ அவிஹா சுதோ அதப்பங் க³ச்ச²தி, அதப்பா சுதோ ஸுத³ஸ்ஸங் க³ச்ச²தி, ஸுத³ஸ்ஸா சுதோ ஸுத³ஸ்ஸிங் க³ச்ச²தி, ஸுத³ஸ்ஸியா சுதோ அகனிட்ட²ங் க³ச்ச²தி; அகனிட்டே² அரியமக்³க³ங் ஸஞ்ஜனேதி உபரிட்டி²மானங் ஸங்யோஜனானங் பஹானாய - அயங் வுச்சதி புக்³க³லோ “உத்³த⁴ங்ஸோதோ அகனிட்ட²கா³மீ”.

41. கதமோ ச புக்³க³லோ ஸோதாபன்னோ ஸோதாபத்திப²லஸச்சி²கிரியாய படிபன்னோ? திண்ணங் ஸங்யோஜனானங் பஹானாய படிபன்னோ புக்³க³லோ ஸோதாபத்திப²லஸச்சி²கிரியாய படிபன்னோ. யஸ்ஸ புக்³க³லஸ்ஸ தீணி ஸங்யோஜனானி பஹீனானி - அயங் வுச்சதி புக்³க³லோ “ஸோதாபன்னோ”.

42. காமராக³ப்யாபாதா³னங் தனுபா⁴வாய படிபன்னோ புக்³க³லோ ஸகதா³கா³மிப²லஸச்சி²கிரியாய படிபன்னோ . யஸ்ஸ புக்³க³லஸ்ஸ காமராக³ப்யாபாதா³ தனுபு⁴தா - அயங் வுச்சதி புக்³க³லோ “ஸகதா³கா³மீ”.

43. காமராக³ப்யாபாதா³னங் அனவஸேஸப்பஹானாய படிபன்னோ புக்³க³லோ அனாகா³மிப²லஸச்சி²கிரியாய படிபன்னோ. யஸ்ஸ புக்³க³லஸ்ஸ காமராக³ப்யாபாதா³ அனவஸேஸா பஹீனா - அயங் வுச்சதி புக்³க³லோ “அனாகா³மீ”.

44. ரூபராக³அரூபராக³மானஉத்³த⁴ச்சஅவிஜ்ஜாய அனவஸேஸப்பஹானாய படிபன்னோ புக்³க³லோ அரஹத்தப²லஸச்சி²கிரியாய படிபன்னோ. யஸ்ஸ புக்³க³லஸ்ஸ ரூபராகோ³ அரூபராகோ³ மானோ உத்³த⁴ச்சங் அவிஜ்ஜா அனவஸேஸா பஹீனா - அயங் வுச்சதி புக்³க³லோ “அரஹா”.

ஏககனித்³தே³ஸோ.

2. து³கபுக்³க³லபஞ்ஞத்தி

45. கதமோ ச புக்³க³லோ கோத⁴னோ? தத்த² கதமோ கோதோ⁴? யோ கோதோ⁴ குஜ்ஜ²னா குஜ்ஜி²தத்தங் தோ³ஸோ து³ஸ்ஸனா து³ஸ்ஸிதத்தங் [\[து³ஸனா து³ஸிதத்தங் \(ஸ்யா.\)\]](#) ப்யாபத்தி ப்யாபஜ்ஜனா ப்யாபஜ்ஜிதத்தங் விரோதோ⁴ படிவிரோதோ⁴ சண்டி³க்கங் அஸுரோபோ அனத்தமனதா சித்தஸ்ஸ - அயங் வுச்சதி கோதோ⁴. யஸ்ஸ புக்³க³லஸ்ஸ அயங் கோதோ⁴ அப்பஹீனோ - அயங் வுச்சதி புக்³க³லோ “கோத⁴னோ”.

46. கதமோ ச புக்³க³லோ உபனாஹீ? தத்த² கதமோ உபனாஹோ? பு³ப³காலங் கோதோ⁴ அபரகாலங் உபனாஹோ. யோ ஏவரூபோ உபனாஹோ உபனய்ஹனா உபனய்ஹிதத்தங் அட்ட²பனா [\[ஆட²பனா \(க.\) விப⁴. 891\]](#) ட²பனா ஸண்ட²பனா அனுஸங்ஸந்த³னா அனுப்பப³ந்த⁴னா த³ள்ஹீகம்மங் கோத⁴ஸ்ஸ - அயங் வுச்சதி உபனாஹோ . யஸ்ஸ புக்³க³லஸ்ஸ அயங் உபனாஹோ அப்பஹீனோ - அயங் வுச்சதி புக்³க³லோ “உபனாஹீ”.

47. கதமோ ச புக்³க³லோ மக்கீ²? தத்த² கதமோ மக்கோ²? யோ மக்கோ² மக்கா²யனா மக்கா²யிதத்தங் [\[மக்கீ²யனா மக்கீ²யிதத்தங் \(ஸீ.\)\]](#), [மக்கி²யனா மக்கி²யிதத்தங் \(க.\)](#) நிட்டு²ரியங் நிட்டு²ரியகம்மங் - அயங் வுச்சதி மக்கோ². யஸ்ஸ புக்³க³லஸ்ஸ அயங் மக்கோ² அப்பஹீனோ - அயங் வுச்சதி புக்³க³லோ “மக்கீ²”.

48. கதமோ ச புக்³க³லோ பளாஸீ? தத்த² கதமோ பளாஸோ? யோ பளாஸோ பளாஸாயனா பளாஸாயிதத்தங் பளாஸாஹாரோ விவாத³ட்டா²னங்

யுக்³க³கோ³ஹோ அப்படினிஸ்ஸக்³கோ³ - அயங் வுச்சதி பளாஸோ. யஸ்ஸ
புக்³க³லஸ்ஸ அயங் பளாஸோ அப்பஹீனோ - அயங் வுச்சதி புக்³க³லோ
“பளாஸ்”.

49. கதமோ ச புக்³க³லோ இஸ்ஸுகீ? தத்த² கதமா இஸ்ஸா? யா
பரலாபு⁴ஸக்காரக³ருகாரமானநவந்த³னபூஜனாஸு இஸ்ஸா இஸ்ஸாயனா
இஸ்ஸாயிதத்தங் உஸூயா உஸூயனா [உஸ்ஸூயா உஸ்ஸூயனா (க.)
விபு⁴. 893] உஸூயிதத்தங் - அயங் வுச்சதி இஸ்ஸா. யஸ்ஸ புக்³க³லஸ்ஸ
அயங் இஸ்ஸா அப்பஹீனா - அயங் வுச்சதி புக்³க³லோ “இஸ்ஸுகீ”.

50. கதமோ ச புக்³க³லோ மச்ச²ரீ? தத்த² கதமங் மச்ச²ரியங்? பஞ்ச
மச்ச²ரியானி - ஆவாஸமச்ச²ரியங், குலமச்ச²ரியங், லாபு⁴மச்ச²ரியங்,
வண்ணமச்ச²ரியங், து⁴ம்மமச்ச²ரியங். யங் ஏவருபங் மச்ச²ரங் மச்ச²ராயனா
மச்ச²ராயிதத்தங் வேவிச்ச²ங் கத³ரியங் கடுகஞ்சுகதா அக்³க³ஹிதத்தங்
சித்தஸ்ஸ - இத³ங் வுச்சதி மச்ச²ரியங். யஸ்ஸ புக்³க³லஸ்ஸ இத³ங்
மச்ச²ரியங் அப்பஹீனங் - அயங் வுச்சதி புக்³க³லோ “மச்ச²ரீ”.

51. கதமோ ச புக்³க³லோ ஸடோ²? தத்த² கதமங் ஸாடெ²ய்யங்?
இதே⁴கச்சோ ஸடோ² ஹோதி பரிஸடோ². யங் தத்த² ஸட²ங் ஸட²தா
ஸாடெ²ய்யங் கக்கரதா கக்கரியங் [கக்க²ளதா கக்க²ளியங் (ஸ்யா.) ஏவங்
குத்³த³கவிபு⁴ங்க³து³கனித்³தே³ஸேபி] பரிக்க²த்தத்தா பாரிக்க²த்தியங் - இத³ங்
வுச்சதி ஸாடெ²ய்யங். யஸ்ஸ புக்³க³லஸ்ஸ இத³ங் ஸாடெ²ய்யங் அப்பஹீனங்
- அயங் வுச்சதி புக்³க³லோ “ஸடோ²”.

52. கதமோ ச புக்³க³லோ மாயாவீ? தத்த² கதமா மாயா? இதே⁴கச்சோ
காயேன து³ச்சரிதங் சரித்வா வாசாய து³ச்சரிதங் சரித்வா மனஸா து³ச்சரிதங்
சரித்வா தஸ்ஸ படிச்சா²த³னஹேது பாபிகங் இச்ச²ங் பணித³ஹதி - “மா மங்
ஜஞ்ஞா”தி இச்ச²தி, “மா மங் ஜஞ்ஞா”தி ஸங்கப்பதி “மா மங் ஜஞ்ஞா”தி வாசங்
பா⁴ஸதி, “மா மங் ஜஞ்ஞா”தி காயேன பரக்கமதி. யா ஏவருபா மாயா
மாயாவிதா அச்சாஸரா வஞ்சனா நிகதி விகிரணா பரிஹரணா கூ³ஹனா
பரிகூ³ஹனா சா²த³னா படிச்சா²த³னா அனுத்தானீகம்மங் அனாவிகம்மங்
வொச்சா²த³னா பாபகிரியா - அயங் வுச்சதி மாயா. யஸ்ஸ புக்³க³லஸ்ஸ அயங்
மாயா அப்பஹீனா - அயங் வுச்சதி புக்³க³லோ “மாயாவீ”.

53. கதமோ ச புக்³க³லோ அஹிரிகோ? தத்த² கதமங் அஹிரிகங்? யங் ந
ஹிரீயதி ஹிரியிதப்³பே³ன ந ஹிரீயதி பாபகானங் அகுஸலானங் து⁴ம்மானங்
ஸமாபத்தியா - இத³ங் வுச்சதி அஹிரிகங். இமினா அஹிரிகேன
ஸமன்னாக³தோ புக்³க³லோ “அஹிரிகோ”.

54. கதமோ ச புக்³கலோ அனொத்தப்பீ? தத்த² கதமங் அனொத்தப்பங்? யங் ந ஒத்தப்பதி ஒத்தப்பிதப்³பேன ந ஒத்தப்பதி பாபகானங் அகுஸலானங் த⁴ம்மானங் ஸமாபத்தியா - இத³ங் வுச்சதி அனொத்தப்பங். இமினா அனொத்தப்பேன ஸமன்னாக³தோ புக்³கலோ “அனொத்தப்பீ”.

55. கதமோ ச புக்³கலோ துப்³ப்சோ? தத்த² கதமோ தோ³வசஸ்ஸதா? ஸஹத⁴ம்மிகே வுச்சமானே தோ³வசஸ்ஸாயங் தோ³வசஸ்ஸியங் தோ³வசஸ்ஸதா விப்படிகுலக்³கா³ஹிதா விபச்சனீகஸாததா அனாத³ரியங் அனாத³ரியதா அகா³ரவதா அப்பதிஸ்ஸவதா - அயங் வுச்சதி தோ³வசஸ்ஸதா. இமாய தோ³வசஸ்ஸதாய ஸமன்னாக³தோ புக்³கலோ “துப்³ப்சோ”.

56. கதமோ ச புக்³கலோ பாபமித்தோ? தத்த² கதமா பாபமித்ததா? யே தே புக்³கலா அஸ்ஸத்த⁴ா⁴ து³ஸ்ஸீலா அப்பஸ்ஸுதா மச்ச²ரினோ துப்பஞ்ஞா, யா தேஸங் ஸேவனா நிலேஸவனா ஸங்ஸேவனா ப⁴ஜனா ஸம்ப⁴ஜனா ப⁴த்தி ஸம்ப⁴த்தி ஸம்பவங்கதா - அயங் வுச்சதி பாபமித்ததா. இமாய பாபமித்ததாய ஸமன்னாக³தோ புக்³கலோ “பாபமித்தோ”.

57. கதமோ ச புக்³கலோ இந்த³ரியேஸு அகுத்தத்³வாரோ? தத்த² கதமா இந்த³ரியேஸு அகுத்தத்³வாரதா? இதே⁴கச்சோ புக்³கலோ சக்கு²னா ரூபங் தி³ஸ்வா நிமித்தக்³கா³ஹீ ஹோதி அனுப்³யஞ்ஜனக்³கா³ஹீ; யத்வாதி⁴கரணமேனங் சக்கு²ந்த³ரியங் அஸங்வுதங் விஹரந்தங் அபி⁴ஜ்ஜா²தோ³மனஸ்ஸா பாபகா அகுஸலா த⁴ம்மா அன்வாஸ்ஸவெய்யுங், தஸ்ஸ ஸங்வராய ந படிபஜ்ஜதி, ந ரக்க²தி சக்கு²ந்த³ரியங், சக்கு²ந்த³ரியே ந ஸங்வரங் ஆபஜ்ஜதி. ஸோதேன ஸத்³தங் ஸுத்வா...பே... கா⁴னேன க³ந்த⁴ங் கா⁴யித்வா...பே... ஜிவ்ஹாய ரஸங் ஸாயித்வா...பே... காயேன பொ²ட்ட²ப்³பங் பு²ஸித்வா...பே... மனஸா த⁴ம்மங் விஞ்ஞாய நிமித்தக்³கா³ஹீ ஹோதி அனுப்³யஞ்ஜனக்³கா³ஹீ; யத்வாதி⁴கரணமேனங் மனிந்த³ரியங் அஸங்வுதங் விஹரந்தங் அபி⁴ஜ்ஜா²தோ³மனஸ்ஸா பாபகா அகுஸலா த⁴ம்மா அன்வாஸ்ஸவெய்யுங், தஸ்ஸ ஸங்வராய ந படிபஜ்ஜதி, ந ரக்க²தி மனிந்த³ரியங், மனிந்த³ரியே ந ஸங்வரங் ஆபஜ்ஜதி. யா இமேஸங் ச²ன்னங் இந்த³ரியானங் அகுத்தி அகோ³பனா அனாரக்கோ² அஸங்வரோ - அயங் வுச்சதி இந்த³ரியேஸு அகுத்தத்³வாரதா. இமாய இந்த³ரியேஸு அகுத்தத்³வாரதாய ஸமன்னாக³தோ புக்³கலோ “இந்த³ரியேஸு அகுத்தத்³வாரோ”.

58. கதமோ ச புக்³கலோ போ⁴ஜனே அமத்தஞ்ஞா? தத்த² கதமா போ⁴ஜனே அமத்தஞ்ஞதா? இதே⁴கச்சோ புக்³கலோ அப்படிஸங்கா² அயோனிஸோ ஆஹாரங் ஆஹாரேதி த³வாய மதா³ய மண்ட³னாய விபு⁴ஸனாய, யா தத்த² அஸந்துட்டி²தா அமத்தஞ்ஞதா அப்படிஸங்கா² போ⁴ஜனே - அயங் வுச்சதி

போ⁴ஜனே அமத்தஞ்ஞதா. இமாய போ⁴ஜனே அமத்தஞ்ஞதாய
ஸமன்னாக³தோ புக³க³லோ “போ⁴ஜனே அமத்தஞ்ஞா”.

59. கதமோ ச புக³க³லோ முட்ட²ஸ்ஸதி? தத்த² கதமங் முட்ட²ஸ்ஸச்சங்?
யா அஸ்ஸதி அனநுஸ்ஸதி அப்படிஸ்ஸதி அஸ்ஸதி அஸ்ஸரணதா
அதா⁴ரணதா பிலாபனதா ஸம்முஸனதா - இத³ங் வுச்சதி முட்ட²ஸ்ஸச்சங்.
இமினா முட்ட²ஸ்ஸச்சேன ஸமன்னாக³தோ புக³க³லோ “முட்ட²ஸ்ஸதி”.

60. கதமோ ச புக³க³லோ அஸம்பஜானோ? தத்த² கதமங் அஸம்பஜஞ்ஞங்?
யங் அஞ்ஞாணங் அத³ஸ்ஸனங் அனபி⁴ஸமயோ அனநுபோ³தோ⁴
அஸம்போ³தோ⁴ அப்படிவேதோ⁴ அஸங்கா³ஹணா அபரியோகா³ஹணா
[அஸங்கா³ஹணா அபரியோகா³ஹணா (ஸீ. ஸ்யா. க.)] அஸமபெக்க²ணா
அபச்சவெக்க²ணா அபச்சக்க²கம்மங் து³ம்மெஜ்ஜ²ங் பா³ல்யங் அஸம்பஜஞ்ஞங்
மோஹோ பமோஹோ ஸம்மோஹோ அவிஜ்ஜா அவிஜ்ஜோகோ⁴
அவிஜ்ஜாயோகோ³ அவிஜ்ஜானுஸயோ அவிஜ்ஜாபரியுட்டா²னங் அவிஜ்ஜாலங்கீ³
மோஹோ அகுஸலமூலங் - இத³ங் வுச்சதி அஸம்பஜஞ்ஞங். இமினா
அஸம்பஜஞ்ஞன ஸமன்னாக³தோ புக³க³லோ “அஸம்பஜானோ”.

61. கதமோ ச புக³க³லோ ஸீலவிபன்னோ? தத்த² கதமா ஸீலவிபத்தி?
காயிகோ வீதிக்கமோ வாசஸிகோ வீதிக்கமோ காயிகவாசஸிகோ வீதிக்கமோ -
அயங் வுச்சதி ஸீலவிபத்தி. ஸப்³ப³ம்பி து³ஸ்ஸிலயங் ஸீலவிபத்தி. இமாய
ஸீலவிபத்தியா ஸமன்னாக³தோ புக³க³லோ “ஸீலவிபன்னோ”.

62. கதமோ ச புக³க³லோ தி³ட்டி²விபன்னோ? தத்த² கதமா தி³ட்டி²விபத்தி?
“நத்தி² தி³ன்னங், நத்தி² யிட்ட²ங், நத்தி² ஹுதங், நத்தி² ஸுகதது³க்கடானங்
[ஸுகடது³க்கடானங் (ஸீ.)] கம்மானங் ப²லங் விபாகோ, நத்தி² அயங் லோகோ ,
நத்தி² பரோ லோகோ , நத்தி² மாதா, நத்தி² பிதா, நத்தி² ஸத்தா ஓபபாதிகா,
நத்தி² லோகே ஸமணப்³ராஹ்மணா ஸம்மக்³க³தா [ஸமக்³க³தா (க.)]
ஸம்மாபடிபன்னா யே இமஞ்ச லோகங் பரஞ்ச லோகங் ஸயங் அபி⁴ஞ்ஞா
ஸச்சி²கத்வா பவேதெ³ந்தி²தி. யா ஏவருபா தி³ட்டி² தி³ட்டி²க³தங் தி³ட்டி²க³ஹனங்
தி³ட்டி²கந்தாரோ தி³ட்டி²விஸுகாயிகங் தி³ட்டி²விப்பந்தி³தங்
தி³ட்டி²ஸங்யோஜனங் கா³ஹோ படிக்கா³ஹோ அபி⁴னிவேஸோ பராமாஸோ
கும்மக்³கோ³ மிச்சா²பதோ² மிச்ச²த்தங் தித்தா²யதனங் விபரியாஸக்³கா³ஹோ
[விபரியேஸக்³கா³ஹோ (ஸப்³ப³த்த²) பத³ஸித்தி²தி⁴ சிந்தேதப்³பா³], அயங் வுச்சதி
தி³ட்டி²விபத்தி. ஸப்³பா³பி மிச்சா²தி³ட்டி² தி³ட்டி²விபத்தி. இமாய தி³ட்டி²விபத்தியா
ஸமன்னாக³தோ புக³க³லோ “தி³ட்டி²விபன்னோ”.

63. கதமோ ச புக³க³லோ அஜ்ஜ²த்தஸங்யோஜனோ? யஸ்ஸ புக³க³லஸ்ஸ
பஞ்சோரம்பா⁴கியானி ஸங்யோஜனானி அப்பஹீனானி - அயங் வுச்சதி
புக³க³லோ “அஜ்ஜ²த்தஸங்யோஜனோ”.

64. கதமோ ச புக்³க³லோ ப³ஹித்³தா⁴ஸங்யோஜனோ? யஸ்ஸ புக்³க³லஸ்ஸ பஞ்சத்³த⁴ம்பா⁴கியானி ஸங்யோஜனானி அப்பஹீனானி - அயங் வுச்சதி புக்³க³லோ “ப³ஹித்³தா⁴ஸங்யோஜனோ”.

65. கதமோ ச புக்³க³லோ அக்கோத⁴னோ? தத்த² கதமோ கோதோ⁴? யோ கோதோ⁴ குஜ்ஜ²னா குஜ்ஜி²தத்தங் தோ³ஸோ து³ஸ்ஸனா து³ஸ்ஸிதத்தங் ப்யாபத்தி ப்யாபஜ்ஜனா ப்யாபஜ்ஜிதத்தங் விரோதோ⁴ படிவிரோதோ⁴ சண்டி³க்கங் அஸுரோபோ அனத்தமனதா சித்தஸ்ஸ - அயங் வுச்சதி கோதோ⁴. யஸ்ஸ புக்³க³லஸ்ஸ அயங் கோதோ⁴ பஹீனோ - அயங் வுச்சதி புக்³க³லோ “அக்கோத⁴னோ”.

66. கதமோ ச புக்³க³லோ அனுபனாஹீ? தத்த² கதமோ உபனாஹோ? புப்பகாலங் கோதோ⁴ அபரகாலங் உபனாஹோ யோ ஏவருபோ உபனாஹோ உபனய்ஹனா உபனய்ஹிதத்தங் அட்ட²பனா ட²பனா ஸண்ட²பனா அனுஸங்ஸந்த³னா அனுப்பபந்த⁴னா த³ள்ஹீகம்மங் கோத⁴ஸ்ஸ - அயங் வுச்சதி உபனாஹோ. யஸ்ஸ புக்³க³லஸ்ஸ அயங் உபனாஹோ பஹீனோ - அயங் வுச்சதி புக்³க³லோ “அனுபனாஹீ”.

67. கதமோ ச புக்³க³லோ அமக்கீ²? தத்த² கதமோ மக்கோ²? யோ மக்கோ² மக்கா²யனா மக்கா²யிதத்தங் நிட்டு²ரியங் நிட்டு²ரியகம்மங் - அயங் வுச்சதி மக்கோ². யஸ்ஸ புக்³க³லஸ்ஸ அயங் மக்கோ² பஹீனோ - அயங் வுச்சதி புக்³க³லோ “அமக்கீ²”.

68. கதமோ ச புக்³க³லோ அபளாஸீ? தத்த² கதமோ பளாஸோ? யோ பளாஸோ பளாஸாயனா பளாஸாயிதத்தங் பளாஸாஹாரோ விவாத³ட்டா²னங் யுக்³க³கா³ஹோ அப்படினிஸ்ஸக்கோ³ - அயங் வுச்சதி பளாஸோ. யஸ்ஸ புக்³க³லஸ்ஸ அயங் பளாஸோ பஹீனோ - அயங் வுச்சதி புக்³க³லோ “அபளாஸீ”.

69. கதமோ ச புக்³க³லோ அனிஸ்ஸுகீ? தத்த² கதமா இஸ்ஸா? யா பரலாப⁴ஸக்காரக³ருகாரமானநவந்த³னபூஜனாஸு இஸ்ஸா இஸ்ஸாயனா இஸ்ஸாயிதத்தங் உஸூயா உஸூயனா உஸூயிதத்தங் - அயங் வுச்சதி இஸ்ஸா. யஸ்ஸ புக்³க³லஸ்ஸ அயங் இஸ்ஸா பஹீனா - அயங் வுச்சதி புக்³க³லோ “அனிஸ்ஸுகீ”.

70. கதமோ ச புக்³லோ அமச்ச²ரீ? தத்த² கதமங் மச்ச²ரியங்? பஞ்ச மச்ச²ரியானி - ஆவாஸமச்ச²ரியங், குலமச்ச²ரியங், லாப⁴மச்ச²ரியங், வண்ணமச்ச²ரியங், த⁴ம்மமச்ச²ரியங். யங் ஏவருபங் மச்சே²ரங் மச்ச²ராயனா மச்ச²ராயிதத்தங் வேவிச்ச²ங் கத³ரியங் கடுகஞ்சுகதா அக்³க³ஹிதத்தங்

சித்தஸ்ஸ - இத³ங் வுச்சதி மச்ச²ரியங். யஸ்ஸ புக³கலஸ்ஸ இத³ங் மச்ச²ரியங் பஹீனங் - அயங் வுச்சதி புக³கலோ “அமச்ச²ரீ”.

71. கதமோ ச புக³கலோ அஸடோ²? தத்த² கதமங் ஸாடெ²ய்யங்? இதே⁴கச்சோ ஸடோ² ஹோதி பரிஸடோ². யங் தத்த² ஸட²ங் ஸட²தா ஸாடெ²ய்யங் கக்கரதா கக்கரியங் பரிக்க²த்ததா பாரிக்க²த்தியங் - இத³ங் வுச்சதி ஸாடெ²ய்யங். யஸ்ஸ புக³கலஸ்ஸ இத³ங் ஸாடெ²ய்யங் பஹீனங் - அயங் வுச்சதி புக³கலோ “அஸடோ²”.

72. கதமோ ச புக³கலோ அமாயாவீ? தத்த² கதமா மாயா? இதே⁴கச்சோ புக³கலோ காயேன து³ச்சரிதங் சரித்வா வாசாய து³ச்சரிதங் சரித்வா மனஸா து³ச்சரிதங் சரித்வா தஸ்ஸ படிச்சா²த³னஹேது பாபிகங் இச்ச²ங் பணித³ஹதி - “மா மங் ஜஞ்ஞா”தி இச்ச²தி, “மா மங் ஜஞ்ஞா”தி ஸங்கப்பதி, “மா மங் ஜஞ்ஞா”தி வாசங் பா⁴ஸதி, “மா மங் ஜஞ்ஞா”தி காயேன பரக்கமதி. யா ஏவருபா மாயா மாயாவிதா அச்சாஸரா வஞ்சனா நிகதி விகிரணா பரிஹரணா கூ³ஹனா பரிகூ³ஹனா சா²த³னா படிச்சா²த³னா அனுத்தானீகம்மங் அனாவிகம்மங் வொச்சா²த³னா பாபகிரியா - அயங் வுச்சதி மாயா. யஸ்ஸ புக³கலஸ்ஸ அயங் மாயா பஹீனா - அயங் வுச்சதி புக³கலோ “அமாயாவீ”.

73. கதமோ ச புக³கலோ ஹிரிமா? தத்த² கதமா ஹிரீ? யங் ஹிரீயதி ஹிரியிதப்³பேன ஹிரீயதி பாபகானங் அகுஸலானங் த⁴ம்மானங் ஸமாபத்தியா - அயங் வுச்சதி ஹிரீ. இமாய ஹிரியா ஸமன்னாக³தோ புக³கலோ “ஹிரிமா”.

74. கதமோ ச புக³கலோ ஒத்தப்பீ? தத்த² கதமங் ஒத்தப்பங்? யங் ஒத்தப்பதி ஒத்தப்பிதப்³பேன ஒத்தப்பதி பாபகானங் அகுஸலானங் த⁴ம்மானங் ஸமாபத்தியா - இத³ங் வுச்சதி ஒத்தப்பங். இமினா ஒத்தப்பேன ஸமன்னாக³தோ புக³கலோ “ஒத்தப்பீ”.

75. கதமோ ச புக³கலோ ஸுவசோ? தத்த² கதமா ஸோவசஸ்ஸதா? ஸஹத⁴ம்மிகே வுச்சமானே ஸோவசஸ்ஸாயங் ஸோவசஸ்ஸியங் ஸோவசஸ்ஸதா அவிப்படிகுலக்³கா³ஹிதா அவிபச்சனீகஸாததா ஸாத³ரியங் ஸாத³ரியதா ஸகா³ரவதா ஸப்பதிஸ்ஸவதா - அயங் வுச்சதி ஸோவசஸ்ஸதா. இமாய ஸோவசஸ்ஸதாய ஸமன்னாக³தோ புக³கலோ “ஸுவசோ”.

76. கதமோ ச புக³கலோ கல்யாணமித்தோ? தத்த² கதமா கல்யாணமித்ததா? யே தே புக³கலா ஸத்³தா⁴ ஸீலவந்தோ ப³ஹுஸ்ஸுதா சாக³வந்தோ பஞ்ஞவந்தோ, யா தேஸங் ஸேவனா நிஸேவனா ஸங்ஸேவனா ப⁴ஜனா ஸம்ப⁴ஜனா ப⁴த்தி ஸம்ப⁴த்தி ஸம்பவங்கதா - அயங் வுச்சதி

கல்யாணமித்ததா. இமாய கல்யாணமித்ததாய ஸமன்னாகதோ புகுக்லோ
“கல்யாணமித்தோ”.

77. கதமோ ச புகுக்லோ இந்த்ரியேஸு குத்தத்வாரோ? தத்த² கதமா
இந்த்ரியேஸு குத்தத்வாரதா? இதே⁴கச்சோ புகுக்லோ சக்கு²னா ரூபங்
தி³ஸ்வா ந நிமித்தக்³கா³ஹீ ஹோதி நானுப்³யஞ்ஜனக்³கா³ஹீ;
யத்வாதி⁴கரணமேனங் சக்கு²ந்த்³ரியங் அஸங்வுதங் விஹரந்தங்
அபி⁴ஜ்ஜா²தோ³மனஸ்ஸா பாபகா அகுஸலா த⁴ம்மா அன்வாஸ்ஸவெய்யுங்,
தஸ்ஸ ஸங்வராய படிபஜ்ஜதி, ரக்²தி சக்கு²ந்த்³ரியங் சக்கு²ந்த்³ரியே ஸங்வரங்
ஆபஜ்ஜதி. ஸோதேன ஸத்³தங் ஸுத்வா...பே... கா⁴னேன க³ந்த⁴ங்
கா⁴யித்வா...பே... ஜிவ்ஹாய ரஸங் ஸாயித்வா...பே... காயேன பொ²ட்ட²ப்³பங்
பு²ஸித்வா...பே... மனஸா த⁴ம்மங் விஞ்ஞாய ந நிமித்தக்³கா³ஹீ ஹோதி
நானுப்³யஞ்ஜனக்³கா³ஹீ; யத்வாதி⁴கரணமேனங் மனிந்த்³ரியங் அஸங்வுதங்
விஹரந்தங் அபி⁴ஜ்ஜா²தோ³மனஸ்ஸா பாபகா அகுஸலா த⁴ம்மா
அன்வாஸ்ஸவெய்யுங், தஸ்ஸ ஸங்வராய படிபஜ்ஜதி, ரக்²தி மனிந்த்³ரியங்,
மனிந்த்³ரியே ஸங்வரங் ஆபஜ்ஜதி. யா இமேஸங் ச²ன்னங் இந்த்³ரியானங்
குத்தி கோ³பனா ஆரக்கோ² ஸங்வரோ - அயங் வச்சதி இந்த்³ரியேஸு
குத்தத்வாரதா. இமாய இந்த்³ரியேஸு குத்தத்வாரதாய ஸமன்னாகதோ
புகுக்லோ “இந்த்³ரியேஸு குத்தத்வாரோ”.

78. கதமோ ச புகுக்லோ போ⁴ஜனே மத்தஞ்ஞா? தத்த² கதமா போ⁴ஜனே
மத்தஞ்ஞதா? இதே⁴கச்சோ புகுக்லோ படிஸங்கா² யோனிஸோ ஆஹாரங்
ஆஹாரேதி - “நேவ த³வாய, ந மதா³ய, ந மண்ட³னாய, ந விபு⁴ஸனாய;
யாவதே³வ இமஸ்ஸ காயஸ்ஸ டி²தியா யாபனாய விஹிங்ஸுபரதியா
ப்³ரஹ்மசரியானுக்³கா³ஹாய. இதி புராணஞ்ச வேத³னங் படிஹங்கா²மி, நவஞ்ச
வேத³னங் ந உப்பாதெ³ஸ்ஸாமி, யாத்ரா ச மே ப⁴விஸ்ஸதி அனவஜ்ஜதா ச
பா²ஸுவிஹாரோ சா³தி. யா தத்த² ஸந்துட்டி²தா மத்தஞ்ஞதா படிஸங்கா²
போ⁴ஜனே - அயங் வச்சதி போ⁴ஜனே மத்தஞ்ஞதா. இமாய போ⁴ஜனே
மத்தஞ்ஞதாய ஸமன்னாகதோ புகுக்லோ “போ⁴ஜனே மத்தஞ்ஞா”.

79. கதமோ ச புகுக்லோ உபட்டி²தஸ்ஸதி? தத்த² கதமா ஸதி? யா ஸதி
அனுஸ்ஸதி படிஸ்ஸதி ஸதி ஸரணதா தா⁴ரணதா அபிலாபனதா
அஸம்முஸனதா ஸதி ஸதிந்த்³ரியங் ஸதிப்³லங் ஸம்மாஸதி - அயங் வச்சதி
ஸதி. இமாய ஸதியா ஸமன்னாகதோ புகுக்லோ “உபட்டி²தஸ்ஸதி”.

80. கதமோ ச புகுக்லோ ஸம்பஜானோ? தத்த² கதமங் ஸம்பஜஞ்ஞங்? யா
பஞ்ஞா பஜானநா விசயோ பவிசயோ த⁴ம்மவிசயோ ஸல்லக்க²ணா
உபலக்க²ணா பச்சுபலக்க²ணா பண்டி³ச்சங் கோஸல்லங் நேபுஞ்ஞங் வேப⁴ப்³யா
சிந்தா உபபரிக்கா² பூ⁴ரீ மேதா⁴ பரிணாயிகா விபஸ்ஸனா ஸம்பஜஞ்ஞங்

பதோதோ³ பஞ்ஞா பஞ்ஞிந்த்³ரியங் பஞ்ஞாப³லங் பஞ்ஞாஸத்த²ங்
பஞ்ஞாபாஸாதோ³ பஞ்ஞாஆலோகோ பஞ்ஞாஓபா⁴ஸோ பஞ்ஞாபஜ்ஜோதோ
பஞ்ஞாரதனங் அமோஹோ த⁴ம்மவிசயோ ஸம்மாதி³ட்டி² - இத³ங் வுச்சதி
ஸம்பஜஞ்ஞங். இமினா ஸம்பஜஞ்ஞேன ஸமன்னாக³தோ புக்³க³லோ
“ஸம்பஜானோ”.

81. கதமோ ச புக்³க³லோ ஸீலஸம்பன்னோ? தத்த² கதமா ஸீலஸம்பதா³?
காயிகோ அவீதிக்கமோ வாசஸிகோ அவீதிக்கமோ காயிகவாசஸிகோ
அவீதிக்கமோ - அயங் வுச்சதி ஸீலஸம்பதா³. ஸப்³போ³பி ஸீலஸங்வரோ
ஸீலஸம்பதா³. இமாய ஸீலஸம்பதா³ய ஸமன்னாக³தோ புக்³க³லோ
“ஸீலஸம்பன்னோ”.

82. கதமோ ச புக்³க³லோ தி³ட்டி²ஸம்பன்னோ? தத்த² கதமா தி³ட்டி²ஸம்பதா³?
“அத்தி² தி³ன்னங், அத்தி² யிட்ட²ங், அத்தி² ஹுதங், அத்தி² ஸுகதது³க்கடானங்
கம்மானங் ப²லங் விபாகோ, அத்தி² அயங் லோகோ, அத்தி² பரோ லோகோ,
அத்தி² மாதா, அத்தி² பிதா, அத்தி² ஸத்தா ஓபபாதிகா, அத்தி² லோகே
ஸமணப்³ராஹ்மணா ஸம்மக்³தா ஸம்மாபடிபன்னா யே இமஞ்ச லோகங்
பரஞ்ச லோகங் ஸயங் அபி⁴ஞ்ஞா ஸச்சி²கத்வா பவேதெ³ந்தி²தி. யா ஏவருபா
பஞ்ஞா பஜானநா...பே... அமோஹோ த⁴ம்மவிசயோ ஸம்மாதி³ட்டி² - அயங்
வுச்சதி தி³ட்டி²ஸம்பதா³. ஸப்³பா³பி ஸம்மாதி³ட்டி² தி³ட்டி²ஸம்பதா³. இமாய
தி³ட்டி²ஸம்பதா³ய ஸமன்னாக³தோ புக்³க³லோ “தி³ட்டி²ஸம்பன்னோ”.

83. கதமே த்³வே புக்³க³லா து³ல்லபா⁴ லோகஸ்மிங்? யோ ச புப்³ப³காரீ,
யோ ச கதஞ்ஞா கதவேதீ³ - இமே த்³வே புக்³க³லா து³ல்லபா⁴ லோகஸ்மிங்.

84. கதமே த்³வே புக்³க³லா து³த்தப்பயா? யோ ச லத்³த⁴ங் லத்³த⁴ங்
நிக்கி²பதி, யோ ச லத்³த⁴ங் லத்³த⁴ங் விஸ்ஸஜ்ஜேதி - இமே த்³வே புக்³க³லா
“து³த்தப்பயா”.

85. கதமே த்³வே புக்³க³லா ஸுதப்பயா? யோ ச லத்³த⁴ங் லத்³த⁴ங் ந
நிக்கி²பதி, யோ ச லத்³த⁴ங் லத்³த⁴ங் ந விஸ்ஸஜ்ஜேதி - இமே த்³வே
புக்³க³லா “ஸுதப்பயா”.

86. கதமேஸங் த்³வின்னங் புக்³க³லானங் ஆஸவா வட்³ட்⁴ந்தி? யோ ச ந
குக்குச்சாயிதப்³பங் குக்குச்சாயதி, யோ ச குக்குச்சாயிதப்³பங் ந குக்குச்சாயதி -
இமேஸங் த்³வின்னங் புக்³க³லானங் ஆஸவா வட்³ட்⁴ந்தி.

87. கதமேஸங் த்³வின்னங் புக்³க³லானங் ஆஸவா ந வட்³ட்⁴ந்தி? யோ ச ந
குக்குச்சாயிதப்³பங் ந குக்குச்சாயதி, யோ ச குக்குச்சாயிதப்³பங் குக்குச்சாயதி -
இமேஸங் த்³வின்னங் புக்³க³லானங் ஆஸவா ந வட்³ட்⁴ந்தி.

88. கதமோ ச புகு³கலோ ஹீனாதி⁴முத்தோ? இதே⁴கச்சோ புகு³கலோ து³ஸ்ஸீலோ ஹோதி பாபத⁴ம்மோ, ஸோ அஞ்ஞங் து³ஸ்ஸீலங் பாபத⁴ம்மங் ஸேவதி ப⁴ஜதி பயிருபாஸதி - அயங் வுச்சதி புகு³கலோ “ஹீனாதி⁴முத்தோ”.

89. கதமோ ச புகு³கலோ பணீதாதி⁴முத்தோ? இதே⁴கச்சோ புகு³கலோ ஸீலவா ஹோதி கல்யாணத⁴ம்மோ, ஸோ அஞ்ஞங் ஸீலவந்தங் கல்யாணத⁴ம்மங் ஸேவதி ப⁴ஜதி பயிருபாஸதி - அயங் வுச்சதி புகு³கலோ “பணீதாதி⁴முத்தோ”.

90. கதமோ ச புகு³கலோ தித்தோ? பச்சேகஸம்புத்தா⁴ [பச்சேகபுத்தோ⁴ (ஸீ.)] யே ச ததா²கதஸ்ஸ ஸாவகா அரஹந்தோ தித்தா. ஸம்மாஸம்புத்தோ⁴ தித்தோ ச தப்பேதா ச [தப்பேதா ச, அயங் வுச்சதி புகு³கலோ தித்தோ (ஸீ.)].

து³கனித்தே³ஸோ.

3. திகபுகு³கலபஞ்ஞத்தி

91. கதமோ ச புகு³கலோ நிராஸோ? இதே⁴கச்சோ புகு³கலோ து³ஸ்ஸீலோ ஹோதி பாபத⁴ம்மோ அஸூசி ஸங்கஸ்ஸரஸமாசாரோ படிச்ச²ன்னகம்மந்தோ அஸ்ஸமணோ ஸமணபடிஞ்ஞோ அப்³ரஹ்மசாரீ ப்³ரஹ்மசாரிபடிஞ்ஞோ அந்தோபூதி அவஸ்ஸுதோ கஸம்புஜாதோ. ஸோ ஸுணாதி - “இத்த²ன்னாமோ கிர பி⁴க்கு² ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதீ”தி. தஸ்ஸ ந ஏவங் ஹோதி - “குதா³ஸ்ஸு நாமாஹம்பி ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரிஸ்ஸாமீ”தி. அயங் வுச்சதி புகு³கலோ “நிராஸோ”.

92. கதமோ ச புகு³கலோ ஆஸங்ஸோ? இதே⁴கச்சோ புகு³கலோ ஸீலவா ஹோதி கல்யாணத⁴ம்மோ. ஸோ ஸுணாதி - “இத்த²ன்னாமோ கிர பி⁴க்கு² ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதீ”தி. தஸ்ஸ ஏவங் ஹோதி - “குதா³ஸ்ஸு நாமாஹம்பி ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரிஸ்ஸாமீ”தி. அயங் வுச்சதி புகு³கலோ “ஆஸங்ஸோ”.

93. கதமோ ச புகு³கலோ விகுதாஸோ? இதே⁴கச்சோ புகு³கலோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ

த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதி. ஸோ ஸுணாதி - “இத்த²ன்னாமோ கிர பி⁴க்கு² ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதி”தி. தஸ்ஸ ந ஏவங் ஹோதி - “குதா³ஸ்ஸ நாமாஹம்பி ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரிஸ்ஸாமீ”தி. தங் கிஸ்ஸ ஹேது? யா ஹிஸ்ஸ புப்³பே³ அவிமுத்தஸ்ஸ விமுத்தாஸா, ஸா படிப்பஸ்ஸத்தா⁴. அயங் வுச்சதி புக்³கலோ “விக³தாஸோ”.

94. தத்த² கதமே தயோ கி³லானாபமா புக்³கலா? தயோ கி³லானா - இதே⁴கச்சோ கி³லானோ லப⁴ந்தோ வா ஸப்பாயானி போ⁴ஜனானி அலப⁴ந்தோ வா ஸப்பாயானி போ⁴ஜனானி, லப⁴ந்தோ வா ஸப்பாயானி பே⁴ஸஜ்ஜானி அலப⁴ந்தோ வா ஸப்பாயானி பே⁴ஸஜ்ஜானி, லப⁴ந்தோ வா பதிரூபங் உபட்டா²கங் அலப⁴ந்தோ வா பதிரூபங் உபட்டா²கங், நேவ வுட்டா²தி தம்ஹா ஆபா³தா⁴. (1)

இத⁴ பனேகச்சோ கி³லானோ லப⁴ந்தோ வா ஸப்பாயானி போ⁴ஜனானி அலப⁴ந்தோ வா ஸப்பாயானி போ⁴ஜனானி, லப⁴ந்தோ வா ஸப்பாயானி பே⁴ஸஜ்ஜானி அலப⁴ந்தோ வா ஸப்பாயானி பே⁴ஸஜ்ஜானி, லப⁴ந்தோ வா பதிரூபங் உபட்டா²கங் அலப⁴ந்தோ வா பதிரூபங் உபட்டா²கங், வுட்டா²தி தம்ஹா ஆபா³தா⁴. (2)

இத⁴ பனேகச்சோ கி³லானோ லப⁴ந்தோ ஸப்பாயானி போ⁴ஜனானி நோ அலப⁴ந்தோ, லப⁴ந்தோ ஸப்பாயானி பே⁴ஸஜ்ஜானி நோ அலப⁴ந்தோ, லப⁴ந்தோ பதிரூபங் உபட்டா²கங் நோ அலப⁴ந்தோ, வுட்டா²தி தம்ஹா ஆபா³தா⁴. (3)

தத்ர ய்வாயங் கி³லானோ லப⁴ந்தோ ஸப்பாயானி போ⁴ஜனானி நோ அலப⁴ந்தோ, லப⁴ந்தோ ஸப்பாயானி பே⁴ஸஜ்ஜானி நோ அலப⁴ந்தோ, லப⁴ந்தோ பதிரூபங் உபட்டா²கங் நோ அலப⁴ந்தோ, வுட்டா²தி தம்ஹா ஆபா³தா⁴, இமங் கி³லானங் படிச்ச ப⁴க³வதா கி³லானப⁴த்தங் அனுஞ்ஞாதங் கி³லானபே⁴ஸஜ்ஜங் அனுஞ்ஞாதங் கி³லானுபட்டா²கோ அனுஞ்ஞாதோ. இமஞ்ச பன கி³லானங் படிச்ச அஞ்ஞோபி கி³லானா உபட்டா²தப்பா³.

ஏவமேவங் [ஏவமேவ (ஸீ.)] தயோ கி³லானாபமா புக்³கலா ஸந்தோ ஸங்விஜ்ஜமானா லோகஸ்மிங். கதமே தயோ? இதே⁴கச்சோ புக்³கலோ லப⁴ந்தோ வா ததா²க³தங் த³ஸ்ஸனாய அலப⁴ந்தோ வா ததா²க³தங் த³ஸ்ஸனாய, லப⁴ந்தோ வா ததா²க³தப்பவேதி³தங் த⁴ம்மவினயங் ஸவணாய

அலப⁴ந்தோ வா ததா²க³தப்பவேதி³தங் த⁴ம்மவினயங் ஸவணாய, நேவ
ஓக்கமதி நியாமங் குஸலேஸு த⁴ம்மேஸு ஸம்மத்தங். (1)

இத⁴ பனேகச்சோ புக்³க³லோ லப⁴ந்தோ வா ததா²க³தங் த³ஸ்ஸனாய
அலப⁴ந்தோ வா ததா²க³தங் த³ஸ்ஸனாய, லப⁴ந்தோ வா
ததா²க³தப்பவேதி³தங் த⁴ம்மவினயங் ஸவணாய அலப⁴ந்தோ வா
ததா²க³தப்பவேதி³தங் த⁴ம்மவினயங் ஸவணாய, ஓக்கமதி நியாமங்
குஸலேஸு த⁴ம்மேஸு ஸம்மத்தங். (2)

இத⁴ பனேகச்சோ புக்³க³லோ லப⁴ந்தோ ததா²க³தங் த³ஸ்ஸனாய நோ
அலப⁴ந்தோ, லப⁴ந்தோ ததா²க³தப்பவேதி³தங் த⁴ம்மவினயங் ஸவணாய
நோ அலப⁴ந்தோ, ஓக்கமதி நியாமங் குஸலேஸு த⁴ம்மேஸு ஸம்மத்தங். (3)

தத்ர ய்வாயங் புக்³க³லோ லப⁴ந்தோ ததா²க³தங் த³ஸ்ஸனாய நோ
அலப⁴ந்தோ, லப⁴ந்தோ ததா²க³தப்பவேதி³தங் த⁴ம்மவினயங் ஸவணாய
நோ அலப⁴ந்தோ , ஓக்கமதி நியாமங் குஸலேஸு த⁴ம்மேஸு ஸம்மத்தங்,
இமங் புக்³க³லங் படிச்ச ப⁴க³வதா த⁴ம்மதே³ஸனா அனுஞ்ஞாதா, இமஞ்ச
புக்³க³லங் படிச்ச அஞ்ஞேஸம்பி த⁴ம்மோ தே³ஸேதப்போ³. இமே தயோ
கி³லாணாபமா புக்³க³லா ஸந்தோ ஸங்விஜ்ஜமானா லோகஸ்மிங்.

95. கதமோ ச புக்³க³லோ காயஸக்கீ²? இதே⁴கச்சோ புக்³க³லோ அட்ட²
விமொக்கே² காயேன பு²ஸித்வா விஹரதி, பஞ்ஞாய சஸ்ஸ தி³ஸ்வா ஏகச்சே
ஆஸவா பரிக்²ணா ஹொந்தி - அயங் வுச்சதி புக்³க³லோ “காயஸக்கீ²”.

96. கதமோ ச புக்³க³லோ தி³ட்டி²ப்பத்தோ? இதே⁴கச்சோ புக்³க³லோ “இத³ங்
து³க்க²”ந்தி யதா²பூ⁴தங் பஜானாதி, “அயங் து³க்க²ஸமுத³யோ”தி யதா²பூ⁴தங்
பஜானாதி, “அயங் து³க்க²னிரோதோ⁴”தி யதா²பூ⁴தங் பஜானாதி, “அயங்
து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி, ததா²க³தப்பவேதி³தா
சஸ்ஸ த⁴ம்மா பஞ்ஞாய வோதி³ட்டா² ஹொந்தி வோசரிதா, பஞ்ஞாய சஸ்ஸ
தி³ஸ்வா ஏகச்சே ஆஸவா பரிக்²ணா ஹொந்தி - அயங் வுச்சதி புக்³க³லோ
“தி³ட்டி²ப்பத்தோ”.

97. கதமோ ச புக்³க³லோ ஸத்³தா⁴விமுத்தோ? இதே⁴கச்சோ புக்³க³லோ
“இத³ங் து³க்க²”ந்தி யதா²பூ⁴தங் பஜானாதி...பே... ததா²க³தப்பவேதி³தா சஸ்ஸ
த⁴ம்மா பஞ்ஞாய வோதி³ட்டா² ஹொந்தி வோசரிதா, பஞ்ஞாய சஸ்ஸ
தி³ஸ்வா ஏகச்சே ஆஸவா பரிக்²ணா ஹொந்தி, நோ ச கோ²
யதா²தி³ட்டி²ப்பத்தஸ்ஸ - அயங் வுச்சதி புக்³க³லோ “ஸத்³தா⁴விமுத்தோ”.

98. கதமோ ச புக்³க³லோ கூ³த²பா⁴ணீ? இதே⁴கச்சோ புக்³க³லோ
முஸாவாதீ³ ஹொதி ஸப⁴க்³க³தோ வா பரிஸக்³க³தோ வா ஞாதிமஜ்ஜ²க³தோ

வா புக³மஜ்ஜ²க³தோ வா ராஜகுலமஜ்ஜ²க³தோ வா அபி⁴னீதோ ஸக்கி²புட்டோ² - “ஏஹம்போ⁴ [ஏஹி போ⁴ (ஸ்யா. க.) ம. நி. 1.440; அ. நி. 3.28], புரிஸ, யங் ஜானாஸி தங் வதே³ஹீ”தி, ஸோ அஜானங் வா ஆஹ - “ஜானாமீ”தி, ஜானங் வா ஆஹ - “ந ஜானாமீ”தி, அபஸ்ஸங் வா ஆஹ - “பஸ்ஸாமீ”தி, பஸ்ஸங் வா ஆஹ - “ந பஸ்ஸாமீ”தி. இதி அத்தஹேது வா பரஹேது வா ஆமிஸகிஞ்சிக்க²ஹேது வா ஸம்பஜானமுஸா பா⁴ஸிதா ஹோதி - அயங் வச்சதி புக³க³லோ “கூ³த²பா⁴ணீ”.

99. கதமோ ச புக³க³லோ புப்ப²பா⁴ணீ? இதே⁴கச்சோ புக³க³லோ முஸாவாத³ங் பஹாய முஸாவாதா³ படிவிரதோ ஹோதி ஸப⁴க்³க³தோ வா பரிஸக்³க³தோ வா ஞாதிமஜ்ஜ²க³தோ வா புக³மஜ்ஜ²க³தோ வா ராஜகுலமஜ்ஜ²க³தோ வா அபி⁴னீதோ ஸக்கி²புட்டோ² - “ஏஹம்போ⁴, புரிஸ, யங் ஜானாஸி தங் வதே³ஹீ”தி, ஸோ அஜானங் வா ஆஹ - “ந ஜானாமீ”தி, ஜானங் வா ஆஹ - “ஜானாமீ”தி, அபஸ்ஸங் வா ஆஹ - “ந பஸ்ஸாமீ”தி, பஸ்ஸங் வா ஆஹ - “பஸ்ஸாமீ”தி. இதி அத்தஹேது வா பரஹேது வா ஆமிஸகிஞ்சிக்க²ஹேது வா ந ஸம்பஜானமுஸா பா⁴ஸிதா ஹோதி - அயங் வச்சதி புக³க³லோ “புப்ப²பா⁴ணீ”.

100. கதமோ ச புக³க³லோ மது⁴பா⁴ணீ? இதே⁴கச்சோ புக³க³லோ யா ஸா வாசா நேலா கண்ணஸுகா² பேமனியா ஹத³யங்க³மா போரீ ப³ஹுஜனகந்தா ப³ஹுஜனமனாபா, ததா²ருபிங் வாசங் பா⁴ஸிதா ஹோதி - அயங் வச்சதி புக³க³லோ “மது⁴பா⁴ணீ”.

101. கதமோ ச புக³க³லோ அருகூபமசித்தோ? இதே⁴கச்சோ புக³க³லோ கோத⁴னோ ஹோதி உபாயாஸப³ஹுலோ, அப்பம்பி வுத்தோ ஸமானோ அபி⁴ஸஜ்ஜதி குப்பதி ப்யாபஜ்ஜதி பதித்தீ²யதி [பதிட்டீ²யதி (ஸ்யா. க.) அ. நி. 3.25], கோபஞ்ச தோ³ஸஞ்ச அப்பச்சயஞ்ச பாதுகரோதி. ஸெய்யதா²பி நாம து³ட்டா²ருகோ கட்டே²ன வா கட²லாய [கத²லாய (க.), கத²லேன (அட்ட²கதா²) அ. நி. 3.25] வா க⁴ட்டிதோ பி⁴ய்யோஸோ மத்தாய ஆஸவங் தே³தி [அஸ்ஸவனோதி (ஸீ)], ஏவமேவங் இதே⁴கச்சோ புக³க³லோ கோத⁴னோ ஹோதி உபாயாஸப³ஹுலோ, அப்பம்பி வுத்தோ ஸமானோ அபி⁴ஸஜ்ஜதி குப்பதி ப்யாபஜ்ஜதி பதித்தீ²யதி, கோபஞ்ச தோ³ஸஞ்ச அப்பச்சயஞ்ச பாதுகரோதி - அயங் வச்சதி புக³க³லோ “அருகூபமசித்தோ”.

102. கதமோ ச புக³க³லோ விஜ்ஜஹமசித்தோ? இதே⁴கச்சோ புக³க³லோ “இத³ங் து³க்க²”ந்தி யதா²பூ⁴தங் பஜானாதி, “அயங் து³க்க²ஸமுத³யோ”தி யதா²பூ⁴தங் பஜானாதி, “அயங் து³க்க²னிரோதோ⁴”தி யதா²பூ⁴தங் பஜானாதி, “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி. ஸெய்யதா²பி நாம சக்கு²மா புரிஸோ ரத்தந்த⁴காரதிமிஸாய விஜ்ஜந்தரிகாய

ரூபானி பஸ்ஸெய்ய, ஏவமேவங் இதே⁴கச்சோ புக்³கலோ “இத³ங் து³க்க²”ந்தி யதா²பூ⁴தங் பஜானாதி, “அயங் து³க்க²ஸமுத³யோ”தி யதா²பூ⁴தங் பஜானாதி, “அயங் து³க்க²னிரோதோ⁴”தி யதா²பூ⁴தங் பஜானாதி , “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி - அயங் வுச்சதி புக்³கலோ “விஜ்ஜுபமசித்தோ”.

103. கதமோ ச புக்³கலோ வஜிரூபமசித்தோ? இதே⁴கச்சோ புக்³கலோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சிகத்வா உபஸம்பஜ்ஜ விஹரதி. ஸெய்யதா²பி நாம வஜிரஸ்ஸ நத்தி² கிஞ்சி அபே⁴ஜ்ஜங் மணி வா பாஸாணோ வா, ஏவமேவங் இதே⁴கச்சோ புக்³கலோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சிகத்வா உபஸம்பஜ்ஜ விஹரதி - அயங் வுச்சதி புக்³கலோ “வஜிரூபமசித்தோ”.

104. கதமோ ச புக்³கலோ அந்தோ⁴? இதே⁴கச்சஸ்ஸ புக்³கலஸ்ஸ ததா²ரூபங் சக்கு² ந ஹோதி யதா²ரூபேன சக்கு²னா அனதி⁴க³தங் வா போ⁴க³ங் அதி⁴க³ச்செய்ய, அதி⁴க³தங் வா போ⁴க³ங் பா²திங் கரெய்ய; ததா²ரூபம்பிஸ்ஸ சக்கு² ந ஹோதி யதா²ரூபேன சக்கு²னா குஸலாகுஸலே த⁴ம்மே ஜானெய்ய, ஸாவஜ்ஜானவஜ்ஜே த⁴ம்மே ஜானெய்ய, ஹீனப்பணீதே த⁴ம்மே ஜானெய்ய, கண்ஹஸுக்கஸப்படிபா⁴கே³ த⁴ம்மே ஜானெய்ய - அயங் வுச்சதி புக்³கலோ “அந்தோ⁴”.

105. கதமோ ச புக்³கலோ ஏகசக்கு²? இதே⁴கச்சஸ்ஸ புக்³கலஸ்ஸ ததா²ரூபங் சக்கு² ஹோதி , யதா²ரூபேன சக்கு²னா அனதி⁴க³தங் வா போ⁴க³ங் அதி⁴க³ச்செய்ய, அதி⁴க³தங் வா போ⁴க³ங் பா²திங் கரெய்ய; ததா²ரூபம்பிஸ்ஸ சக்கு² ந ஹோதி யதா²ரூபேன சக்கு²னா குஸலாகுஸலே த⁴ம்மே ஜானெய்ய, ஸாவஜ்ஜானவஜ்ஜே த⁴ம்மே ஜானெய்ய, ஹீனப்பணீதே த⁴ம்மே ஜானெய்ய, கண்ஹஸுக்கஸப்படிபா⁴கே³ த⁴ம்மே ஜானெய்ய - அயங் வுச்சதி புக்³கலோ “ஏகசக்கு²”.

106. கதமோ ச புக்³கலோ த்³விசக்கு²? இதே⁴கச்சஸ்ஸ புக்³கலஸ்ஸ ததா²ரூபங் சக்கு² ஹோதி யதா²ரூபேன சக்கு²னா அனதி⁴க³தங் வா போ⁴க³ங் அதி⁴க³ச்செய்ய, அதி⁴க³தங் வா போ⁴க³ங் பா²திங் கரெய்ய; ததா²ரூபம்பிஸ்ஸ சக்கு² ஹோதி யதா²ரூபேன சக்கு²னா குஸலாகுஸலே த⁴ம்மே ஜானெய்ய, ஸாவஜ்ஜானவஜ்ஜே த⁴ம்மே ஜானெய்ய, ஹீனப்பணீதே த⁴ம்மே ஜானெய்ய, கண்ஹஸுக்கஸப்படிபா⁴கே³ த⁴ம்மே ஜானெய்ய - அயங் வுச்சதி புக்³கலோ “த்³விசக்கு²”.

107. கதமோ ச புக்³க³லோ அவகுஜ்ஜபஞ்ஞோ? இதே⁴கச்சோ புக்³க³லோ ஆராமங் க³ந்தா [க³தோ (ஸீ.), க³ந்த்வா (ஸ்யா.)] ஹோதி அபி⁴க்க²ணங் பி⁴க்க²ணங் ஸந்திகே த⁴ம்மஸ்ஸவணாய [த⁴ம்மஸ்ஸவணாய (ஸ்யா.)]. தஸ்ஸ பி⁴க்க² த⁴ம்மங் தே³ஸெந்தி ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங் கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸெந்தி. ஸோ தஸ்மிங் ஆஸனே நிஸின்னோ தஸ்ஸா கதா²ய நேவ ஆதி³ங் மனஸி கரோதி, ந மஜ்ஜ²ங் மனஸி கரோதி, ந பரியோஸானங் மனஸி கரோதி. வுட்டி²தோபி தம்ஹா ஆஸனா தஸ்ஸா கதா²ய நேவ ஆதி³ங் மனஸி கரோதி, ந மஜ்ஜ²ங் மனஸி கரோதி, ந பரியோஸானங் மனஸி கரோதி. ஸெய்யதா²பி நாம கும்போ⁴ நிக்ஞஜ்ஜோ நிகுஜ்ஜோ (ஸ்யா.) அ. நி. 3.30] தத்ர உத³கங் ஆஸித்தங் விவட்டி, நோ ஸண்டா²தி; ஏவமேவங் இதே⁴கச்சோ புக்³க³லோ ஆராமங் க³ந்தா ஹோதி அபி⁴க்க²ணங் பி⁴க்க²ணங் ஸந்திகே த⁴ம்மஸ்ஸவணாய . தஸ்ஸ பி⁴க்க² த⁴ம்மங் தே³ஸெந்தி ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங் கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸெந்தி. ஸோ தஸ்மிங் ஆஸனே நிஸின்னோ தஸ்ஸா கதா²ய நேவ ஆதி³ங் மனஸி கரோதி, ந மஜ்ஜ²ங் மனஸி கரோதி, ந பரியோஸானங் மனஸி கரோதி. வுட்டி²தோபி தம்ஹா ஆஸனா தஸ்ஸா கதா²ய நேவ ஆதி³ங் மனஸி கரோதி, ந மஜ்ஜ²ங் மனஸி கரோதி, ந பரியோஸானங் மனஸி கரோதி - அயங் வச்சதி புக்³க³லோ “அவகுஜ்ஜபஞ்ஞோ”.

108. கதமோ ச புக்³க³லோ உச்ச²ங்க³பஞ்ஞோ? இதே⁴கச்சோ புக்³க³லோ ஆராமங் க³ந்தா ஹோதி அபி⁴க்க²ணங் பி⁴க்க²ணங் ஸந்திகே த⁴ம்மஸ்ஸவணாய. தஸ்ஸ பி⁴க்க² த⁴ம்மங் தே³ஸெந்தி ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங் கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸெந்தி. ஸோ தஸ்மிங் ஆஸனே நிஸின்னோ தஸ்ஸா கதா²ய ஆதி³ம்பி மனஸி கரோதி, மஜ்ஜ²ம்பி மனஸி கரோதி, பரியோஸானம்பி மனஸி கரோதி. வுட்டி²தோ ச கோ² தம்ஹா ஆஸனா தஸ்ஸா கதா²ய நேவ ஆதி³ங் மனஸி கரோதி, ந மஜ்ஜ²ங் மனஸி கரோதி, ந பரியோஸானங் மனஸி கரோதி. ஸெய்யதா²பி நாம புரிஸஸ்ஸ உச்ச²ங்கே³ நானாக²ஜ்ஜகானி ஆகிண்ணானி - திலா தண்டு³லா [திலதண்டு³லா (க.) அ. நி. 3.30] மோத³கா ப³த³ரா. ஸோ தம்ஹா ஆஸனா வுட்ட²ஹந்தோ ஸதிஸம்மோஸா பகிரெய்ய. ஏவமேவங் இதே⁴கச்சோ புக்³க³லோ ஆராமங் க³ந்தா ஹோதி அபி⁴க்க²ணங் பி⁴க்க²ணங் ஸந்திகே த⁴ம்மஸ்ஸவணாய. தஸ்ஸ பி⁴க்க² த⁴ம்மங் தே³ஸெந்தி ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங் கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸெந்தி. ஸோ தஸ்மிங் ஆஸனே நிஸின்னோ தஸ்ஸா கதா²ய ஆதி³ம்பி மனஸி கரோதி, மஜ்ஜ²ம்பி மனஸி

கரோதி, பரியோஸானம்பி மனஸி கரோதி. வுட்டி²தோ ச கோ² தம்ஹா ஆஸனா தஸ்ஸா கதா²ய நேவ ஆதி³ம்பி மனஸி கரோதி, ந மஜ்ஜ²ம்பி மனஸி கரோதி, ந பரியோஸானம்பி மனஸி கரோதி - அயங் வுச்சதி புக்³கலோ “உச்ச²ங்க³பஞ்ஞோ”.

109. கதமோ ச புக்³கலோ புது²பஞ்ஞோ? இதே⁴கச்சோ புக்³கலோ ஆராமங் கந்தா ஹோதி அபி⁴க்க²ணங் பி⁴க்க²னங் ஸந்திகே த⁴ம்மஸ்ஸவணாய. தஸ்ஸ பி⁴க்க² த⁴ம்மங் தே³ஸெந்தி ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங் கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸெந்தி. ஸோ தஸ்மிங் ஆஸனே நிஸின்னோ தஸ்ஸா கதா²ய ஆதி³ம்பி மனஸி கரோதி, மஜ்ஜ²ம்பி மனஸி கரோதி, பரியோஸானம்பி மனஸி கரோதி. வுட்டி²தோபி தம்ஹா ஆஸனா தஸ்ஸா கதா²ய ஆதி³ம்பி மனஸி கரோதி, மஜ்ஜ²ம்பி மனஸி கரோதி, பரியோஸானம்பி மனஸி கரோதி. ஸெய்யதா²பி நாம கும்போ⁴ உக்குஜ்ஜோ தத்ர உத³கங் ஆஸித்தங் ஸண்டா²தி, நோ விவட்டதி; ஏவமேவங் இதே⁴கச்சோ புக்³கலோ ஆராமங் கந்தா ஹோந்தி அபி⁴க்க²ணங் பி⁴க்க²னங் ஸந்திகே த⁴ம்மஸ்ஸவணாய. தஸ்ஸ பி⁴க்க² த⁴ம்மங் தே³ஸெந்தி ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங் கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸெந்தி. ஸோ தஸ்மிங் ஆஸனே நிஸின்னோ தஸ்ஸா கதா²ய ஆதி³ம்பி மனஸி கரோதி, மஜ்ஜ²ம்பி மனஸி கரோதி, பரியோஸானம்பி மனஸி கரோதி. வுட்டி²தோபி தம்ஹா ஆஸனா தஸ்ஸா கதா²ய ஆதி³ம்பி மனஸி கரோதி, மஜ்ஜ²ம்பி மனஸி கரோதி, பரியோஸானம்பி மனஸி கரோதி - அயங் வுச்சதி புக்³கலோ “புது²பஞ்ஞோ”.

110. கதமோ ச புக்³கலோ காமேஸு ச ப⁴வேஸு ச அவீதராகோ³? ஸோதாபன்னஸகதா³கா³மினோ - இமே வுச்சந்தி புக்³கலா “காமேஸு ச ப⁴வேஸு ச அவீதராகா³”.

111. கதமோ ச புக்³கலோ காமேஸு வீதராகோ³, ப⁴வேஸு அவீதராகோ³? அனாகா³மீ - அயங் வுச்சதி புக்³கலோ “காமேஸு வீதராகோ³, ப⁴வேஸு அவீதராகோ³”.

112. கதமோ ச புக்³கலோ காமேஸு ச ப⁴வேஸு ச வீதராகோ³? அரஹா - அயங் வுச்சதி புக்³கலோ “காமேஸு ச ப⁴வேஸு ச வீதராகோ³”.

113. கதமோ ச புக்³கலோ பாஸாணலேக²பமோ? இதே⁴கச்சோ புக்³கலோ அபி⁴ண்ஹங் குஜ்ஜ²தி. ஸோ ச க்²வஸ்ஸ கோதோ⁴ சிரங் தீ³க⁴ரத்தங் அனுஸேதி. ஸெய்யதா²பி நாம பாஸாணே லேகா² ந கி²ப்பங் லுஜ்ஜதி வாதேன வா உத³கேன வா, சிரட்டி²திகா ஹோதி; ஏவமேவங் இதே⁴கச்சோ புக்³கலோ

அபி⁴ண்ஹங் குஜ்ஜ²தி. ஸோ ச க்²வஸ்ஸ கோதோ⁴ சிரங் தீ³க⁴ரத்தங் அனுஸேதி - அயங் வுச்சதி புக்³க³லோ “பாஸாணலேகூ²பமோ”.

114. கதமோ ச புக்³க³லோ பத²விலேகூ²பமோ? இதே⁴கச்சோ புக்³க³லோ அபி⁴ண்ஹங் குஜ்ஜ²தி. ஸோ ச க்²வஸ்ஸ கோதோ⁴ ந சிரங் தீ³க⁴ரத்தங் அனுஸேதி. ஸெய்யதா²பி நாம பத²வியா [பட²வியா (ஸீ. ஸ்யா.)] லேகா² கி²ப்பங் லுஜ்ஜதி வாதேன வா உத³கேன வா, ந சிரட்டி²திகா ஹோதி; ஏவமேவங் இதே⁴கச்சோ புக்³க³லோ அபி⁴ண்ஹங் குஜ்ஜ²தி. ஸோ ச க்²வஸ்ஸ கோதோ⁴ ந சிரங் தீ³க⁴ரத்தங் அனுஸேதி - அயங் வுச்சதி புக்³க³லோ “பத²விலேகூ²பமோ”.

115. கதமோ ச புக்³க³லோ உத³கலேகூ²பமோ? இதே⁴கச்சோ புக்³க³லோ ஆகா³ள்ஹேனபி வுச்சமானோ ப²ருஸேனபி வுச்சமானோ அமனாபேனபி வுச்சமானோ ஸங்ஸந்த³திமேவ [... சேவ (ஸ்யா.) அ. நி. 3.133] ஸந்தி⁴யதிமேவ [... சேவ (ஸ்யா.) அ. நி. 3.133] ஸம்மோத³திமேவ [... சேவ (ஸ்யா.) அ. நி. 3.133]. ஸெய்யதா²பி நாம உத³கே லேகா² கி²ப்பங் லுஜ்ஜதி, ந சிரட்டி²திகா ஹோதி; ஏவமேவங் இதே⁴கச்சோ புக்³க³லோ ஆகா³ள்ஹேனபி வுச்சமானோ ப²ருஸேனபி வுச்சமானோ அமனாபேனபி வுச்சமானோ ஸங்ஸந்த³திமேவ ஸந்தி⁴யதிமேவ ஸம்மோத³திமேவ - அயங் வுச்சதி புக்³க³லோ “உத³கலேகூ²பமோ”.

116. தத்த² கதமே தயோ பொத்த²கூபமா புக்³க³லா? தயோ பொத்த²கா - நவோபி பொத்த²கோ து³ப்³பண்ணோ சேவ ஹோதி து³க்க²ஸம்ப²ஸ்ஸோ ச அப்பக்³கோ⁴ ச, மஜ்ஜி²மோபி பொத்த²கோ து³ப்³பண்ணோ சேவ ஹோதி து³க்க²ஸம்ப²ஸ்ஸோ ச அப்பக்³கோ⁴ ச, ஜிண்ணோபி பொத்த²கோ து³ப்³பண்ணோ சேவ ஹோதி து³க்க²ஸம்ப²ஸ்ஸோ ச அப்பக்³கோ⁴ ச. ஜிண்ணம்பி பொத்த²கங் உக்க²லிபரிமஜ்ஜனங் வா கரொந்தி ஸங்காரகூ²டே வா நங் ச²ட்³டெ³ந்தி. ஏவமேவங் தயோமே பொத்த²கூபமா புக்³க³லா ஸந்தோ ஸங்விஜ்ஜமானா பி⁴க்கூ²ஸு. கதமே தயோ? நவோ சேபி பி⁴க்கு² ஹோதி து³ஸ்ஸீலோ பாபத⁴ம்மோ, இத³மஸ்ஸ து³ப்³பண்ணதாய. ஸெய்யதா²பி ஸோ பொத்த²கோ து³ப்³பண்ணோ, ததூ²பமோ அயங் புக்³க³லோ. யே கோ² பனஸ்ஸ ஸேவந்தி ப⁴ஜந்தி பயிருபாஸந்தி தி³ட்டா²னு³க³திங் ஆபஜ்ஜந்தி, தேஸங் தங் ஹோதி தீ³க⁴ரத்தங் அஹிதாய து³க்கா²ய. இத³மஸ்ஸ து³க்க²ஸம்ப²ஸ்ஸதாய. ஸெய்யதா²பி ஸோ பொத்த²கோ து³க்க²ஸம்ப²ஸ்ஸோ, ததூ²பமோ அயங் புக்³க³லோ. யேஸங் கோ² பன ஸோ படிக்க³ண்ணஹாதி சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங் , தேஸங் தங் ந மஹப்ப²லங் ஹோதி ந மஹானிஸங்ஸங். இத³மஸ்ஸ அப்பக்³க⁴தாய. ஸெய்யதா²பி ஸோ பொத்த²கோ அப்பக்³கோ⁴, ததூ²பமோ அயங் புக்³க³லோ.

மஜ்ஜி²மோ சேபி பி⁴க்கு² ஹோதி...பே... தே²ரோ சேபி பி⁴க்கு² ஹோதி
 து³ஸ்ஸீலோ பாபத⁴ம்மோ, இத³மஸ்ஸ து³ப்³பண்ணதாய. ஸெய்யதா²பி ஸோ
 பொத்த²கோ து³ப்³பண்ணோ, ததூ²பமோ அயங் புக்³கலோ. யே கோ² பனஸ்ஸ
 ஸேவந்தி ப⁴ஜந்தி பயிருபாஸந்தி தி³ட்டா²னுக்³திங் ஆபஜ்ஜந்தி, தேஸங் தங்
 ஹோதி தீ³க⁴ரத்தங் அஹிதாய து³க்கா²ய. இத³மஸ்ஸ து³க்க²ஸம்ப²ஸ்ஸதாய.
 ஸெய்யதா²பி ஸோ பொத்த²கோ து³க்க²ஸம்ப²ஸ்ஸோ, ததூ²பமோ அயங்
 புக்³கலோ. யேஸங் கோ² பன ஸோ படிக்க³ண்ணாதி
 சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங், தேஸங் தங் ந
 மஹப்ப²லங் ஹோதி ந மஹானிஸங்ஸங். இத³மஸ்ஸ அப்பக்³க⁴தாய.
 ஸெய்யதா²பி ஸோ பொத்த²கோ அப்பக்³கோ⁴, ததூ²பமோ அயங் புக்³கலோ.

ஏவருபோ சே தே²ரோ பி⁴க்கு² ஸங்க⁴மஜ்ஜே² ப⁴ணதி. தமேனங்
 பி⁴க்க² ஏவமாஹங்ஸ - “கிங் நு கோ² துய்ஹங் பா³லஸ்ஸ அப்யத்தஸ்ஸ
 ப⁴ணிதேன, த்வம்பி நாம ப⁴ணிதப்³பங் மஞ்ஞஸ”தி! ஸோ குபிதோ
 அனத்தமனோ ததா²ருபிங் வாசங் நிச்சா²ரேதி யதா²ருபாய வாசாய ஸங்கோ⁴
 தங் உக்கி²பதி, ஸங்காரசுடேவ நங் பொத்த²கங். இமே தயோ பொத்த²கூபமா
 புக்³கலா ஸந்தோ ஸங்விஜ்ஜமானா பி⁴க்க²ஸு.

117. தத்த² கதமே தயோ காஸிகவத்தூ²பமா புக்³கலா? தீணி
 காஸிகவத்தா²னி - நவம்பி காஸிகவத்த²ங் வண்ணவந்தஞ்சேவ ஹோதி
 ஸுக²ஸம்ப²ஸ்ஸஞ்ச மஹக்³க⁴ஞ்ச, மஜ்ஜி²மம்பி காஸிகவத்த²ங்
 வண்ணவந்தஞ்சேவ ஹோதி ஸுக²ஸம்ப²ஸ்ஸஞ்ச மஹக்³க⁴ஞ்ச, ஜிண்ணம்பி
 காஸிகவத்த²ங் வண்ணவந்தஞ்சேவ ஹோதி ஸுக²ஸம்ப²ஸ்ஸஞ்ச
 மஹக்³க⁴ஞ்ச. ஜிண்ணம்பி காஸிகவத்த²ங் ரதனபலிவே²னங் வா கரொந்தி
 க³ந்த⁴கரண்ட³கே வா நங் நிக்கி²பந்தி.

ஏவமேவங் தயோமே காஸிகவத்தூ²பமா புக்³கலா ஸந்தோ
 ஸங்விஜ்ஜமானா பி⁴க்க²ஸு. கதமே தயோ? நவோ சேபி பி⁴க்கு² ஹோதி
 ஸீலவா கல்யாணத⁴ம்மோ , இத³மஸ்ஸ ஸுவண்ணதாய. ஸெய்யதா²பி தங்
 காஸிகவத்த²ங் வண்ணவந்தங், ததூ²பமோ அயங் புக்³கலோ. யே கோ²
 பனஸ்ஸ ஸேவந்தி ப⁴ஜந்தி பயிருபாஸந்தி தி³ட்டா²னுக்³திங் ஆபஜ்ஜந்தி,
 தேஸங் தங் ஹோதி தீ³க⁴ரத்தங் ஹிதாய ஸுகா²ய. இத³மஸ்ஸ
 ஸுக²ஸம்ப²ஸ்ஸதாய. ஸெய்யதா²பி தங் காஸிகவத்த²ங் ஸுக²ஸம்ப²ஸ்ஸங்,
 ததூ²பமோ அயங் புக்³கலோ. யேஸங் கோ² பன ஸோ [யேஸங் கோ² பன
 (ஸப்³பத்த²) அ. நி. 3.100] படிக்க³ண்ணாதி [பதிக³ண்ணாதி (ஸீ.)
 ரூபஸித்தி⁴காய பன ஸமேதி]

சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங், தேஸங் தங்
 மஹப்ப²லங் ஹோதி மஹானிஸங்ஸங். இத³மஸ்ஸ மஹக்³க⁴தாய.
 ஸெய்யதா²பி தங் காஸிகவத்த²ங் மஹக்³க⁴ங், ததூ²பமோ அயங் புக்³கலோ.

மஜ்ஜிமோ சேபி பி⁴க்கு²...பே... தே²ரோ சேபி பி⁴க்கு² ஹோதி ஸீலவா கல்யாணத⁴ம்மோ, இத³மஸ்ஸ ஸுவண்ணதாய. ஸெய்யதா²பி தங் காஸிகவத்த²ங் வண்ணவந்தங், ததூ²பமோ அயங் புக்³க³லோ. யே கோ² பனஸ்ஸ ஸேவந்தி ப⁴ஜந்தி பயிருபாஸந்தி தி³ட்டா²னுக்³திங் ஆபஜ்ஜந்தி, தேஸங் தங் ஹோதி தீ³க⁴ரத்தங் ஹிதாய ஸுகா²ய. இத³மஸ்ஸ ஸுக²ஸம்ப²ஸ்ஸதாய. ஸெய்யதா²பி தங் காஸிகவத்த²ங் ஸுக²ஸம்ப²ஸ்ஸங், ததூ²பமோ அயங் புக்³க³லோ. யேஸங் கோ² பன ஸோ படிக்³க³ணஹாதி சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங், தேஸங் தங் மஹப்ப²லங் ஹோதி மஹானிஸங்ஸங். இத³மஸ்ஸ மஹக்³க⁴தாய. ஸெய்யதா²பி தங் காஸிகவத்த²ங் மஹக்³க⁴ங், ததூ²பமோ அயங் புக்³க³லோ.

ஏவருபோ சே தே²ரோ பி⁴க்கு² ஸங்க⁴மஜ்ஜே² ப⁴ணதி, தமேனங் பி⁴க்க² ஏவமாஹங்ஸ - “அப்பஸத்தா³ ஆயஸ்மந்தோ ஹோத², தே²ரோ பி⁴க்கு² த⁴ம்மஞ்ச வினயஞ்ச ப⁴ணதீ”தி. தஸ்ஸ தங் வசனங் ஆதெ⁴ய்யங் கச்ச²தி, கந்த⁴கரண்ட³கேவ நங் காஸிகவத்த²ங். இமே தயோ காஸிகவத்தூ²பமா புக்³க³லா ஸந்தோ ஸங்விஜ்ஜமானா பி⁴க்க²ஸு.

118. கதமோ ச புக்³க³லோ ஸுப்பமெய்யோ? இதே⁴கச்சோ புக்³க³லோ உத்த⁴தோ ஹோதி உன்னளோ சபலோ முக²ரோ விகிண்ணவாசோ முட்ட²ஸ்ஸதி அஸம்பஜானோ அஸமாஹிதோ விப்ப⁴ந்தசித்தோ பாகடிந்த்³ரியோ - அயங் வச்சதி புக்³க³லோ “ஸுப்பமெய்யோ”.

119. கதமோ ச புக்³க³லோ துப்பமெய்யோ? இதே⁴கச்சோ புக்³க³லோ அனுத்த⁴தோ ஹோதி அனுன்னளோ அசபலோ அமுக²ரோ அவிகிண்ணவாசோ உபட்டி²தஸ்ஸதி ஸம்பஜானோ ஸமாஹிதோ ஏகக்³சித்தோ ஸங்வுதிந்த்³ரியோ - அயங் வச்சதி புக்³க³லோ “துப்பமெய்யோ”.

120. கதமோ ச புக்³க³லோ அப்பமெய்யோ? இதே⁴கச்சோ புக்³க³லோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதி - அயங் வச்சதி புக்³க³லோ “அப்பமெய்யோ”.

121. கதமோ ச புக்³க³லோ ந ஸேவிதப்போ³ ந ப⁴ஜிதப்போ³ ந பயிருபாஸிதப்போ³? இதே⁴கச்சோ புக்³க³லோ ஹீனோ ஹோதி ஸீலேன ஸமாதி⁴னா பஞ்ஞாய. ஏவருபோ புக்³க³லோ ந ஸேவிதப்போ³ ந ப⁴ஜிதப்போ³ ந பயிருபாஸிதப்போ³, அஞ்ஞத்ர அனுத்த³யா அஞ்ஞத்ர அனுகம்பா.

122. கதமோ ச புக்³க³லோ ஸேவிதப்போ³ ப⁴ஜிதப்போ³ பயிருபாஸிதப்போ³? இதே⁴கச்சோ புக்³க³லோ ஸதி³ஸோ ஹோதி ஸீலேன

ஸமாதி⁴னா பஞ்ஞாய. ஏவருபோ புக்³கலோ ஸேவிதப்³போ³ ப⁴ஜிதப்³போ³ பயிருபாஸிதப்³போ³. தங் கிஸ்ஸ ஹேது? “ஸீலஸாமஞ்ஞக³தானங் ஸதங் ஸீலகதா² ச நோ ப⁴விஸ்ஸதி, ஸா ச நோ பா²ஸு ப⁴விஸ்ஸதி, ஸா ச நோ பவத்தினீ ப⁴விஸ்ஸதி; ஸமாதி⁴ஸாமஞ்ஞக³தானங் ஸதங் ஸமாதி⁴கதா² ச நோ ப⁴விஸ்ஸதி, ஸா ச நோ பா²ஸு ப⁴விஸ்ஸதி, ஸா ச நோ பவத்தினீ பவத்தனீ (ஸீ.) அ. நி. 3.26] ப⁴விஸ்ஸதி; பஞ்ஞாஸாமஞ்ஞக³தானங் ஸதங் பஞ்ஞாகதா² ச நோ ப⁴விஸ்ஸதி, ஸா ச நோ பா²ஸு ப⁴விஸ்ஸதி, ஸா ச நோ பவத்தினீ ப⁴விஸ்ஸதி”தி. தஸ்மா ஏவருபோ புக்³கலோ ஸேவிதப்³போ³ ப⁴ஜிதப்³போ³ பயிருபாஸிதப்³போ³.

123. கதமோ ச புக்³கலோ ஸக்கத்வா க³ருங் கத்வா ஸேவிதப்³போ³ ப⁴ஜிதப்³போ³ பயிருபாஸிதப்³போ³? இதே⁴கச்சோ புக்³கலோ அதி⁴கோ ஹோதி ஸீலேன ஸமாதி⁴னா பஞ்ஞாய. ஏவருபோ புக்³கலோ ஸக்கத்வா க³ருங் கத்வா ஸேவிதப்³போ³ ப⁴ஜிதப்³போ³ பயிருபாஸிதப்³போ³. தங் கிஸ்ஸ ஹேது? “அபரிபுரங் வா ஸீலக்க²ந்த⁴ங் பரிபுரெஸ்ஸாமி, பரிபுரங் வா ஸீலக்க²ந்த⁴ங் தத்த² தத்த² பஞ்ஞாய அனுக்³க³ஹெஸ்ஸாமி; அபரிபுரங் வா ஸமாதி⁴க்க²ந்த⁴ங் பரிபுரெஸ்ஸாமி, பரிபுரங் வா ஸமாதி⁴க்க²ந்த⁴ங் தத்த² தத்த² பஞ்ஞாய அனுக்³க³ஹெஸ்ஸாமி; அபரிபுரங் வா பஞ்ஞாக்க²ந்த⁴ங் பரிபுரெஸ்ஸாமி, பரிபுரங் வா பஞ்ஞாக்க²ந்த⁴ங் தத்த² தத்த² பஞ்ஞாய அனுக்³க³ஹெஸ்ஸாமி”தி. தஸ்மா ஏவருபோ புக்³கலோ ஸக்கத்வா க³ருங் கத்வா ஸேவிதப்³போ³ ப⁴ஜிதப்³போ³ பயிருபாஸிதப்³போ³.

124. கதமோ ச புக்³கலோ ஜிகு³ச்சி²தப்³போ³ ந ஸேவிதப்³போ³ ந ப⁴ஜிதப்³போ³ ந பயிருபாஸிதப்³போ³? இதே⁴கச்சோ புக்³கலோ து³ஸ்ஸீலோ ஹோதி பாபத⁴ம்மோ அஸுசி ஸங்கஸ்ஸரஸமாசாரோ படிச்ச²ன்னகம்மந்தோ அஸ்ஸமணோ ஸமணபடிஞ்ஞோ அப்³ரஹ்மசாரீ ப்³ரஹ்மசாரிபடிஞ்ஞோ அந்தோபூதி அவஸ்ஸுதோ கஸம்புஜாதோ. ஏவருபோ புக்³கலோ ஜிகு³ச்சி²தப்³போ³ ந ஸேவிதப்³போ³ ந ப⁴ஜிதப்³போ³ ந பயிருபாஸிதப்³போ³. தங் கிஸ்ஸ ஹேது? கிஞ்சாபி ஏவருபஸ்ஸ புக்³கலஸ்ஸ ந தி³ட்டா²னு³க³திங் ஆபஜ்ஜதி, அத² கோ² நங் பாபகோ கித்திஸத்தோ³ அப்³பு⁴க்³கச்ச²தி - “பாபமித்தோ புரிஸபுக்³கலோ பாபஸஹாயோ பாபஸம்பவங்கோ”தி. ஸெய்யதா²பி நாம அஹி கூ³த²க³தோ கிஞ்சாபி ந ட³ங்ஸதி, அத² கோ² நங் மக்கே²தி; ஏவமேவங் கிஞ்சாபி ஏவருபஸ்ஸ புக்³கலஸ்ஸ ந தி³ட்டா²னு³க³திங் ஆபஜ்ஜதி, அத² கோ² நங் பாபகோ கித்திஸத்தோ³ அப்³பு⁴க்³கச்ச²தி - “பாபமித்தோ புரிஸபுக்³கலோ பாபஸஹாயோ பாபஸம்பவங்கோ”தி! தஸ்மா ஏவருபோ புக்³கலோ ஜிகு³ச்சி²தப்³போ³ ந ஸேவிதப்³போ³ ந ப⁴ஜிதப்³போ³ ந பயிருபாஸிதப்³போ³.

125. கதமோ ச புக்³கலோ அஜ்ஜ²பெக்கி²தப்³போ³ ந ஸேவிதப்³போ³ ந ப⁴ஜிதப்³போ³ ந பயிருபாஸிதப்³போ³? இதே⁴கச்சோ புக்³கலோ கோத⁴னோ ஹோதி உபாயாஸப³ஹுலோ, அப்பம்பி வுத்தோ ஸமானோ அபி⁴ஸஜ்ஜதி குப்பதி ப்யாபஜ்ஜதி பதித்தீ²யதி, கோபஞ்ச தோ³ஸஞ்ச அப்பச்சயஞ்ச பாதுகரோதி. ஸெய்யதா²பி நாம து³ட்டா²ருகோ கட்டே²ன வா கட²லாய வா க⁴ட்டிதோ பி⁴ய்யோஸோ மத்தாய ஆஸவங் தே³தி, ஏவமேவங் இதே⁴கச்சோ புக்³கலோ கோத⁴னோ ஹோதி உபாயாஸப³ஹுலோ, அப்பம்பி வுத்தோ ஸமானோ அபி⁴ஸஜ்ஜதி குப்பதி ப்யாபஜ்ஜதி பதித்தீ²யதி, கோபஞ்ச தோ³ஸஞ்ச அப்பச்சயஞ்ச பாதுகரோதி. ஸெய்யதா²பி நாம திந்து³காலாதங் கட்டே²ன வா கட²லாய வா க⁴ட்டிதங் பி⁴ய்யோஸோ மத்தாய சிச்சிடாயதி சிடிசிடாயதி, ஏவமேவங் இதே⁴கச்சோ புக்³கலோ கோத⁴னோ ஹோதி உபாயாஸப³ஹுலோ, அப்பம்பி வுத்தோ ஸமானோ அபி⁴ஸஜ்ஜதி குப்பதி ப்யாபஜ்ஜதி பதித்தீ²யதி, கோபஞ்ச தோ³ஸஞ்ச அப்பச்சயஞ்ச பாதுகரோதி. ஸெய்யதா²பி நாம கூ³த²கூபோ கட்டே²ன வா கட²லாய வா க⁴ட்டிதோ பி⁴ய்யோஸோ மத்தாய து³க்³ந்தோ⁴ ஹோதி, ஏவமேவங் இதே⁴கச்சோ புக்³கலோ கோத⁴னோ ஹோதி உபாயாஸப³ஹுலோ, அப்பம்பி வுத்தோ ஸமானோ அபி⁴ஸஜ்ஜதி குப்பதி ப்யாபஜ்ஜதி பதித்தீ²யதி, கோபஞ்ச தோ³ஸஞ்ச அப்பச்சயஞ்ச பாதுகரோதி; ஏவருபோ புக்³கலோ அஜ்ஜ²பெக்கி²தப்³போ³ ந ஸேவிதப்³போ³ ந ப⁴ஜிதப்³போ³ ந பயிருபாஸிதப்³போ³. தங் கிஸ்ஸ ஹேது? “அக்கோஸெய்யபி மங் பரிபா⁴ஸெய்யபி மங் அனத்த²ம்பி மே கரெய்யா”தி! தஸ்மா ஏவருபோ புக்³கலோ அஜ்ஜ²பெக்கி²தப்³போ³ ந ஸேவிதப்³போ³ ந ப⁴ஜிதப்³போ³ ந பயிருபாஸிதப்³போ³.

126. கதமோ ச புக்³கலோ ஸேவிதப்³போ³ ப⁴ஜிதப்³போ³ பயிருபாஸிதப்³போ³? இதே⁴கச்சோ புக்³கலோ ஸீலவா ஹோதி கல்யாணத⁴ம்மோ - ஏவருபோ புக்³கலோ ஸேவிதப்³போ³ ப⁴ஜிதப்³போ³ பயிருபாஸிதப்³போ³. தங் கிஸ்ஸ ஹேது? கிஞ்சாபி ஏவருபஸ்ஸ புக்³கலஸ்ஸ ந தி³ட்டா²னுக்³திங் ஆபஜ்ஜதி, அத² கோ² நங் கல்யாணோ கித்திஸத்தோ³ அப்பு⁴க்³ச்ச²தி - “கல்யாணமித்தோ புரிஸபுக்³கலோ கல்யாணஸஹாயோ கல்யாணஸம்பவங்கோ”தி! தஸ்மா ஏவருபோ புக்³கலோ ஸேவிதப்³போ³ ப⁴ஜிதப்³போ³ பயிருபாஸிதப்³போ³.

127. கதமோ ச புக்³கலோ ஸீலேஸு பரிபூரகாரீ, ஸமாதி⁴ஸ்மிங் மத்தஸோ காரீ, பஞ்ஞாய மத்தஸோ காரீ? ஸோதாபன்னஸகதா³கா³மினோ - இமே வச்சந்தி புக்³கலா ஸீலேஸு பரிபூரகாரினோ, ஸமாதி⁴ஸ்மிங் மத்தஸோ காரினோ, பஞ்ஞாய மத்தஸோ காரினோ.

128. கதமோ ச புக்³க³லோ ஸீலேஸு ச பரிபூரகாரீ, ஸமாதி⁴ஸ்மிஞ்ச பரிபூரகாரீ, பஞ்ஞாய மத்தஸோ காரீ? அனாகா³மீ - அயங் வச்சதி புக்³க³லோ ஸீலேஸு ச பரிபூரகாரீ, ஸமாதி⁴ஸ்மிஞ்ச பரிபூரகாரீ, பஞ்ஞாய மத்தஸோ காரீ.

129. கதமோ ச புக்³க³லோ ஸீலேஸு ச பரிபூரகாரீ, ஸமாதி⁴ஸ்மிஞ்ச பரிபூரகாரீ, பஞ்ஞாய ச பரிபூரகாரீ? அரஹா - அயங் வச்சதி புக்³க³லோ ஸீலேஸு ச பரிபூரகாரீ, ஸமாதி⁴ஸ்மிஞ்ச பரிபூரகாரீ, பஞ்ஞாய ச பரிபூரகாரீ.

130. தத்த² கதமே தயோ ஸத்தா²ரோ? இதே⁴கச்சோ ஸத்தா² காமானங் பரிஞ்ஞங் பஞ்ஞபேதி [பஞ்ஞாபேதி (ஸீ. ஸ்யா.)], ந ரூபானங் பரிஞ்ஞங் பஞ்ஞபேதி, ந வேத³னானங் பரிஞ்ஞங் பஞ்ஞபேதி. இத⁴ பனேகச்சோ ஸத்தா² காமானஞ்ச பரிஞ்ஞங் பஞ்ஞபேதி, ரூபானஞ்ச பரிஞ்ஞங் பஞ்ஞபேதி, ந வேத³னானங் பரிஞ்ஞங் பஞ்ஞபேதி. இத⁴ பனேகச்சோ ஸத்தா² காமானஞ்ச பரிஞ்ஞங் பஞ்ஞபேதி, ரூபானஞ்ச பரிஞ்ஞங் பஞ்ஞபேதி, வேத³னானஞ்ச பரிஞ்ஞங் பஞ்ஞபேதி.

தத்ர ய்வாயங் ஸத்தா² காமானங் பரிஞ்ஞங் பஞ்ஞபேதி, ந ரூபானங் பரிஞ்ஞங் பஞ்ஞபேதி, ந வேத³னானங் பரிஞ்ஞங் பஞ்ஞபேதி, ரூபாவசரஸமாபத்தியா லாபீ⁴ ஸத்தா² தேன த³ட்ட²பு³போ³. தத்ர ய்வாயங் ஸத்தா² காமானஞ்ச பரிஞ்ஞங் பஞ்ஞபேதி, ரூபானஞ்ச பரிஞ்ஞங் பஞ்ஞபேதி, ந வேத³னானங் பரிஞ்ஞங் பஞ்ஞபேதி, அரூபாவசரஸமாபத்தியா லாபீ⁴ ஸத்தா² தேன த³ட்ட²பு³போ³. தத்ர ய்வாயங் ஸத்தா² காமானஞ்ச பரிஞ்ஞங் பஞ்ஞபேதி, ரூபானஞ்ச பரிஞ்ஞங் பஞ்ஞபேதி, வேத³னானஞ்ச பரிஞ்ஞங் பஞ்ஞபேதி, ஸம்மாஸம்பு³தோ⁴ ஸத்தா² தேன த³ட்ட²பு³போ³. இமே தயோ ஸத்தா²ரோ.

131. தத்த² கதமே அபரேபி தயோ ஸத்தா²ரோ? இதே⁴கச்சோ ஸத்தா² தி³ட்டே² சேவ த⁴ம்மே அத்தானங் ஸச்சதோ தே²ததோ பஞ்ஞபேதி, அபி⁴ஸம்பராயஞ்ச அத்தானங் ஸச்சதோ தே²ததோ பஞ்ஞபேதி. இத⁴ பனேகச்சோ ஸத்தா² தி³ட்டே² சேவ த⁴ம்மே அத்தானங் ஸச்சதோ தே²ததோ பஞ்ஞபேதி, நோ ச கோ² அபி⁴ஸம்பராயங் அத்தானங் ஸச்சதோ தே²ததோ பஞ்ஞபேதி. இத⁴ பனேகச்சோ ஸத்தா² தி³ட்டே² சேவ த⁴ம்மே அத்தானங் ஸச்சதோ தே²ததோ ந பஞ்ஞபேதி, அபி⁴ஸம்பராயஞ்ச அத்தானங் ஸச்சதோ தே²ததோ ந பஞ்ஞபேதி.

தத்ர ய்வாயங் ஸத்தா² தி³ட்டே² சேவ த⁴ம்மே அத்தானங் ஸச்சதோ தே²ததோ பஞ்ஞபேதி, அபி⁴ஸம்பராயஞ்ச அத்தானங் ஸச்சதோ தே²ததோ பஞ்ஞபேதி, ஸஸ்ஸதவாதோ³ ஸத்தா² தேன த³ட்ட²பு³போ³. தத்ர ய்வாயங் ஸத்தா² தி³ட்டே² சேவ த⁴ம்மே அத்தானங் ஸச்சதோ தே²ததோ பஞ்ஞபேதி, நோ ச கோ² அபி⁴ஸம்பராயங் அத்தானங் ஸச்சதோ தே²ததோ பஞ்ஞபேதி,

உச்சே²த³வாதோ³ ஸத்தா² தேன த³ட்ட²பு³போ³. தத்ர ய்வாயங் ஸத்தா² தி³ட்டே² சேவ த⁴ம்மே அத்தானங் ஸச்சதோ தே²ததோ ந பஞ்ஞபேதி,
அபி⁴ஸம்பராயஞ்ச அத்தானங் ஸச்சதோ தே²ததோ ந பஞ்ஞபேதி,
ஸம்மாஸம்பு³த³தோ⁴ ஸத்தா² தேன த³ட்ட²பு³போ³. இமே அபரேபி தயோ
ஸத்தா²ரோ.

திகனித்³தே³ஸோ.

4. சதுக்கபுக்³லபஞ்ஞத்தி

132. கதமோ ச புக்³லோ அஸப்புரிஸோ? இதே⁴கச்சோ புக்³லோ பாணாதிபாதீ ஹோதி, அதி³ன்னாதா³யீ ஹோதி, காமேஸுமிச்சா²சாரீ ஹோதி, முஸாவாதீ³ ஹோதி, ஸுராமேரயமஜ்ஜபமாத³ட்டா²யீ ஹோதி - அயங் வச்சதி புக்³லோ “அஸப்புரிஸோ”.

133. கதமோ ச புக்³லோ அஸப்புரிஸேன அஸப்புரிஸதரோ? இதே⁴கச்சோ புக்³லோ அத்தனா ச பாணாதிபாதீ ஹோதி பரஞ்ச பாணாதிபாதே ஸமாத³பேதி, அத்தனா ச அதி³ன்னாதா³யீ ஹோதி பரஞ்ச அதி³ன்னாதா³னே ஸமாத³பேதி, அத்தனா ச காமேஸுமிச்சா²சாரீ ஹோதி பரஞ்ச காமேஸுமிச்சா²சாரே ஸமாத³பேதி, அத்தனா ச முஸாவாதீ³ ஹோதி பரஞ்ச முஸாவாதே³ ஸமாத³பேதி, அத்தனா ச ஸுராமேரயமஜ்ஜபமாத³ட்டா²யீ ஹோதி பரஞ்ச ஸுராமேரயமஜ்ஜபமாத³ட்டா²னே ஸமாத³பேதி - அயங் வச்சதி புக்³லோ “அஸப்புரிஸேன அஸப்புரிஸதரோ”.

134. கதமோ ச புக்³லோ ஸப்புரிஸோ? இதே⁴கச்சோ புக்³லோ பாணாதிபாதா படிவிரதோ ஹோதி, அதி³ன்னாதா³னா படிவிரதோ ஹோதி, காமேஸுமிச்சா²சாரா படிவிரதோ ஹோதி, முஸாவாதா³ படிவிரதோ ஹோதி, ஸுராமேரயமஜ்ஜபமாத³ட்டா²னா படிவிரதோ ஹோதி - அயங் வச்சதி புக்³லோ “ஸப்புரிஸோ”.

135. கதமோ ச புக்³லோ ஸப்புரிஸேன ஸப்புரிஸதரோ? இதே⁴கச்சோ புக்³லோ அத்தனா ச பாணாதிபாதா படிவிரதோ ஹோதி பரஞ்ச பாணாதிபாதா வேரமணியா ஸமாத³பேதி, அத்தனா ச அதி³ன்னாதா³னா படிவிரதோ ஹோதி பரஞ்ச அதி³ன்னாதா³னா வேரமணியா ஸமாத³பேதி, அத்தனா ச காமேஸுமிச்சா²சாரா படிவிரதோ ஹோதி பரஞ்ச காமேஸுமிச்சா²சாரா வேரமணியா ஸமாத³பேதி, அத்தனா ச முஸாவாதா³ படிவிரதோ ஹோதி பரஞ்ச முஸாவாதா³ வேரமணியா ஸமாத³பேதி, அத்தனா ச ஸுராமேரயமஜ்ஜபமாத³ட்டா²னா படிவிரதோ ஹோதி பரஞ்ச ஸுராமேரயமஜ்ஜபமாத³ட்டா²னா வேரமணியா ஸமாத³பேதி - அயங் வச்சதி புக்³லோ “ஸப்புரிஸேன ஸப்புரிஸதரோ”.

136. கதமோ ச புக்³க³லோ பாபோ? இதே⁴கச்சோ புக்³க³லோ பாணாதிபாதீ ஹோதி, அதி³ன்னாதா³யீ ஹோதி, காமேஸுமிச்சா²சாரீ ஹோதி, முஸாவாதீ³ ஹோதி, பிஸுணவாசோ [பிஸுணாவாசோ] ஹோதி, ப²ருஸவாசோ [ப²ருஸாவாசோ (ஸீ.) தீ³. நி. 3.115] ஹோதி, ஸம்ப²ப்பலாபீ ஹோதி, அபி⁴ஜ்ஜா²லு ஹோதி, ப்³யாபன்னசித்தோ ஹோதி, மிச்சா²தி³ட்டி² [மிச்சா²தி³ட்டி² (க.)] ஹோதி - அயங் வுச்சதி புக்³க³லோ “பாபோ”.

137. கதமோ ச புக்³க³லோ பாபேன பாபதரோ? இதே⁴கச்சோ புக்³க³லோ அத்தனா ச பாணாதிபாதீ ஹோதி பரஞ்ச பாணாதிபாதே ஸமாத³பேதி, அத்தனா ச அதி³ன்னாதா³யீ ஹோதி பரஞ்ச அதி³ன்னாதா³னே ஸமாத³பேதி, அத்தனா ச காமேஸுமிச்சா²சாரீ ஹோதி பரஞ்ச காமேஸுமிச்சா²சாரே ஸமாத³பேதி, அத்தனா ச முஸாவாதீ³ ஹோதி பரஞ்ச முஸாவாதே³ ஸமாத³பேதி, அத்தனா ச பிஸுணவாசோ ஹோதி பரஞ்ச பிஸுணாய வாசாய ஸமாத³பேதி, அத்தனா ச ப²ருஸவாசோ ஹோதி பரஞ்ச ப²ருஸாய வாசாய ஸமாத³பேதி, அத்தனா ச ஸம்ப²ப்பலாபீ ஹோதி பரஞ்ச ஸம்ப²ப்பலாபே ஸமாத³பேதி, அத்தனா ச அபி⁴ஜ்ஜா²லு ஹோதி பரஞ்ச அபி⁴ஜ்ஜா²ய ஸமாத³பேதி, அத்தனா ச ப்³யாபன்னசித்தோ ஹோதி பரஞ்ச ப்³யாபாதே³ ஸமாத³பேதி, அத்தனா ச மிச்சா²தி³ட்டி² ஹோதி பரஞ்ச மிச்சா²தி³ட்டி²யா ஸமாத³பேதி - அயங் வுச்சதி புக்³க³லோ “பாபேன பாபதரோ”.

138. கதமோ ச புக்³க³லோ கல்யாணோ? இதே⁴கச்சோ புக்³க³லோ பாணாதிபாதா படிவிரதோ ஹோதி, அதி³ன்னாதா³னா படிவிரதோ ஹோதி , காமேஸுமிச்சா²சாரா படிவிரதோ ஹோதி, முஸாவாதா³ படிவிரதோ ஹோதி, பிஸுணாய வாசாய படிவிரதோ ஹோதி, ப²ருஸாய வாசாய படிவிரதோ ஹோதி, ஸம்ப²ப்பலாபா படிவிரதோ ஹோதி, அனபி⁴ஜ்ஜா²லு ஹோதி, அப்³யாபன்னசித்தோ ஹோதி, ஸம்மாதி³ட்டி² [ஸம்மாதி³ட்டி² (க.)] ஹோதி - அயங் வுச்சதி புக்³க³லோ “கல்யாணோ”.

139. கதமோ ச புக்³க³லோ கல்யாணேன கல்யாணதரோ? இதே⁴கச்சோ புக்³க³லோ அத்தனா ச பாணாதிபாதா படிவிரதோ ஹோதி பரஞ்ச பாணாதிபாதா வேரமணியா ஸமாத³பேதி, அத்தனா ச அதி³ன்னாதா³னா படிவிரதோ ஹோதி பரஞ்ச அதி³ன்னாதா³னா வேரமணியா ஸமாத³பேதி, அத்தனா ச காமேஸுமிச்சா²சாரா படிவிரதோ ஹோதி பரஞ்ச காமேஸுமிச்சா²சாரா வேரமணியா ஸமாத³பேதி, அத்தனா ச முஸாவாதா³ படிவிரதோ ஹோதி பரஞ்ச முஸாவாதா³ வேரமணியா ஸமாத³பேதி, அத்தனா ச பிஸுணாய வாசாய படிவிரதோ ஹோதி பரஞ்ச பிஸுணாய வாசாய வேரமணியா ஸமாத³பேதி, அத்தனா ச ப²ருஸாய வாசாய படிவிரதோ ஹோதி பரஞ்ச ப²ருஸாய வாசாய வேரமணியா ஸமாத³பேதி, அத்தனா ச ஸம்ப²ப்பலாபா படிவிரதோ ஹோதி பரஞ்ச ஸம்ப²ப்பலாபா வேரமணியா ஸமாத³பேதி, அத்தனா

ச அனபி⁴ஜ்ஜா²லு ஹோதி பரஞ்ச அனபி⁴ஜ்ஜா²ய ஸமாத³பேதி, அத்தனா ச அப்யாபன்னசித்தோ ஹோதி பரஞ்ச அப்யாபாதே³ ஸமாத³பேதி, அத்தனா ச ஸம்மாதி³ட்டி² ஹோதி பரஞ்ச ஸம்மாதி³ட்டி²யா ஸமாத³பேதி - அயங் வச்சதி புக்க³லோ “கல்யாணேன கல்யாணதரோ”.

140. கதமோ ச புக்க³லோ பாபத⁴ம்மோ? இதே⁴கச்சோ புக்க³லோ பாணாதிபாதீ ஹோதி, அதி³ன்னாதா³யீ ஹோதி...பே... மிச்சா²தி³ட்டி² ஹோதி - அயங் வச்சதி புக்க³லோ “பாபத⁴ம்மோ”.

141. கதமோ ச புக்க³லோ பாபத⁴ம்மேன பாபத⁴ம்மதரோ? இதே⁴கச்சோ புக்க³லோ அத்தனா ச பாணாதிபாதீ ஹோதி பரஞ்ச பாணாதிபாதே ஸமாத³பேதி, அத்தனா ச அதி³ன்னாதா³யீ ஹோதி பரஞ்ச அதி³ன்னாதா³னே ஸமாத³பேதி...பே... அத்தனா ச மிச்சா²தி³ட்டி² ஹோதி பரஞ்ச மிச்சா²தி³ட்டி²யா ஸமாத³பேதி - அயங் வச்சதி புக்க³லோ “பாபத⁴ம்மேன பாபத⁴ம்மதரோ”.

142. கதமோ ச புக்க³லோ கல்யாணத⁴ம்மோ? இதே⁴கச்சோ புக்க³லோ பாணாதிபாதா படிவிரதோ ஹோதி, அதி³ன்னாதா³னா படிவிரதோ ஹோதி...பே... ஸமாதி³ட்டி² ஹோதி - அயங் வச்சதி புக்க³லோ “கல்யாணத⁴ம்மோ”.

143. கதமோ ச புக்க³லோ கல்யாணத⁴ம்மேன கல்யாணத⁴ம்மதரோ? இதே⁴கச்சோ புக்க³லோ அத்தனா ச பாணாதிபாதா படிவிரதோ ஹோதி பரஞ்ச பாணாதிபாதா வேரமணியா ஸமாத³பேதி...பே... அத்தனா ச ஸம்மாதி³ட்டி² ஹோதி பரஞ்ச ஸம்மாதி³ட்டி²யா ஸமாத³பேதி - அயங் வச்சதி புக்க³லோ “கல்யாணத⁴ம்மேன கல்யாணத⁴ம்மதரோ”.

144. கதமோ ச புக்க³லோ ஸாவஜ்ஜோ? இதே⁴கச்சோ புக்க³லோ ஸாவஜ்ஜேன காயகம்மேன ஸமன்னாக³தோ ஹோதி, ஸாவஜ்ஜேன வசீகம்மேன ஸமன்னாக³தோ ஹோதி, ஸாவஜ்ஜேன மனோகம்மேன ஸமன்னாக³தோ ஹோதி - அயங் வச்சதி புக்க³லோ “ஸாவஜ்ஜோ”.

145. கதமோ ச புக்க³லோ வஜ்ஜப³ஹுலோ? இதே⁴கச்சோ புக்க³லோ ஸாவஜ்ஜேன ப³ஹுலங் காயகம்மேன ஸமன்னாக³தோ ஹோதி அப்பங் அனவஜ்ஜேன, ஸாவஜ்ஜேன ப³ஹுலங் வசீகம்மேன ஸமன்னாக³தோ ஹோதி அப்பங் அனவஜ்ஜேன, ஸாவஜ்ஜேன ப³ஹுலங் மனோகம்மேன ஸமன்னாக³தோ ஹோதி அப்பங் அனவஜ்ஜேன - அயங் வச்சதி புக்க³லோ “வஜ்ஜப³ஹுலோ”.

146. கதமோ ச புக்க³லோ அப்பவஜ்ஜோ? இதே⁴கச்சோ புக்க³லோ அனவஜ்ஜேன ப³ஹுலங் காயகம்மேன ஸமன்னாக³தோ ஹோதி அப்பங் ஸாவஜ்ஜேன, அனவஜ்ஜேன ப³ஹுலங் வசீகம்மேன ஸமன்னாக³தோ ஹோதி

அப்பங் ஸாவஜ்ஜேன, அனவஜ்ஜேன பஹுலங் மனோகம்மேன
ஸமன்னாகதோ ஹோதி அப்பங் ஸாவஜ்ஜேன - அயங் வச்சதி புக்கலோ
“அப்பவஜ்ஜோ”.

147. கதமோ ச புக்கலோ அனவஜ்ஜோ? இதேகச்சோ புக்கலோ
அனவஜ்ஜேன காயகம்மேன ஸமன்னாகதோ ஹோதி, அனவஜ்ஜேன
வசீகம்மேன ஸமன்னாகதோ ஹோதி, அனவஜ்ஜேன மனோகம்மேன
ஸமன்னாகதோ ஹோதி - அயங் வச்சதி புக்கலோ “அனவஜ்ஜோ”.

148. கதமோ ச புக்கலோ உக்கதிஞ்ஞா? யஸ்ஸ புக்கலஸ்ஸ ஸஹ
உதாஹடவேலாய தம்மாபிஸமயோ ஹோதி - அயங் வச்சதி புக்கலோ
“உக்கதிஞ்ஞா”.

149. கதமோ ச புக்கலோ விபஞ்சிதஞ்ஞா? யஸ்ஸ புக்கலஸ்ஸ
ஸங்கித்தேன பாஸிதஸ்ஸ வித்தாரேன அத்தே விபஜியமானே
தம்மாபிஸமயோ ஹோதி - அயங் வச்சதி புக்கலோ “விபஞ்சிதஞ்ஞா”.

150. கதமோ ச புக்கலோ நெய்யோ? யஸ்ஸ புக்கலஸ்ஸ உத்தேஸதோ
பரிபுச்சதோ யோனிஸோ மனஸிகரோதோ கல்யாணமித்தே ஸேவதோ
பஜதோ பயிருபாஸதோ ஏவங் அனுபுப்பேன தம்மாபிஸமயோ ஹோதி -
அயங் வச்சதி புக்கலோ “நெய்யோ”.

151. கதமோ ச புக்கலோ பதபரமோ? யஸ்ஸ புக்கலஸ்ஸ பஹும்பி
ஸுணதோ பஹும்பி பணதோ பஹும்பி தாரயதோ பஹும்பி வாசயதோ
ந தாய ஜாதியா தம்மாபிஸமயோ ஹோதி - அயங் வச்சதி புக்கலோ
“பதபரமோ”.

152. கதமோ ச புக்கலோ யுத்தப்படிபாணோ [\[யுத்தப்படிபாணோ \(ஸ்யா.\)
அ. நி. 4.132\]](#) நோ முத்தப்படிபாணோ? இதேகச்சோ புக்கலோ பஞ்ஹங்
புட்டோ ஸமானோ யுத்தங் வததி நோ ஸீகங் - அயங் வச்சதி புக்கலோ
“யுத்தப்படிபாணோ நோ முத்தப்படிபாணோ”.

153. கதமோ ச புக்கலோ முத்தப்படிபாணோ நோ யுத்தப்படிபாணோ?
இதேகச்சோ புக்கலோ பஞ்ஹங் புட்டோ ஸமானோ ஸீகங் வததி நோ
யுத்தங் - அயங் வச்சதி புக்கலோ “முத்தப்படிபாணோ நோ
யுத்தப்படிபாணோ”.

154. கதமோ ச புக்கலோ யுத்தப்படிபாணோ ச முத்தப்படிபாணோ ச?
இதேகச்சோ புக்கலோ பஞ்ஹங் புட்டோ ஸமானோ யுத்தஞ்ச வததி

ஸீக்⁴ஞ்ச - அயங் வுச்சதி புக்³க³லோ “யுத்தப்படிபா⁴னோ ச முத்தப்படிபா⁴னோ ச”.

155. கதமோ ச புக்³க³லோ நேவ யுத்தப்படிபா⁴னோ நோ முத்தப்படிபா⁴னோ? இதே⁴கச்சோ புக்³க³லோ பஞ்ஹங் புட்டோ² ஸமானோ நேவ யுத்தங் வத³தி நோ ஸீக்⁴ங் - அயங் வுச்சதி, புக்³க³லோ “நேவ யுத்தப்படிபா⁴னோ நோ முத்தப்படிபா⁴னோ”.

156. தத்த² கதமே சத்தாரோ த⁴ம்மகதி²கா புக்³க³லா? இதே⁴கச்சோ த⁴ம்மகதி²கோ அப்பஞ்ச பா⁴ஸதி அஸஹிதஞ்ச, பரிஸா சஸ்ஸ ந குஸலா ஹோதி ஸஹிதாஸஹிதஸ்ஸ. ஏவருபோ த⁴ம்மகதி²கோ ஏவருபாய பரிஸாய த⁴ம்மகதி²கொத்வேவ ஸங்க²ங் க³ச்ச²தி.

இத⁴ பனேகச்சோ த⁴ம்மகதி²கோ அப்பஞ்ச பா⁴ஸதி ஸஹிதஞ்ச, பரிஸா சஸ்ஸ குஸலா ஹோதி ஸஹிதாஸஹிதஸ்ஸ. ஏவருபோ த⁴ம்மகதி²கோ ஏவருபாய பரிஸாய த⁴ம்மகதி²கொத்வேவ ஸங்க²ங் க³ச்ச²தி.

இத⁴ பனேகச்சோ த⁴ம்மகதி²கோ ப³ஹுஞ்ச பா⁴ஸதி அஸஹிதஞ்ச, பரிஸா சஸ்ஸ ந குஸலா ஹோதி ஸஹிதாஸஹிதஸ்ஸ. ஏவருபோ த⁴ம்மகதி²கோ ஏவருபாய பரிஸாய த⁴ம்மகதி²கொத்வேவ ஸங்க²ங் க³ச்ச²தி.

இத⁴ பனேகச்சோ த⁴ம்மகதி²கோ ப³ஹுஞ்ச பா⁴ஸதி ஸஹிதஞ்ச, பரிஸா சஸ்ஸ குஸலா ஹோதி ஸஹிதாஸஹிதஸ்ஸ. ஏவருபோ த⁴ம்மகதி²கோ ஏவருபாய பரிஸாய த⁴ம்மகதி²கொத்வேவ ஸங்க²ங் க³ச்ச²தி. இமே சத்தாரோ “த⁴ம்மகதி²கா புக்³க³லா”.

157. தத்த² கதமே சத்தாரோ வலாஹகூபமா புக்³க³லா? சத்தாரோ வலாஹகா - க³ஜ்ஜிதா நோ வஸ்ஸிதா, வஸ்ஸிதா நோ க³ஜ்ஜிதா, க³ஜ்ஜிதா ச வஸ்ஸிதா ச, நேவ க³ஜ்ஜிதா நோ வஸ்ஸிதா. ஏவமேவங் சத்தாரோமே வலாஹகூபமா புக்³க³லா ஸந்தோ ஸங்விஜ்ஜமானா லோகஸ்மிங். கதமே சத்தாரோ ? க³ஜ்ஜிதா நோ வஸ்ஸிதா, வஸ்ஸிதா நோ க³ஜ்ஜிதா, க³ஜ்ஜிதா ச வஸ்ஸிதா ச, நேவ க³ஜ்ஜிதா நோ வஸ்ஸிதா.

கத²ஞ்ச புக்³க³லோ க³ஜ்ஜிதா ஹோதி நோ வஸ்ஸிதா? இதே⁴கச்சோ புக்³க³லோ பா⁴ஸிதா ஹோதி, நோ கத்தா. ஏவங் புக்³க³லோ க³ஜ்ஜிதா ஹோதி, நோ வஸ்ஸிதா. ஸெய்யதா²பி ஸோ வலாஹகோ க³ஜ்ஜிதா நோ வஸ்ஸிதா, ததூ²பமோ அயங் புக்³க³லோ.

கத²ஞ்ச புக்³க³லோ வஸ்ஸிதா ஹோதி நோ க³ஜ்ஜிதா? இதே⁴கச்சோ புக்³க³லோ கத்தா ஹோதி, நோ பா⁴ஸிதா. ஏவங் புக்³க³லோ வஸ்ஸிதா

ஹோதி நோ க்ஜ்ஜிதா. ஸெய்யதா²பி ஸோ வலாஹகோ வஸ்ஸிதா நோ க்ஜ்ஜிதா, ததூ²பமோ அயங் புக்³க³லோ.

கத²ஞ்ச புக்³க³லோ க்ஜ்ஜிதா ச ஹோதி வஸ்ஸிதா ச? இதே⁴கச்சோ புக்³க³லோ பா⁴ஸிதா ச ஹோதி, கத்தா ச. ஏவங் புக்³க³லோ க்ஜ்ஜிதா ச ஹோதி வஸ்ஸிதா ச. ஸெய்யதா²பி ஸோ வலாஹகோ க்ஜ்ஜிதா ச வஸ்ஸிதா ச, ததூ²பமோ அயங் புக்³க³லோ.

கத²ஞ்ச புக்³க³லோ நேவ க்ஜ்ஜிதா ஹோதி நோ வஸ்ஸிதா? இதே⁴கச்சோ புக்³க³லோ நேவ பா⁴ஸிதா ஹோதி நோ கத்தா. ஏவங் புக்³க³லோ நேவ க்ஜ்ஜிதா ஹோதி நோ வஸ்ஸிதா. ஸெய்யதா²பி ஸோ வலாஹகோ நேவ க்ஜ்ஜிதா நோ வஸ்ஸிதா, ததூ²பமோ அயங் புக்³க³லோ.

இமே சத்தாரோ வலாஹகூபமா புக்³க³லா ஸந்தோ ஸங்விஜ்ஜமானா லோகஸ்மிங்.

158. தத்த² கதமே சத்தாரோ மூஸிகூபமா புக்³க³லா? சதஸ்ஸோ மூஸிகா - கா³த⁴ங் கத்தா நோ வஸிதா, வஸிதா நோ கா³த⁴ங் கத்தா, கா³த⁴ங் கத்தா ச வஸிதா ச, நேவ கா³த⁴ங் கத்தா நோ வஸிதா. ஏவமேவங் சத்தாரோமே மூஸிகூபமா புக்³க³லா ஸந்தோ ஸங்விஜ்ஜமானா லோகஸ்மிங். கதமே சத்தாரோ? கா³த⁴ங் கத்தா நோ வஸிதா, வஸிதா நோ கா³த⁴ங் கத்தா, கா³த⁴ங் கத்தா ச வஸிதா ச, நேவ கா³த⁴ங் கத்தா நோ வஸிதா.

கத²ஞ்ச புக்³க³லோ கா³த⁴ங் கத்தா ஹோதி நோ வஸிதா? இதே⁴கச்சோ புக்³க³லோ த⁴ம்மங் பரியாபுணாதி - ஸுத்தங் கெ³ய்யங் வெய்யாகரணங் கா³த⁴ங் உதா³னங் இதிவுத்தகங் ஜாதகங் அப்³பு⁴தத⁴ம்மங் வேத³ல்லங். ஸோ “இத³ங் து³க்க²”ந்தி யதா²பு⁴தங் நப்பஜானாதி, “அயங் து³க்க²ஸமுத³யோ”தி யதா²பு⁴தங் நப்பஜானாதி, “அயங் து³க்க²னிரோதோ⁴”தி யதா²பு⁴தங் நப்பஜானாதி, “அயங் து³க்க²னிரோத⁴கா³மினீ படிபதா³”தி யதா²பு⁴தங் நப்பஜானாதி. ஏவங் புக்³க³லோ கா³த⁴ங் கத்தா ஹோதி நோ வஸிதா. ஸெய்யதா²பி ஸா மூஸிகா கா³த⁴ங் கத்தா நோ வஸிதா, ததூ²பமோ அயங் புக்³க³லோ.

கத²ஞ்ச புக்³க³லோ வஸிதா ஹோதி நோ கா³த⁴ங் கத்தா? இதே⁴கச்சோ புக்³க³லோ த⁴ம்மங் ந பரியாபுணாதி - ஸுத்தங் கெ³ய்யங் வெய்யாகரணங் கா³த⁴ங் உதா³னங் இதிவுத்தகங் ஜாதகங் அப்³பு⁴தத⁴ம்மங் வேத³ல்லங். ஸோ “இத³ங் து³க்க²”ந்தி யதா²பு⁴தங் பஜானாதி, “அயங் து³க்க²ஸமுத³யோ”தி யதா²பு⁴தங் பஜானாதி, “அயங் து³க்க²னிரோதோ⁴”தி யதா²பு⁴தங் பஜானாதி, “அயங் து³க்க²னிரோத⁴கா³மினீ படிபதா³”தி யதா²பு⁴தங் பஜானாதி. ஏவங்

புக்³லோ வஸிதா ஹோதி நோ கா³த⁴ங் கத்தா. ஸெய்யதா²பி ஸா மூஸிகா வஸிதா நோ கா³த⁴ங் கத்தா, ததூ²பமோ அயங் புக்³லோ.

கத²ஞ்ச புக்³லோ கா³த⁴ங் கத்தா ச ஹோதி வஸிதா ச? இதே⁴கச்சோ புக்³லோ த⁴ம்மங் பரியாபுணாதி - ஸுத்தங் கெ³ய்யங் வெய்யாகரணங் கா³த²ங் உதா³னங் இதிவுத்தகங் ஜாதகங் அபு³பு⁴தத⁴ம்மங் வேத³ல்லங். ஸோ “இத³ங் து³க்க²”ந்தி யதா²பு⁴தங் பஜானாதி, “அயங் து³க்க²ஸமுத³யோ”தி யதா²பு⁴தங் பஜானாதி, “அயங் து³க்க²னிரோதோ⁴”தி யதா²பு⁴தங் பஜானாதி, “அயங் து³க்க²னிரோத⁴கா³மினீ படிபதா³”தி யதா²பு⁴தங் பஜானாதி. ஏவங் புக்³லோ கா³த⁴ங் கத்தா ச ஹோதி வஸிதா ச. ஸெய்யதா²பி ஸா மூஸிகா கா³த⁴ங் கத்தா ச வஸிதா ச, ததூ²பமோ அயங் புக்³லோ.

கத²ஞ்ச புக்³லோ நேவ கா³த⁴ங் கத்தா ஹோதி நோ வஸிதா? இதே⁴கச்சோ புக்³லோ த⁴ம்மங் ந பரியாபுணாதி - ஸுத்தங் கெ³ய்யங் வெய்யாகரணங் கா³த²ங் உதா³னங் இதிவுத்தகங் ஜாதகங் அபு³பு⁴தத⁴ம்மங் வேத³ல்லங். ஸோ “இத³ங் து³க்க²”ந்தி யதா²பு⁴தங் நப்பஜானாதி, “அயங் து³க்க²ஸமுத³யோ”தி யதா²பு⁴தங் நப்பஜானாதி, “அயங் து³க்க²னிரோதோ⁴”தி யதா²பு⁴தங் நப்பஜானாதி, “அயங் து³க்க²னிரோத⁴கா³மினீ படிபதா³”தி யதா²பு⁴தங் நப்பஜானாதி. ஏவங் புக்³லோ நேவ கா³த⁴ங் கத்தா ஹோதி நோ வஸிதா. ஸெய்யதா²பி ஸா மூஸிகா நேவ கா³த⁴ங் கத்தா நோ வஸிதா, ததூ²பமோ அயங் புக்³லோ.

இமே சத்தாரோ மூஸிகூபமா புக்³லா ஸந்தோ ஸங்விஜ்ஜமானா லோகஸ்மிங்.

159. தத்த² கதமே சத்தாரோ அம்பூ³பமா புக்³லா? சத்தாரி அம்பா³னி - ஆமங் பக்கவண்ணி [பக்கவண்ணீ, பக்கங் ஆமவண்ணி [ஆமவண்ணீ (ஸ்யா. க.) அ. நி. 4.105], ஆமங் ஆமவண்ணி, பக்கங் பக்கவண்ணி. ஏவமேவங் சத்தாரோமே அம்பூ³பமா புக்³லா ஸந்தோ ஸங்விஜ்ஜமானா லோகஸ்மிங். கதமே சத்தாரோ? ஆமோ பக்கவண்ணீ, பக்கோ ஆமவண்ணீ, ஆமோ ஆமவண்ணீ, பக்கோ பக்கவண்ணீ.

கத²ஞ்ச புக்³லோ ஆமோ ஹோதி பக்கவண்ணீ? இதே⁴கச்சஸ்ஸ புக்³லஸ்ஸ பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் [ஸம்மிஞ்ஜிதங் (ஸீ. ஸ்யா.)] பஸாரிதங் ஸங்கா⁴டிபத்தசீவரதா⁴ரணங். ஸோ “இத³ங் து³க்க²”ந்தி யதா²பு⁴தங் நப்பஜானாதி, “அயங் து³க்க²ஸமுத³யோ”தி யதா²பு⁴தங் நப்பஜானாதி, “அயங் து³க்க²னிரோதோ⁴”தி யதா²பு⁴தங் நப்பஜானாதி, “அயங் து³க்க²னிரோத⁴கா³மினீ படிபதா³”தி யதா²பு⁴தங் நப்பஜானாதி. ஏவங் புக்³லோ

ஆமோ ஹோதி பக்கவண்ணீ. ஸெய்யதா²பி தங் அம்ப³ங் ஆமங் பக்கவண்ணி, ததூ²பமோ அயங் புக்³க³லோ.

கத²ஞ்ச புக்³க³லோ பக்கோ ஹோதி ஆமவண்ணீ? இதே⁴கச்சஸ்ஸ புக்³க³லஸ்ஸ ந பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங் ஸங்கா⁴டிபத்தசீவரதா⁴ரணங். ஸோ “இத³ங் து³க்க²”ந்தி யதா²பூ⁴தங் பஜானாதி, “அயங் து³க்க²ஸமுத³யோ”தி யதா²பூ⁴தங் பஜானாதி, “அயங் து³க்க²னிரோதோ⁴”தி யதா²பூ⁴தங் பஜானாதி, “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி. ஏவங் புக்³க³லோ பக்கோ ஹோதி ஆமவண்ணீ. ஸெய்யதா²பி தங் அம்ப³ங் பக்கங் ஆமவண்ணி, ததூ²பமோ அயங் புக்³க³லோ.

கத²ஞ்ச புக்³க³லோ ஆமோ ஹோதி ஆமவண்ணீ? இதே⁴கச்சஸ்ஸ புக்³க³லஸ்ஸ ந பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங் ஸங்கா⁴டிபத்தசீவரதா⁴ரணங். ஸோ “இத³ங் து³க்க²”ந்தி யதா²பூ⁴தங் நப்பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் நப்பஜானாதி. ஏவங் புக்³க³லோ ஆமோ ஹோதி ஆமவண்ணீ. ஸெய்யதா²பி தங் அம்ப³ங் ஆமங் ஆமவண்ணி, ததூ²பமோ அயங் புக்³க³லோ.

கத²ஞ்ச புக்³க³லோ பக்கோ ஹோதி பக்கவண்ணீ? இதே⁴கச்சஸ்ஸ புக்³க³லஸ்ஸ பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங் ஸங்கா⁴டிபத்தசீவரதா⁴ரணங் . ஸோ “இத³ங் து³க்க²”ந்தி யதா²பூ⁴தங் பஜானாதி ...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி. ஏவங் புக்³க³லோ பக்கோ ஹோதி பக்கவண்ணீ. ஸெய்யதா²பி தங் அம்ப³ங் பக்கங் பக்கவண்ணி, ததூ²பமோ அயங் புக்³க³லோ.

இமே சத்தாரோ அம்பூ³பமா புக்³க³லா ஸந்தோ ஸங்விஜ்ஜமானா லோகஸ்மிங்.

160. தத்த² கதமே சத்தாரோ கும்பூ⁴பமா புக்³க³லா? சத்தாரோ கும்பா⁴ - துச்சோ² பிஹிதோ, பூரோ விவடோ, துச்சோ² விவடோ, பூரோ பிஹிதோ. ஏவமேவங் சத்தாரோமே கும்பூ⁴பமா புக்³க³லா ஸந்தோ ஸங்விஜ்ஜமானா லோகஸ்மிங். கதமே சத்தாரோ? துச்சோ² பிஹிதோ, பூரோ விவடோ, துச்சோ² விவடோ, பூரோ பிஹிதோ.

கத²ஞ்ச புக்³க³லோ துச்சோ² ஹோதி பிஹிதோ? இதே⁴கச்சஸ்ஸ புக்³க³லஸ்ஸ பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங் ஸங்கா⁴டிபத்தசீவரதா⁴ரணங். ஸோ

“இத³ங் து³க்க²”ந்தி யதா²பூ⁴தங் நப்பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் நப்பஜானாதி. ஏவங் புக்³க³லோ துச்சோ² ஹோதி பிஹிதோ. ஸெய்யதா²பி ஸோ கும்போ⁴ துச்சோ² பிஹிதோ, ததூ²பமோ அயங் புக்³க³லோ.

கத²ஞ்ச புக்³க³லோ பூரோ ஹோதி விவடோ? இதே⁴கச்சஸ்ஸ புக்³க³லஸ்ஸ ந பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங் ஸங்கா⁴டிபத்தசீவரதா⁴ரணங். ஸோ “இத³ங் து³க்க²”ந்தி யதா²பூ⁴தங் பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி. ஏவங் புக்³க³லோ பூரோ ஹோதி விவடோ. ஸெய்யதா²பி ஸோ கும்போ⁴ பூரோ விவடோ, ததூ²பமோ அயங் புக்³க³லோ.

கத²ஞ்ச புக்³க³லோ துச்சோ² ஹோதி விவடோ? இதே⁴கச்சஸ்ஸ புக்³க³லஸ்ஸ ந பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங் ஸங்கா⁴டிபத்தசீவரதா⁴ரணங். ஸோ “இத³ங் து³க்க²”ந்தி யதா²பூ⁴தங் நப்பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் நப்பஜானாதி. ஏவங் புக்³க³லோ துச்சோ² ஹோதி விவடோ. ஸெய்யதா²பி ஸோ கும்போ⁴ துச்சோ² விவடோ, ததூ²பமோ அயங் புக்³க³லோ.

கத²ஞ்ச புக்³க³லோ பூரோ ஹோதி பிஹிதோ? இதே⁴கச்சஸ்ஸ புக்³க³லஸ்ஸ பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங் ஸங்கா⁴டிபத்தசீவரதா⁴ரணங். ஸோ “இத³ங் து³க்க²”ந்தி யதா²பூ⁴தங் பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி. ஏவங் புக்³க³லோ பூரோ ஹோதி பிஹிதோ. ஸெய்யதா²பி ஸோ கும்போ⁴ பூரோ பிஹிதோ, ததூ²பமோ அயங் புக்³க³லோ. இமே சத்தாரோ கும்பூ⁴பமா புக்³க³லா ஸந்தோ ஸங்விஜ்ஜமானா லோகஸ்மிங்.

161. தத்த² கதமே சத்தாரோ உத³கரஹதூ³பமா புக்³க³லா? சத்தாரோ உத³கரஹதா³ - உத்தானோ க³ம்பீ⁴ரோபா⁴ஸோ, க³ம்பீ⁴ரோ உத்தானோபா⁴ஸோ, உத்தானோ உத்தானோபா⁴ஸோ, க³ம்பீ⁴ரோ க³ம்பீ⁴ரோபா⁴ஸோ. ஏவமேவங் சத்தாரோமே உத³கரஹதூ³பமா புக்³க³லா ஸந்தோ ஸங்விஜ்ஜமானா லோகஸ்மிங். கதமே சத்தாரோ? உத்தானோ க³ம்பீ⁴ரோபா⁴ஸோ, க³ம்பீ⁴ரோ உத்தானோபா⁴ஸோ, உத்தானோ உத்தானோபா⁴ஸோ, க³ம்பீ⁴ரோ க³ம்பீ⁴ரோபா⁴ஸோ.

கத²ஞ்ச புக்³க³லோ உத்தானோ ஹோதி க³ம்பீ⁴ரோபா⁴ஸோ? இதே⁴கச்சஸ்ஸ புக்³க³லஸ்ஸ பாஸாதி³கங் ஹோதி அபி⁴க்கந்தங் படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங்

ஸங்கா⁴டிபத்தசீவரதா⁴ரணங். ஸோ “இதங் து³க்க²”ந்தி யதா²பூ⁴தங்
நப்பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங்
நப்பஜானாதி. ஏவங் புக்³க³லோ உத்தானோ ஹோதி க³ம்பீ⁴ரோபா⁴ஸோ.
ஸெய்யதா²பி ஸோ உத³கரஹதோ³ உத்தானோ க³ம்பீ⁴ரோபா⁴ஸோ,
ததூ²பமோ அயங் புக்³க³லோ.

கத²ஞ்ச புக்³க³லோ க³ம்பீ⁴ரோ ஹோதி உத்தானோபா⁴ஸோ?
இதே⁴கச்சஸ்ஸ புக்³க³லஸ்ஸ ந பாஸாதி³கங் ஹோதி அபி⁴க்கந்தங்
படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங்
ஸங்கா⁴டிபத்தசீவரதா⁴ரணங். ஸோ “இதங் து³க்க²”ந்தி யதா²பூ⁴தங்
பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங்
பஜானாதி. ஏவங் புக்³க³லோ க³ம்பீ⁴ரோ ஹோதி உத்தானோபா⁴ஸோ.
ஸெய்யதா²பி ஸோ உத³கரஹதோ³ க³ம்பீ⁴ரோ உத்தானோபா⁴ஸோ,
ததூ²பமோ அயங் புக்³க³லோ.

கத²ஞ்ச புக்³க³லோ உத்தானோ ஹோதி உத்தானோபா⁴ஸோ?
இதே⁴கச்சஸ்ஸ புக்³க³லஸ்ஸ ந பாஸாதி³கங் ஹோதி அபி⁴க்கந்தங்
படிக்கந்தங் ஆலோகிதங் விலோகிதங் ஸமிஞ்ஜிதங் பஸாரிதங்
ஸங்கா⁴டிபத்தசீவரதா⁴ரணங். ஸோ “இதங் து³க்க²”ந்தி யதா²பூ⁴தங்
நப்பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங்
நப்பஜானாதி. ஏவங் புக்³க³லோ உத்தானோ ஹோதி உத்தானோபா⁴ஸோ.
ஸெய்யதா²பி ஸோ உத³கரஹதோ³ உத்தானோ உத்தானோபா⁴ஸோ,
ததூ²பமோ அயங் புக்³க³லோ.

கத²ஞ்ச புக்³க³லோ க³ம்பீ⁴ரோ ஹோதி க³ம்பீ⁴ரோபா⁴ஸோ?
இதே⁴கச்சஸ்ஸ புக்³க³லஸ்ஸ பாஸாதி³கங் ஹோதி அபி⁴க்கந்தங் படிக்கந்தங்
ஆலோகிதங் விலோகிதங் ஸமிஞ்ஜிதங் பஸாரிதங்
ஸங்கா⁴டிபத்தசீவரதா⁴ரணங். ஸோ “இதங் து³க்க²”ந்தி யதா²பூ⁴தங்
பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங்
பஜானாதி. ஏவங் புக்³க³லோ க³ம்பீ⁴ரோ ஹோதி க³ம்பீ⁴ரோபா⁴ஸோ.
ஸெய்யதா²பி ஸோ உத³கரஹதோ³ க³ம்பீ⁴ரோ க³ம்பீ⁴ரோபா⁴ஸோ,
ததூ²பமோ அயங் புக்³க³லோ. இமே சத்தாரோ உத³கரஹதூ³பமா புக்³க³லா
ஸந்தோ ஸங்விஜ்ஜமானா லோகஸ்மிங்.

162. தத்த² கதமே சத்தாரோ ப³லீப³த்தூ³பமா புக்³க³லா? சத்தாரோ
ப³லீப³த்தா³ [ப³லிப³த்தா⁴ (ஸ்யா.)] - ஸக³வசண்டோ³ [ஸக³வசண்டோ³ (க.
ஸீ.) அ. நி. 4.108] நோ பரக³வசண்டோ³, பரக³வசண்டோ³ நோ ஸக³வசண்டோ³,
ஸக³வசண்டோ³ ச பரக³வசண்டோ³ ச, நேவ ஸக³வசண்டோ³ நோ
பரக³வசண்டோ³. ஏவமேவங் சத்தாரோமே ப³லீப³த்தூ³பமா புக்³க³லா ஸந்தோ

ஸங்விஜ்ஜமானா லோகஸ்மிங். கதமே சத்தாரோ? ஸகக்³வசண்டோ³ நோ பரக்³வசண்டோ³, பரக்³வசண்டோ³ நோ ஸகக்³வசண்டோ³, ஸகக்³வசண்டோ³ ச பரக்³வசண்டோ³ ச, நேவ ஸகக்³வசண்டோ³ நோ பரக்³வசண்டோ³.

கத²ஞ்ச புக்³லோ ஸகக்³வசண்டோ³ ஹோதி நோ பரக்³வசண்டோ³? இதே⁴கச்சோ புக்³லோ ஸகபரிஸங் உப்³பேஜிதா ஹோதி, நோ பரபரிஸங். ஏவங் புக்³லோ ஸகக்³வசண்டோ³ ஹோதி நோ பரக்³வசண்டோ³. ஸெய்யதா²பி ஸோ ப்³லீப்த்³தோ³ ஸகக்³வசண்டோ³ நோ பரக்³வசண்டோ³, ததூ²பமோ அயங் புக்³லோ.

கத²ஞ்ச புக்³லோ பரக்³வசண்டோ³ ஹோதி நோ ஸகக்³வசண்டோ³? இதே⁴கச்சோ புக்³லோ பரபரிஸங் உப்³பேஜிதா ஹோதி, நோ ஸகபரிஸங். ஏவங் புக்³லோ பரக்³வசண்டோ³ ஹோதி நோ ஸகக்³வசண்டோ³. ஸெய்யதா²பி ஸோ ப்³லீப்த்³தோ³ பரக்³வசண்டோ³ நோ ஸகக்³வசண்டோ³, ததூ²பமோ அயங் புக்³லோ.

கத²ஞ்ச புக்³லோ ஸகக்³வசண்டோ³ ச ஹோதி பரக்³வசண்டோ³ ச? இதே⁴கச்சோ புக்³லோ ஸகபரிஸஞ்ச உப்³பேஜிதா ஹோதி, பரபரிஸஞ்ச. ஏவங் புக்³லோ ஸகக்³வசண்டோ³ ச ஹோதி பரக்³வசண்டோ³ ச. ஸெய்யதா²பி ஸோ ப்³லீப்த்³தோ³ ஸகக்³வசண்டோ³ ச பரக்³வசண்டோ³ ச, ததூ²பமோ அயங் புக்³லோ.

கத²ஞ்ச புக்³லோ நேவ ஸகக்³வசண்டோ³ ஹோதி நோ பரக்³வசண்டோ³? இதே⁴கச்சோ புக்³லோ நேவ ஸகபரிஸங் உப்³பேஜிதா ஹோதி நோ பரபரிஸங். ஏவங் புக்³லோ நேவ ஸகக்³வசண்டோ³ ஹோதி நோ பரக்³வசண்டோ³. ஸெய்யதா²பி ஸோ ப்³லீப்த்³தோ³ நேவ ஸகக்³வசண்டோ³ நோ பரக்³வசண்டோ³, ததூ²பமோ அயங் புக்³லோ. இமே சத்தாரோ ப்³லீப்த்³தூ³பமா புக்³லா ஸந்தோ ஸங்விஜ்ஜமானா லோகஸ்மிங்.

163. தத்த² கதமே சத்தாரோ ஆஸீவிஸூபமா புக்³லா? சத்தாரோ ஆஸீவிஸா [ஆஸிவிஸா (ஸ்யா.)] - ஆக³தவிஸோ நோ கோ⁴ரவிஸோ, கோ⁴ரவிஸோ நோ ஆக³தவிஸோ, ஆக³தவிஸோ ச கோ⁴ரவிஸோ ச, நேவ ஆக³தவிஸோ நோ கோ⁴ரவிஸோ. ஏவமேவங் சத்தாரோமே ஆஸீவிஸூபமா புக்³லா ஸந்தோ ஸங்விஜ்ஜமானா லோகஸ்மிங். கதமே சத்தாரோ? ஆக³தவிஸோ நோ கோ⁴ரவிஸோ, கோ⁴ரவிஸோ நோ ஆக³தவிஸோ, ஆக³தவிஸோ ச கோ⁴ரவிஸோ ச, நேவ ஆக³தவிஸோ நோ கோ⁴ரவிஸோ.

கத²ஞ்ச புக்³லோ ஆக³தவிஸோ ஹோதி நோ கோ⁴ரவிஸோ? இதே⁴கச்சோ புக்³லோ அபி⁴ண்ஹங் குஜ்ஜ²தி. ஸோ ச க்²வஸ்ஸ கோதோ⁴ ந சிரங் தீக்⁴ரத்தங் அனுஸேதி. ஏவங் புக்³லோ ஆக³தவிஸோ

ஹோதி, நோ கோ⁴ரவிஸோ. ஸெய்யதா²பி ஸோ ஆஸீவிஸோ ஆக³தவிஸோ
நோ கோ⁴ரவிஸோ, ததூ²பமோ அயங் புக்³க³லோ.

கத²ஞ்ச புக்³க³லோ கோ⁴ரவிஸோ ஹோதி நோ ஆக³தவிஸோ?
இதே⁴கச்சோ புக்³க³லோ நஹேவ கோ² [நேவ கோ² (ஸீ.) அ. நி. 4.110]
அபி⁴ண்ஹங் குஜ்ஜ²தி. ஸோ ச க்²வஸ்ஸ கோதோ⁴ சிரங் தீ³க⁴ரத்தங்
அனுஸேதி. ஏவங் புக்³க³லோ கோ⁴ரவிஸோ ஹோதி, நோ ஆக³தவிஸோ.
ஸெய்யதா²பி ஸோ ஆஸீவிஸோ கோ⁴ரவிஸோ நோ ஆக³தவிஸோ,
ததூ²பமோ அயங் புக்³க³லோ.

கத²ஞ்ச புக்³க³லோ ஆக³தவிஸோ ச ஹோதி கோ⁴ரவிஸோ ச?
இதே⁴கச்சோ புக்³க³லோ அபி⁴ண்ஹங் குஜ்ஜ²தி. ஸோ ச க்²வஸ்ஸ
கோதோ⁴ சிரங் தீ³க⁴ரத்தங் அனுஸேதி. ஏவங் புக்³க³லோ ஆக³தவிஸோ ச
ஹோதி கோ⁴ரவிஸோ ச. ஸெய்யதா²பி ஸோ ஆஸீவிஸோ ஆக³தவிஸோ ச
கோ⁴ரவிஸோ ச, ததூ²பமோ அயங் புக்³க³லோ.

கத²ஞ்ச புக்³க³லோ நேவ ஆக³தவிஸோ ஹோதி நோ கோ⁴ரவிஸோ?
இதே⁴கச்சோ புக்³க³லோ நஹேவ கோ² அபி⁴ண்ஹங் குஜ்ஜ²தி. ஸோ ச
க்²வஸ்ஸ கோதோ⁴ ந சிரங் தீ³க⁴ரத்தங் அனுஸேதி. ஏவங் புக்³க³லோ நேவ
ஆக³தவிஸோ ஹோதி நோ கோ⁴ரவிஸோ. ஸெய்யதா²பி ஸோ ஆஸீவிஸோ
நேவ ஆக³தவிஸோ நோ கோ⁴ரவிஸோ, ததூ²பமோ அயங் புக்³க³லோ. இமே
சத்தாரோ ஆஸீவிஸஃபமா புக்³க³லா ஸந்தோ ஸங்விஜ்ஜமானா லோகஸ்மிங்.

164. கத²ஞ்ச புக்³க³லோ அனநுவிச்ச அபரியோகா³ஹெத்வா
அவண்ணாரஹஸ்ஸ வண்ணங் பா⁴ஸிதா ஹோதி? இதே⁴கச்சோ புக்³க³லோ
து³ப்படிபன்னானங் மிச்சா²படிபன்னானங் தித்தி²யானங் தித்தி²யஸாவகானங்
வண்ணங் பா⁴ஸிதா - “ஸுப்படிபன்னா” இதிபி, “ஸம்மாபடிபன்னா” இதிபீதி.
ஏவங் புக்³க³லோ அனநுவிச்ச அபரியோகா³ஹெத்வா அவண்ணாரஹஸ்ஸ
வண்ணங் பா⁴ஸிதா ஹோதி.

கத²ஞ்ச புக்³க³லோ அனநுவிச்ச அபரியோகா³ஹெத்வா வண்ணாரஹஸ்ஸ
அவண்ணங் பா⁴ஸிதா ஹோதி? இதே⁴கச்சோ புக்³க³லோ ஸுப்படிபன்னானங்
ஸம்மாபடிபன்னானங் பு³த்தா⁴னங் பு³த்தா⁴ஸாவகானங் அவண்ணங்
பா⁴ஸிதா - “து³ப்படிபன்னா” இதிபி, “மிச்சா²படிபன்னா” இதிபீதி. ஏவங் புக்³க³லோ
அனநுவிச்ச அபரியோகா³ஹெத்வா வண்ணாரஹஸ்ஸ அவண்ணங் பா⁴ஸிதா
ஹோதி.

கத²ஞ்ச புக்³க³லோ அனநுவிச்ச அபரியோகா³ஹெத்வா அப்பஸாத³னீயே
டா²னே பஸாத³ங் உபத³ங்ஸிதா ஹோதி? இதே⁴கச்சோ புக்³க³லோ
து³ப்படிபதா³ய மிச்சா²படிபதா³ய பஸாத³ங் ஜனேதி - “ஸுப்படிபதா³” இதிபி ,

“ஸம்மாபடிபதா³” இதிபீதி. ஏவங் புக்³க³லோ அனநுவிச்ச அபரியோகா³ஹெத்வா அப்பஸாத³னீயே டா²னே பஸாத³ங் உபத³ங்ஸிதா ஹோதி.

கத²ஞ்ச புக்³க³லோ அனநுவிச்ச அபரியோகா³ஹெத்வா பஸாத³னீயே டா²னே அப்பஸாத³ங் உபத³ங்ஸிதா ஹோதி? இதே⁴கச்சோ புக்³க³லோ ஸுப்படிபதா³ய ஸம்மாபடிபதா³ய அப்பஸாத³ங் ஜனேதி - “து³ப்படிபதா³” இதிபி, “மிச்சா²படிபதா³” இதிபீதி. ஏவங் புக்³க³லோ அனநுவிச்ச அபரியோகா³ஹெத்வா பஸாத³னீயே டா²னே அப்பஸாத³ங் உபத³ங்ஸிதா ஹோதி.

165. கத²ஞ்ச புக்³க³லோ அனநுவிச்ச பரியோகா³ஹெத்வா அவண்ணாரஹஸ்ஸ அவண்ணங் பா⁴ஸிதா ஹோதி? இதே⁴கச்சோ புக்³க³லோ து³ப்படிபன்னானங் மிச்சா²படிபன்னானங் தித்தி²யானங் தித்தி²யஸாவகானங் அவண்ணங் பா⁴ஸிதி - “து³ப்படிபன்னா” இதிபி, “மிச்சா²படிபன்னா” இதிபீதி. ஏவங் புக்³க³லோ அனநுவிச்ச பரியோகா³ஹெத்வா அவண்ணாரஹஸ்ஸ அவண்ணங் பா⁴ஸிதா ஹோதி.

கத²ஞ்ச புக்³க³லோ அனநுவிச்ச பரியோகா³ஹெத்வா வண்ணாரஹஸ்ஸ வண்ணங் பா⁴ஸிதா ஹோதி? இதே⁴கச்சோ புக்³க³லோ ஸுப்படிபன்னானங் ஸம்மாபடிபன்னானங் புத்த³தா⁴னங் புத்த³த⁴ஸாவகானங் வண்ணங் பா⁴ஸிதி - “ஸுப்படிபன்னா” இதிபி, “ஸம்மாபடிபன்னா” இதிபீதி. ஏவங் புக்³க³லோ அனநுவிச்ச பரியோகா³ஹெத்வா வண்ணாரஹஸ்ஸ வண்ணங் பா⁴ஸிதா ஹோதி.

கத²ஞ்ச புக்³க³லோ அனநுவிச்ச பரியோகா³ஹெத்வா அப்பஸாத³னீயே டா²னே அப்பஸாத³ங் உபத³ங்ஸிதா ஹோதி? இதே⁴கச்சோ புக்³க³லோ து³ப்படிபதா³ய மிச்சா²படிபதா³ய அப்பஸாத³ங் ஜனேதி - “து³ப்படிபதா³” இதிபி, “மிச்சா²படிபதா³” இதிபீதி. ஏவங் புக்³க³லோ அனநுவிச்ச பரியோகா³ஹெத்வா அப்பஸாத³னீயே டா²னே அப்பஸாத³ங் உபத³ங்ஸிதா ஹோதி.

கத²ஞ்ச புக்³க³லோ அனநுவிச்ச பரியோகா³ஹெத்வா பஸாத³னீயே டா²னே பஸாத³ங் உபத³ங்ஸிதா ஹோதி? இதே⁴கச்சோ புக்³க³லோ ஸுப்படிபதா³ய ஸம்மாபடிபதா³ய பஸாத³ங் ஜனேதி - “ஸுப்படிபதா³” இதிபி, “ஸம்மாபடிபதா³” இதிபீதி. ஏவங் புக்³க³லோ அனநுவிச்ச பரியோகா³ஹெத்வா பஸாத³னீயே டா²னே பஸாத³ங் உபத³ங்ஸிதா ஹோதி.

166. கத²ஞ்ச புக்³க³லோ அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன, நோ ச கோ² வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன? இதே⁴கச்சோ புக்³க³லோ வண்ணோபி ஸங்விஜ்ஜதி அவண்ணோபி ஸங்விஜ்ஜதி . யோ தத்த² அவண்ணோ தங் ப⁴ணதி பூ⁴தங் தச்ச²ங் காலேன, யோ தத்த² வண்ணோ தங்

ந ப்⁴ணதி பூ⁴தங் தச்ச²ங் காலேன. ஏவங் புக்³க³லோ அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன, நோ ச கோ² வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன.

கத²ஞ்ச புக்³க³லோ வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன, நோ ச கோ² அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன? இதே⁴கச்சோ புக்³க³லோ வண்ணோபி ஸங்விஜ்ஜதி அவண்ணோபி ஸங்விஜ்ஜதி . யோ தத்த² வண்ணோ தங் ந ப்⁴ணதி பூ⁴தங் தச்ச²ங் காலேன, யோ தத்த² அவண்ணோ தங் ந ப்⁴ணதி பூ⁴தங் தச்ச²ங் காலேன. ஏவங் புக்³க³லோ வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன, நோ ச கோ² அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன.

கத²ஞ்ச புக்³க³லோ அவண்ணாரஹஸ்ஸ ச அவண்ணங் பா⁴ஸிதா ஹோதி பூ⁴தங் தச்ச²ங் காலேன, வண்ணாரஹஸ்ஸ ச வண்ணங் பா⁴ஸிதா ஹோதி பூ⁴தங் தச்ச²ங் காலேன? இதே⁴கச்சோ புக்³க³லோ வண்ணோபி ஸங்விஜ்ஜதி அவண்ணோபி ஸங்விஜ்ஜதி. யோ தத்த² அவண்ணோ தங் ப்⁴ணதி பூ⁴தங் தச்ச²ங் காலேன, யோபி தத்த² வண்ணோ தம்பி ப்⁴ணதி பூ⁴தங் தச்ச²ங் காலேன. தத்ர காலஞ்ஞா ஹோதி தஸ்ஸ பஞ்ஹஸ்ஸ வெய்யாகரணாய. ஏவங் புக்³க³லோ அவண்ணாரஹஸ்ஸ ச அவண்ணங் பா⁴ஸிதா ஹோதி பூ⁴தங் தச்ச²ங் காலேன, வண்ணாரஹஸ்ஸ ச வண்ணங் பா⁴ஸிதா ஹோதி பூ⁴தங் தச்ச²ங் காலேன.

கத²ஞ்ச புக்³க³லோ நேவ அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன, நோபி வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன? இதே⁴கச்சோ புக்³க³லோ வண்ணோபி ஸங்விஜ்ஜதி அவண்ணோபி ஸங்விஜ்ஜதி. யோ தத்த² அவண்ணோ தங் ந ப்⁴ணதி பூ⁴தங் தச்ச²ங் காலேன, யோபி தத்த² வண்ணோ தம்பி ந ப்⁴ணதி பூ⁴தங் தச்ச²ங் காலேன. உபெக்க²கோ விஹரதி ஸதோ ஸம்பஜானோ. ஏவங் புக்³க³லோ நேவ அவண்ணாரஹஸ்ஸ அவண்ணங் பா⁴ஸிதா ஹோதி பூ⁴தங் தச்ச²ங் காலேன, நோபி வண்ணாரஹஸ்ஸ வண்ணங் பா⁴ஸிதா ஹோதி பூ⁴தங் தச்ச²ங் காலேன.

167. கதமோ ச புக்³க³லோ உட்டா²னப²லூபஜீவீ நோ புஞ்ஞப²லூபஜீவீ யஸ்ஸ புக்³க³லஸ்ஸ உட்ட²ஹதோ க⁴டதோ வாயமதோ ஆஜீவோ அபி⁴னிப்³பத்தி, நோ புஞ்ஞதோ - அயங் வச்சதி புக்³க³லோ “உட்டா²னப²லூபஜீவீ, நோ புஞ்ஞப²லூபஜீவீ”.

கதமோ ச புக்³க³லோ புஞ்ஞப²லூபஜீவீ நோ உட்டா²னப²லூபஜீவீ? பரனிம்மிதவஸவத்தீ தே³வே [பரனிம்மிதவஸவத்திதே³வே (ஸ். ஸ்யா.)]

உபாதா³ய ததூபரி தே³வா புஞ்ஞப²லூபஜீவினோ ந உட்டா²னப²லூபஜீவினோ.

கதமோ ச புக்³கலோ உட்டா²னப²லூபஜீவீ ச புஞ்ஞப²லூபஜீவீ ச? யஸ்ஸ புக்³கலஸ்ஸ உட்ட²ஹதோ க⁴டதோ வாயமதோ ஆஜீவோ அபி⁴னிப்³ப்த்ததி புஞ்ஞதோ ச - அயங் வச்சதி புக்³கலோ “உட்டா²னப²லூபஜீவீ ச புஞ்ஞப²லூபஜீவீ ச”.

கதமோ ச புக்³கலோ நேவ உட்டா²னப²லூபஜீவீ நோ புஞ்ஞப²லூபஜீவீ நேரயிகா நேவ உட்டா²னப²லூபஜீவினோ நோ புஞ்ஞப²லூபஜீவினோ.

168. கத²ஞ்ச புக்³கலோ தமோ ஹோதி தமபராயனோ? இதே⁴கச்சோ புக்³கலோ நீசே குலே பச்சாஜாதோ ஹோதி - சண்டா³லகுலே வா நேஸாத³குலே வா வேனகுலே [வேணகுலே (ஸீ. ஸ்யா.)] வா ரத²காரகுலே வா புக்குஸகுலே வா த³லித்³தே³ [த³ளித்³தே³ (ஸீ.) பஸ்ஸ அங்குத்தரனிகாயே] அப்பன்னபானபோ⁴ஜனே கஸிரவுத்திகே, யத்த² கஸிரேன கா⁴ஸச்சா²தோ³ லப்³ப⁴தி. ஸோ ச ஹோதி து³ப்³பண்ணோ து³த்³த³ஸிகோ ஓகோடிமகோ ப³ஹ்வாபா³தோ⁴ காணோ வா குணீ வா க²ஞ்ஜோ வா பக்க²ஹதோ வா, ந லாபீ⁴ அன்னஸ்ஸ பானஸ்ஸ வத்த²ஸ்ஸ யானஸ்ஸ மாலாக³ந்த⁴விலேபனஸ்ஸ ஸெய்யாவஸத²பதீ³பெய்யஸ்ஸ. ஸோ காயேன து³ச்சரிதங் சரதி, வாசாய து³ச்சரிதங் சரதி, மனஸா து³ச்சரிதங் சரதி. ஸோ காயேன து³ச்சரிதங் சரித்வா வாசாய து³ச்சரிதங் சரித்வா மனஸா து³ச்சரிதங் சரித்வா காயஸ்ஸ பே⁴தா³ பரங் மரணா அபாயங் து³க்³கதிங் வினிபாதங் நிரயங் உபபஜ்ஜதி. ஏவங் புக்³கலோ தமோ ஹோதி தமபராயனோ.

கத²ஞ்ச புக்³கலோ தமோ ஹோதி ஜோதிபராயனோ? இதே⁴கச்சோ புக்³கலோ நீசே குலே பச்சாஜாதோ ஹோதி - சண்டா³லகுலே வா நேஸாத³குலே வா வேனகுலே வா ரத²காரகுலே வா புக்குஸகுலே வா த³லித்³தே³ அப்பன்னபானபோ⁴ஜனே கஸிரவுத்திகே, யத்த² கஸிரேன கா⁴ஸச்சா²தோ³ லப்³ப⁴தி. ஸோ ச ஹோதி து³ப்³பண்ணோ து³த்³த³ஸிகோ ஓகோடிமகோ ப³ஹ்வாபா³தோ⁴ காணோ வா குணீ வா க²ஞ்ஜோ வா பக்க²ஹதோ வா, ந லாபீ⁴ அன்னஸ்ஸ பானஸ்ஸ வத்த²ஸ்ஸ யானஸ்ஸ மாலாக³ந்த⁴விலேபனஸ்ஸ ஸெய்யாவஸத²பதீ³பெய்யஸ்ஸ. ஸோ காயேன ஸுசரிதங் சரதி, வாசாய ஸுசரிதங் சரதி, மனஸா ஸுசரிதங் சரதி. ஸோ காயேன ஸுசரிதங் சரித்வா வாசாய ஸுசரிதங் சரித்வா மனஸா ஸுசரிதங் சரித்வா காயஸ்ஸ பே⁴தா³ பரங் மரணா ஸுக்³திங் ஸக்³கங் லோகங் உபபஜ்ஜதி. ஏவங் புக்³கலோ தமோ ஹோதி ஜோதிபராயனோ.

கத²ஞ்ச புக்³கலோ ஜோதி ஹோதி தமபராயனோ? இதே⁴கச்சோ புக்³கலோ உச்சே குலே பச்சாஜாதோ ஹோதி - க²த்தியமஹாஸாலகுலே வா ப்³ராஹ்மணமஹாஸாலகுலே வா க³ஹபதிமஹாஸாலகுலே வா அட்³டே⁴

மஹத்⁴னே மஹாபோ⁴கே³ பஹுதஜாதருபரஜதே பஹுதவித்துபகரணே பஹுதத்⁴னத்⁴ஞ்ஞே. ஸோ ச ஹோதி அபி⁴ருபோ த்³ஸ்ஸனீயோ பாஸாதி³கோ பரமாய வண்ணபொக்க²ரதாய ஸமன்னாக³தோ, லாபீ⁴ அன்னஸ்ஸ பானஸ்ஸ வத்த²ஸ்ஸ யானஸ்ஸ மாலாக³ந்த⁴விலேபனஸ்ஸ ஸெய்யாவஸத²பதீ³பெய்யஸ்ஸ. ஸோ காயேன து³ச்சரிதங் சரதி, வாசாய து³ச்சரிதங் சரதி, மனஸா து³ச்சரிதங் சரதி. ஸோ காயேன து³ச்சரிதங் சரித்வா வாசாய து³ச்சரிதங் சரித்வா மனஸா து³ச்சரிதங் சரித்வா காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபஜ்ஜதி. ஏவங் புக்க³லோ ஜோதி ஹோதி தமபராயனோ.

கத²ஞ்ச புக்க³லோ ஜோதி ஹோதி ஜோதிபராயனோ? இதே⁴கச்சோ புக்க³லோ உச்சே குலே பச்சாஜாதோ ஹோதி - க²த்தியமஹாஸாலகுலே வா ப்³ராஹ்மணமஹாஸாலகுலே வா க³ஹபதிமஹாஸாலகுலே வா அட்³டே⁴ மஹத்⁴னே மஹாபோ⁴கே³ பஹுதஜாதருபரஜதே பஹுதவித்துபகரணே பஹுதத்⁴னத்⁴ஞ்ஞே. ஸோ ச ஹோதி அபி⁴ருபோ த்³ஸ்ஸனீயோ பாஸாதி³கோ பரமாய வண்ணபொக்க²ரதாய ஸமன்னாக³தோ, லாபீ⁴ அன்னஸ்ஸ பானஸ்ஸ வத்த²ஸ்ஸ யானஸ்ஸ மாலாக³ந்த⁴விலேபனஸ்ஸ ஸெய்யாவஸத²பதீ³பெய்யஸ்ஸ. ஸோ காயேன ஸுசரிதங் சரதி, வாசாய ஸுசரிதங் சரதி, மனஸா ஸுசரிதங் சரதி. ஸோ காயேன ஸுசரிதங் சரித்வா வாசாய ஸுசரிதங் சரித்வா மனஸா ஸுசரிதங் சரித்வா காயஸ்ஸ பே⁴தா³ பரங் மரணா ஸுக்க³திங் ஸக்க³ங் லோகங் உபபஜ்ஜதி. ஏவங் புக்க³லோ ஜோதி ஹோதி ஜோதிபராயனோ.

169. கத²ஞ்ச புக்க³லோ ஓணதோணதோ ஹோதி...பே... ஏவங் புக்க³லோ ஓணதோணதோ ஹோதி.

கத²ஞ்ச புக்க³லோ ஓணதுண்ணதோ ஹோதி...பே... ஏவங் புக்க³லோ ஓணதுண்ணதோ ஹோதி.

கத²ஞ்ச புக்க³லோ உண்ணதோணதோ ஹோதி...பே... ஏவங் புக்க³லோ உண்ணதோணதோ ஹோதி.

கத²ஞ்ச புக்க³லோ உண்ணதுண்ணதோ ஹோதி...பே... ஏவங் புக்க³லோ உண்ணதுண்ணதோ ஹோதி.

170. தத்த² கதமே சத்தாரோ ருக்க²பமா புக்க³லா? சத்தாரோ ருக்கா² - பெ²க்³கு³ ஸாரபரிவாரோ, ஸாரோ பெ²க்³கு³பரிவாரோ, பெ²க்³கு³ பெ²க்³கு³பரிவாரோ, ஸாரோ ஸாரபரிவாரோ. ஏவமேவங் சத்தாரோமே ருக்க²பமா புக்க³லா ஸந்தோ ஸங்விஜ்ஜமானா லோகஸ்மிங். கதமே

சத்தாரோ? பெ²க்³கு³ ஸாரபரிவாரோ, ஸாரோ பெ²க்³கு³பரிவாரோ, பெ²க்³கு³ பெ²க்³கு³பரிவாரோ, ஸாரோ ஸாரபரிவாரோ.

கத²ஞ்ச புக்³க³லோ பெ²க்³கு³ ஹோதி ஸாரபரிவாரோ? இதே⁴கச்சோ புக்³க³லோ து³ஸ்ஸீலோ ஹோதி பாபத⁴ம்மோ, பரிஸா ச க்²வஸ்ஸ ஹோதி ஸீலவதீ கல்யாணத⁴ம்மா. ஏவங் புக்³க³லோ பெ²க்³கு³ ஹோதி ஸாரபரிவாரோ. ஸெய்யதா²பி ஸோ ருக்கோ² பெ²க்³கு³ ஸாரபரிவாரோ, ததூ²பமோ அயங் புக்³க³லோ.

கத²ஞ்ச புக்³க³லோ ஸாரோ ஹோதி பெ²க்³கு³பரிவாரோ? இதே⁴கச்சோ புக்³க³லோ ஸீலவா ஹோதி கல்யாணத⁴ம்மோ, பரிஸா ச க்²வஸ்ஸ ஹோதி து³ஸ்ஸீலா பாபத⁴ம்மா. ஏவங் புக்³க³லோ ஸாரோ ஹோதி பெ²க்³கு³பரிவாரோ. ஸெய்யதா²பி ஸோ ருக்கோ² ஸாரோ பெ²க்³கு³பரிவாரோ, ததூ²பமோ அயங் புக்³க³லோ.

கத²ஞ்ச புக்³க³லோ பெ²க்³கு³ ஹோதி பெ²க்³கு³பரிவாரோ? இதே⁴கச்சோ புக்³க³லோ து³ஸ்ஸீலோ ஹோதி பாபத⁴ம்மோ, பரிஸாபிஸ்ஸ ஹோதி து³ஸ்ஸீலா பாபத⁴ம்மா. ஏவங் புக்³க³லோ பெ²க்³கு³ ஹோதி பெ²க்³கு³பரிவாரோ. ஸெய்யதா²பி ஸோ ருக்கோ² பெ²க்³கு³ பெ²க்³கு³பரிவாரோ, ததூ²பமோ அயங் புக்³க³லோ.

கத²ஞ்ச புக்³க³லோ ஸாரோ ஹோதி ஸாரபரிவாரோ? இதே⁴கச்சோ புக்³க³லோ ஸீலவா ஹோதி கல்யாணத⁴ம்மோ, பரிஸாபிஸ்ஸ ஹோதி ஸீலவதீ கல்யாணத⁴ம்மா. ஏவங் புக்³க³லோ ஸாரோ ஹோதி ஸாரபரிவாரோ. ஸெய்யதா²பி ஸோ ருக்கோ² ஸாரோ ஸாரபரிவாரோ, ததூ²பமோ அயங் புக்³க³லோ. இமே சத்தாரோ ருக்கூ²பமா புக்³க³லா ஸந்தோ ஸங்விஜ்ஜமானா லோகஸ்மிங்.

171. கதமோ ச புக்³க³லோ ரூபப்பமானோ ரூபப்பஸன்னோ? இதே⁴கச்சோ புக்³க³லோ ஆரோஹங் வா பஸ்ஸித்வா பரிணாஹங் வா பஸ்ஸித்வா ஸண்டா²னங் வா பஸ்ஸித்வா பாரிபூரிங் வா பஸ்ஸித்வா தத்த² பமாணங் க்³ஹெத்வா பஸாத³ங் ஜனேதி. அயங் வுச்சதி புக்³க³லோ ரூபப்பமானோ ரூபப்பஸன்னோ.

கதமோ ச புக்³க³லோ கோ⁴ஸப்பமானோ கோ⁴ஸப்பஸன்னோ? இதே⁴கச்சோ புக்³க³லோ பரவண்ணனாய பரதோ²மனாய பரபஸங்ஸனாய பரவண்ணஹாரிகாய [\[பரவண்ணஹாரியா \(ஸீ.\)\]](#) தத்த² பமாணங் க்³ஹெத்வா பஸாத³ங் ஜனேதி. அயங் வுச்சதி புக்³க³லோ கோ⁴ஸப்பமானோ கோ⁴ஸப்பஸன்னோ.

172. கதமோ ச புக்³க³லோ லூக²ப்பமானோ லூக²ப்பஸன்னோ?
இதே⁴கச்சோ புக்³க³லோ சீவரலூக²ங் வா பஸ்ஸித்வா பத்தலூக²ங் வா
பஸ்ஸித்வா ஸேனாஸனலூக²ங் வா பஸ்ஸித்வா விவித⁴ங் வா
து³க்கரகாரிகங் பஸ்ஸித்வா தத்த² பமாணங் க³ஹெத்வா பஸாத³ங் ஜனேதி.
அயங் வுச்சதி புக்³க³லோ லூக²ப்பமானோ லூக²ப்பஸன்னோ.

கதமோ ச புக்³க³லோ த⁴ம்மப்பமானோ த⁴ம்மப்பஸன்னோ?
இதே⁴கச்சோ புக்³க³லோ ஸீலங் வா பஸ்ஸித்வா ஸமாதி⁴ங் வா
பஸ்ஸித்வா பஞ்ஞங் வா பஸ்ஸித்வா தத்த² பமாணங் க³ஹெத்வா பஸாத³ங்
ஜனேதி. அயங் வுச்சதி புக்³க³லோ த⁴ம்மப்பமானோ த⁴ம்மப்பஸன்னோ.

173. கத²ஞ்ச புக்³க³லோ அத்தஹிதாய படிபன்னோ ஹோதி நோ பரஹிதாய?
இதே⁴கச்சோ புக்³க³லோ அத்தனா ஸீலஸம்பன்னோ ஹோதி, நோ பரங்
ஸீலஸம்பதாய ஸமாத³பேதி; அத்தனா ஸமாதி⁴ஸம்பன்னோ ஹோதி, நோ
பரங் ஸமாதி⁴ஸம்பதாய ஸமாத³பேதி; அத்தனா பஞ்ஞாஸம்பன்னோ ஹோதி,
நோ பரங் பஞ்ஞாஸம்பதாய ஸமாத³பேதி; அத்தனா விமுத்திஸம்பன்னோ
ஹோதி, நோ பரங் விமுத்திஸம்பதாய ஸமாத³பேதி; அத்தனா
விமுத்திஞாணத³ஸ்ஸனஸம்பன்னோ ஹோதி, நோ பரங்
விமுத்திஞாணத³ஸ்ஸனஸம்பதாய ஸமாத³பேதி. ஏவங் புக்³க³லோ
அத்தஹிதாய படிபன்னோ ஹோதி நோ பரஹிதாய.

கத²ஞ்ச புக்³க³லோ பரஹிதாய படிபன்னோ ஹோதி நோ அத்தஹிதாய?
இதே⁴கச்சோ புக்³க³லோ அத்தனா ந ஸீலஸம்பன்னோ ஹோதி, பரங்
ஸீலஸம்பதாய ஸமாத³பேதி; அத்தனா ந ஸமாதி⁴ஸம்பன்னோ ஹோதி,
பரங் ஸமாதி⁴ஸம்பதாய ஸமாத³பேதி; அத்தனா ந பஞ்ஞாஸம்பன்னோ
ஹோதி, பரங் பஞ்ஞாஸம்பதாய ஸமாத³பேதி; அத்தனா ந
விமுத்திஸம்பன்னோ ஹோதி, பரங் விமுத்திஸம்பதாய ஸமாத³பேதி;
அத்தனா ந விமுத்திஞாணத³ஸ்ஸனஸம்பன்னோ ஹோதி, பரங்
விமுத்திஞாணத³ஸ்ஸனஸம்பதாய ஸமாத³பேதி. ஏவங் புக்³க³லோ பரஹிதாய
படிபன்னோ ஹோதி நோ அத்தஹிதாய.

கத²ஞ்ச புக்³க³லோ அத்தஹிதாய சேவ படிபன்னோ ஹோதி பரஹிதாய ச?
இதே⁴கச்சோ புக்³க³லோ அத்தனா ச ஸீலஸம்பன்னோ ஹோதி, பரஞ்ச
ஸீலஸம்பதாய ஸமாத³பேதி; அத்தனா ச ஸமாதி⁴ஸம்பன்னோ ஹோதி,
பரஞ்ச ஸமாதி⁴ஸம்பதாய ஸமாத³பேதி; அத்தனா ச பஞ்ஞாஸம்பன்னோ
ஹோதி, பரஞ்ச பஞ்ஞாஸம்பதாய ஸமாத³பேதி; அத்தனா ச
விமுத்திஸம்பன்னோ ஹோதி, பரஞ்ச விமுத்திஸம்பதாய ஸமாத³பேதி;
அத்தனா ச விமுத்திஞாணத³ஸ்ஸனஸம்பன்னோ ஹோதி, பரஞ்ச

விமுத்திஞாணத³ஸ்ஸனஸம்பதா³ய ஸமாத³பேதி. ஏவங் புக்³க³லோ
அத்தஹிதாய சேவ படிபன்னோ ஹோதி பரஹிதாய ச.

கத²ஞ்ச புக்³க³லோ நேவ அத்தஹிதாய படிபன்னோ ஹோதி நோ
பரஹிதாய? இதே⁴கச்சோ புக்³க³லோ அத்தனா ந ஸீலஸம்பன்னோ ஹோதி,
நோ பரங் ஸீலஸம்பதா³ய ஸமாத³பேதி; அத்தனா ந ஸமாதி⁴ஸம்பன்னோ
ஹோதி, நோ பரங் ஸமாதி⁴ஸம்பதா³ய ஸமாத³பேதி; அத்தனா ந
பஞ்ஞாஸம்பன்னோ ஹோதி, நோ பரங் பஞ்ஞாஸம்பதா³ய ஸமாத³பேதி;
அத்தனா ந விமுத்திஸம்பன்னோ ஹோதி, நோ பரங் விமுத்திஸம்பதா³ய
ஸமாத³பேதி; அத்தனா ந விமுத்திஞாணத³ஸ்ஸனஸம்பன்னோ ஹோதி, நோ
பரங் விமுத்திஞாணத³ஸ்ஸனஸம்பதா³ய ஸமாத³பேதி. ஏவங் புக்³க³லோ நேவ
அத்தஹிதாய படிபன்னோ ஹோதி நோ பரஹிதாய.

174. கத²ஞ்ச புக்³க³லோ அத்தந்தபோ ஹோதி
அத்தபரிதாபனானுயோக³மனுயுத்தோ? இதே⁴கச்சோ புக்³க³லோ அசேலகோ
ஹோதி முத்தாசாரோ ஹத்தா²பலேக²னோ [\[ஹத்தா²வலேக²னோ \(ஸ்யா.\)\]](#),
நஏஹிப⁴த³த³ந்திகோ நதிட்ட²ப⁴த³த³ந்திகோ நாபி⁴ஹடங் ந உத்³தி³ஸ்ஸகதங்
ந நிமந்தனங் ஸாதி³யதி, ஸோ ந கும்பி⁴முகா² படிக்க³ண்ணஹாதி ந
களோபிமுகா² [\[கலோபிமுகா² \(ஸீ. ஸ்யா.\) ம. நி. 2.7\]](#) படிக்க³ண்ணஹாதி, ந
ஏளகமந்தரங் ந த³ண்ட³மந்தரங் ந முஸலமந்தரங் ந த³வின்னங்
பு⁴ஞ்ஜமானானங் ந க³பி⁴னியா ந பாயமானாய ந புரிஸந்தரக³தாய, ந
ஸங்கித்தீஸு ந யத்த² ஸா உபட்டி²தோ ஹோதி ந யத்த² மக்கி²கா
ஸண்ட³ஸண்ட³சாரினீ, ந மச்சங் ந மங்ஸங் ந ஸுரங் ந மேரயங் ந
து²ஸோத³கங் பிவதி. ஸோ ஏகாகா³ரிகோ வா ஹோதி ஏகாலோபிகோ,
த்³வாகா³ரிகோ வா ஹோதி த்³வாலோபிகோ...பே... ஸத்தாகா³ரிகோ வா ஹோதி
ஸத்தாலோபிகோ; ஏகிஸ்ஸாபி த்³த்தியா யாபேதி, த்³வீஹிபி த்³த்தீஹி யாபேதி...
பே... ஸத்தஹிபி த்³த்தீஹி யாபேதி; ஏகாஹிகம்பி ஆஹாரங் ஆஹாரேதி,
த்³வீஹிகம்பி [\[த்³வாஹிகம்பி \(ஸீ.\)\]](#) ஆஹாரங் ஆஹாரேதி...பே... ஸத்தாஹிகம்பி
ஆஹாரங் ஆஹாரேதி. இதி ஏவருபங் அட்³ட⁴மாஸிகம்பி
பரியாயப⁴த்தபோ⁴ஜனானுயோக³மனுயுத்தோ விஹரதி. ஸோ ஸாகப⁴க்கோ²
வா ஹோதி ஸாமாகப⁴க்கோ² வா ஹோதி நீவாரப⁴க்கோ² வா ஹோதி
த³த³து³லப⁴க்கோ² வா ஹோதி ஹடப⁴க்கோ² வா ஹோதி கணப⁴க்கோ² வா
ஹோதி ஆசாமப⁴க்கோ² வா ஹோதி பிஞ்ஞாகப⁴க்கோ² வா ஹோதி
திணப⁴க்கோ² வா ஹோதி கோ³மயப⁴க்கோ² வா ஹோதி,
வனமுலப²லாஹாரோ யாபேதி பவத்தப²லபோ⁴ஜீ. ஸோ ஸாணானிபி
தா⁴ரேதி மஸாணானிபி தா⁴ரேதி ச²வது³ஸ்ஸானிபி தா⁴ரேதி
பங்ஸுகூலானிபி தா⁴ரேதி திரீடானிபி தா⁴ரேதி அஜினம்பி தா⁴ரேதி
அஜினக்கி²பம்பி தா⁴ரேதி குஸசீரம்பி தா⁴ரேதி வாகசீரம்பி தா⁴ரேதி

ப²லகசீரம்பி தா்⁴ரேதி கேஸகம்ப³லம்பி தா்⁴ரேதி வாளகம்ப³லம்பி தா்⁴ரேதி
 உலூகபக்க²ம்பி [உலூகபக்க²ம்பி (ஸீ. ஸ்யா.)] தா்⁴ரேதி,
 கேஸமஸ்ஸுலோசகோபி ஹோதி
 கேஸமஸ்ஸுலோசனானுயோக³மனுயுத்தோ, உப்³ப⁴ட்ட²கோபி ஹோதி
 ஆஸனபடிக்கி²த்தோ, உக்குடிகோபி ஹோதி உக்குடிகப்பதா்⁴னமனுயுத்தோ,
 கண்டகாபஸ்ஸயிகோபி ஹோதி கண்டகாபஸ்ஸயே ஸெய்யங் கப்பேதி,
 ஸாயத்தியகம்பி [ஸாயந்ததியகம்பி (ஸ்யா. க.) ம. நி. 2.7]
 உத³கோரோஹனானுயோக³மனுயுத்தோ விஹரதி. இதி ஏவருபங்
 அனேகவிஹிதங் காயஸ்ஸ ஆதாபனபரிதாபனானுயோக³மனுயுத்தோ விஹரதி
 . ஏவங் புக³க³லோ அத்தந்தபோ ஹோதி அத்தபரிதாபனானுயோக³மனுயுத்தோ.

175. கத²ஞ்ச புக³க³லோ பரந்தபோ ஹோதி
 பரபரிதாபனானுயோக³மனுயுத்தோ? இதே⁴கச்சோ புக³க³லோ ஓரப்³பி⁴கோ
 ஹோதி ஸுகரிகோ ஸாகுணிகோ மாக³விகோ லுத்³தோ³ மச்ச²கா்⁴தகோ
 சோரோ சோரகா்⁴தகோ கோ³கா்⁴தகோ ப்³ந்த⁴னாகா³ரிகோ, யே வா
 பனஞ்ஞேபி கேசி குருரகம்மந்தா. ஏவங் புக³க³லோ பரந்தபோ ஹோதி
 பரபரிதாபனானுயோக³மனுயுத்தோ.

176. கத²ஞ்ச புக³க³லோ அத்தந்தபோ ச ஹோதி
 அத்தபரிதாபனானுயோக³மனுயுத்தோ, பரந்தபோ ச
 பரபரிதாபனானுயோக³மனுயுத்தோ? இதே⁴கச்சோ புக³க³லோ ராஜா வா ஹோதி
 க²த்தியோ முத்³தா்⁴வஸித்தோ [முத்³தா்⁴பி⁴ஸித்தோ (ஸ்யா. க.)]
 ப்³ராஹ்மணோ வா மஹாஸாலோ. ஸோ புரத்தி²மேன நரஸ்ஸ நவங்
 ஸந்தா்⁴கா³ரங் [ஸந்தாகா³ரங் (ஸ்யா.), யஞ்ஞாகா³ரங் (ஸீ.)] காராபெத்வா
 கேஸமஸ்ஸுங் ஓஹாரெத்வா க²ராஜினங் [கு²ராஜினங் (ஸ்யா. க.)]
 நிவாஸெத்வா ஸப்பிதேலேன காயங் அப்³ப⁴ஞ்ஜித்வா மிக³விஸாணேன
 பிட்டி²ங் கண்டு³வமானோ [கண்டு³யமானோ (ஸீ.)] ஸந்தா்⁴கா³ரங் பவிஸதி
 ஸத்³தி⁴ங் மஹேஸியா ப்³ராஹ்மணேன ச புரோஹிதேன. ஸோ தத்த²
 அனந்தரஹிதாய பூ⁴மியா ஹரிதுபலித்தாய ஸெய்யங் கப்பேதி. ஏகிஸ்ஸா
 கா³வியா ஸருபவச்சா²ய யங் ஏகஸ்மிங் த²னே கீ²ரங் ஹோதி தேன ராஜா
 யாபேதி, யங் து³தியஸ்மிங் த²னே கீ²ரங் ஹோதி தேன மஹேஸீ யாபேதி, யங்
 ததியஸ்மிங் த²னே கீ²ரங் ஹோதி தேன ப்³ராஹ்மணோ புரோஹிதோ யாபேதி,
 யங் சதுத்த²ஸ்மிங் த²னே கீ²ரங் ஹோதி தேன அக்³கி³ங் ஜஹதி,
 அவஸேஸேன வச்ச²கோ யாபேதி. ஸோ ஏவமாஹ - “எத்தகா உஸபா்⁴
 ஹஞ்ஞந்து யஞ்ஞத்தா²ய, எத்தகா வச்ச²தரா ஹஞ்ஞந்து யஞ்ஞத்தா²ய, எத்தகா
 வச்ச²தரியோ ஹஞ்ஞந்து யஞ்ஞத்தா²ய, எத்தகா அஜா ஹஞ்ஞந்து
 யஞ்ஞத்தா²ய, எத்தகா உரப்³பா்⁴ ஹஞ்ஞந்து யஞ்ஞத்தா²ய, (எத்தகா அஸ்ஸா
 ஹஞ்ஞந்து யஞ்ஞத்தா²ய) [() நத்தி² ஸீஹளபொத்த²கே. மஜ்ஜி²மனிகாயே

கந்த³ரகஸுத்தேபி ஏவமேவ¹ எத்தகா ருக்கா² சி²ஜ்ஜந்து யூபத்தா²ய, எத்தகா த³ப்பா⁴ லூயந்து ப³ரிஹிஸத்தா²யா¹தி [பரிஹிங்ஸத்தா²யாதி (ஸீ. ஸ்யா. க.) ம. நி. 2.9]. யேபிஸ்ஸ தே ஹொந்தி தா³ஸாதி வா பெஸ்ஸாதி வா கம்மகராதி வா, தேபி த³ண்ட³தஜ்ஜிதா ப⁴யதஜ்ஜிதா அஸ்ஸுமுகா² ருத³மானா பரிகம்மானி கரொந்தி. ஏவங் புக்³கலோ அத்தந்தபோ ச ஹொதி அத்தபரிதாபனானுயோக³மனுயுத்தோ, பரந்தபோ ச பரபரிதாபனானுயோக³மனுயுத்தோ.

177. கத²ஞ்ச புக்³கலோ நேவ அத்தந்தபோ ச ஹொதி ந அத்தபரிதாபனானுயோக³மனுயுத்தோ, ந பரந்தபோ ந பரபரிதாபனானுயோக³மனுயுத்தோ? ஸோ அனத்தந்தபோ அபரந்தபோ தி³ட்டே²வ த⁴ம்மே நிச்சா²தோ நிப்பு³தோ ஸீதீபு⁴தோ ஸுக²ப்படிஸங்வேதீ³ ப்ரஹ்மபு⁴தேன அத்தனா விஹரதி.

இத⁴ ததா²க³தோ லோகே உப்பஜ்ஜதி அரஹங் ஸம்மாஸம்புத்தோ⁴ விஜ்ஜாசரணஸம்பன்னோ ஸுக³தோ லோகவிதூ³ அனுத்தரோ புரிஸத³ம்மஸாரதி² ஸத்தா² தே³வமனுஸ்ஸானங் புத்தோ⁴ ப⁴க³வா. ஸோ இமங் லோகங் ஸதே³வகங் ஸமாரகங் ஸப்³ரஹ்மகங் ஸஸ்ஸமணப்³ராஹ்மணிங் பஜங் ஸதே³வமனுஸ்ஸங் ஸயங் அபி⁴ஞ்ஞா ஸச்சிகத்வா பவேதே³தி. ஸோ த⁴ம்மங் தே³ஸேதி ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங் ஸப்யஞ்ஜனங், கேவலபரிபுண்ணங் பரிஸுத்³த⁴ங் ப்ரஹ்மசரியங் பகாஸேதி. தங் த⁴ம்மங் ஸுணாதி க³ஹபதி வா க³ஹபதிபுத்தோ வா அஞ்ஞதரஸ்மிங் வா குலே பச்சாஜாதோ . ஸோ தங் த⁴ம்மங் ஸுத்வா ததா²க³தே ஸத்³த⁴ங் படிஸப⁴தி. ஸோ தேன ஸத்³தா⁴படிஸபே⁴ன ஸமன்னாக³தோ இதி படிஸஞ்சிக்க²தி - “ஸம்பா³தோ⁴ க⁴ராவாஸோ ரஜாபதோ², அப்போ⁴காஸோ பப்ப³ஜ்ஜா. நயித³ங் ஸுகரங் அகா³ரங் அஜ்ஜா²வஸதா ஏகந்தபரிபுண்ணங் ஏகந்தபரிஸுத்³த⁴ங் ஸங்க²லிகி²தங் ப்ரஹ்மசரியங் சரிதுங். யங்நூனாஹங் கேஸமஸ்ஸங் ஓஹாரெத்வா காஸாயானி வத்தா²னி அச்சா²தேத்வா அகா³ரஸ்மா அனகா³ரியங் பப்ப³ஜெய்ய²ந்தி! ஸோ அபரேன ஸமயேன அப்பங் வா போ⁴க³க்க²ந்த⁴ங் பஹாய மஹந்தங் வா போ⁴க³க்க²ந்த⁴ங் பஹாய அப்பங் வா ஞாதிபரிவட்டங் பஹாய மஹந்தங் வா ஞாதிபரிவட்டங் பஹாய கேஸமஸ்ஸங் ஓஹாரெத்வா காஸாயானி வத்தா²னி அச்சா²தேத்வா அகா³ரஸ்மா அனகா³ரியங் பப்ப³ஜதி.

178. ஸோ ஏவங் பப்ப³ஜிதோ ஸமானோ பி⁴க்க²னங் ஸிக்கா²ஸாஜீவஸமாபன்னோ பாணாதிபாதங் பஹாய பாணாதிபாதா படிவிரதோ ஹொதி நிஹிதத³ண்டோ³ நிஹிதஸத்தோ² லஜ்ஜீ த³யாபன்னோ ஸப்ப³பாணபு⁴தஹிதானுகம்பீ விஹரதி.

அதி³ன்னாதா³னங் பஹாய அதி³ன்னாதா³னா படிவிரதோ ஹோதி
தி³ன்னாதா³யீ தி³ன்னபாடிகங்கீ², அதே²னேன ஸுசிபூ⁴தேன அத்தனா விஹரதி.

அப்³ரஹ்மசரியங் பஹாய ப்³ரஹ்மசாரீ ஹோதி ஆராசாரீ [அனாசாரீ (க.)]
படிவிரதோ மேது²னா கா³மத⁴ம்மா.

முஸாவாத³ங் பஹாய முஸாவாதா³ படிவிரதோ ஹோதி ஸச்சவாதீ³
ஸச்சஸந்தோ⁴ தே²தோ பச்சயிகோ அவிஸங்வாத³கோ லோகஸ்ஸ.

பிஸுணங் வாசங் பஹாய பிஸுணாய வாசாய படிவிரதோ ஹோதி, இதோ
ஸுத்வா ந அமுத்ர அக்கா²தா இமேஸங் பே⁴தா³ய, அமுத்ர வா ஸுத்வா ந
இமேஸங் அக்கா²தா அமுஸங் பே⁴தா³ய. இதி பி⁴ன்னானங் வா ஸந்தா⁴தா
ஸஹிதானங் வா அனுப்பதா³தா ஸமக்³கா³ராமோ ஸமக்³க³ரதோ ஸமக்³க³னந்தீ³
ஸமக்³க³ரணிங் வாசங் பா⁴ஸிதா ஹோதி.

ப²ருஸங் வாசங் பஹாய ப²ருஸாய வாசாய படிவிரதோ ஹோதி. யா ஸா
வாசா நேலா கண்ணஸுகா² பேமனீயா ஹத³யங்க³மா போரீ ப்³ஹுஜனகந்தா
ப்³ஹுஜனமனாபா ததா²ருபிங் வாசங் பா⁴ஸிதா ஹோதி.

ஸம்ப²ப்பலாபங் பஹாய ஸம்ப²ப்பலாபா படிவிரதோ ஹோதி, காலவாதீ³
பூ⁴தவாதீ³ அத்த²வாதீ³ த⁴ம்மவாதீ³ வினயவாதீ³ நிதா⁴னவதிங் வாசங்
பா⁴ஸிதா காலேன ஸாபதே³ஸங் பரியந்தவதிங் அத்த²ஸங்ஹிதங்.

179. ஸோ பீ³ஜகா³மபூ⁴தகா³மஸமாரம்பா⁴ படிவிரதோ ஹோதி,
ஏகப⁴த்திகோ ஹோதி ரத்துபரதோ விரதோ விகாலபோ⁴ஜனா,
நச்சகீ³தவாதி³தவிஸுகத³ஸ்ஸனா படிவிரதோ ஹோதி,
மாலாகந்த⁴விலேபனதா⁴ரணமண்ட³னவிபூ⁴ஸனட்டா²னா படிவிரதோ
ஹோதி, உச்சாஸயனமஹாஸயனா படிவிரதோ ஹோதி,
ஜாதருபரஜதபடிக்க³ஹணா படிவிரதோ ஹோதி.

ஆமகத⁴ஞ்ஞபடிக்க³ஹணா படிவிரதோ ஹோதி,
ஆமகமங்ஸபடிக்க³ஹணா படிவிரதோ ஹோதி, இத்தி²குமாரிகாபடிக்க³ஹணா
படிவிரதோ ஹோதி, தா³ஸிதா³ஸபடிக்க³ஹணா படிவிரதோ ஹோதி,
அஜேளகபடிக்க³ஹணா படிவிரதோ ஹோதி, குக்குடஸுகரபடிக்க³ஹணா
படிவிரதோ ஹோதி, ஹத்தி²க³வாஸ்ஸவளவபடிக்க³ஹணா படிவிரதோ
ஹோதி, கெ²த்தவத்து²படிக்க³ஹணா படிவிரதோ ஹோதி,
தூ³தெய்யபஹிணக³மனானுயோகா³ படிவிரதோ ஹோதி, கயவிக்கயா
படிவிரதோ ஹோதி, துலாகூடகங்ஸகூடமானகூடா படிவிரதோ ஹோதி,
உக்கோடனவஞ்சனநிகதிஸாசியோகா³ [... ஸாவியோகா³ (ஸ்யா. க.)] படிவிரதோ

ஹோதி, சே²த³னவத⁴ப³ந்த⁴னவிபராமோஸஆலோபஸஹஸாகாரா
படிவிரதோ ஹோதி.

180. ஸோ ஸந்துட்⁴டோ² ஹோதி காயபரிஹாரிகேன சீவரேன
குச்சி²பரிஹாரிகேன பிண்ட³பாதேன. ஸோ யேன யேனேவ பக்கமதி
ஸமாதா³யேவ பக்கமதி, ஸெய்யதா²பி நாம பக்கீ² ஸகுணோ யேன யேனேவ
டே³தி ஸபத்தபா⁴ரோவ டே³தி. ஏவமேவங் பி⁴க்கு² ஸந்துட்⁴டோ² ஹோதி
காயபரிஹாரிகேன சீவரேன குச்சி²பரிஹாரிகேன பிண்ட³பாதேன. ஸோ யேன
யேனேவ பக்கமதி ஸமாதா³யேவ பக்கமதி. ஸோ இமினா அரியேன
ஸீலக்க²ந்தே⁴ன ஸமன்னாக³தோ அஜ்ஜ²த்தங் அனவஜ்ஜஸுக²ங்
படிஸங்வேதே³தி.

181. ஸோ சக்கு²னா ரூபங் தி³ஸ்வா ந நிமித்தக்³கா³ஹீ ஹோதி
நானுப்³யஞ்ஜனக்³கா³ஹீ. யத்வாதி⁴கரணமேனங் சக்கு²ந்த³ரியங் அஸங்வுதங்
விஹரந்தங் அபி⁴ஜ்ஜா²தோ³மனஸ்ஸா பாபகா அகுஸலா த⁴ம்மா
அன்வாஸ்ஸவெய்யுங், தஸ்ஸ ஸங்வராய படிபஜ்ஜதி, ரக்க²தி சக்கு²ந்த³ரியங்,
சக்கு²ந்த³ரியே ஸங்வரங் ஆபஜ்ஜதி; ஸோதேன ஸத்³த³ங் ஸுத்வா...பே...
கா⁴னேன க³ந்த⁴ங் கா⁴யித்வா...பே... ஜிவ்ஹாய ரஸங் ஸாயித்வா...பே...
காயேன பொ²ட்ட²ப்³ப³ங் பு²ஸித்வா...பே... மனஸா த⁴ம்மங் விஞ்ஞாய ந
நிமித்தக்³கா³ஹீ ஹோதி நானுப்³யஞ்ஜனக்³கா³ஹீ. யத்வாதி⁴கரணமேனங்
மனிந்த³ரியங் அஸங்வுதங் விஹரந்தங் அபி⁴ஜ்ஜா²தோ³மனஸ்ஸா பாபகா
அகுஸலா த⁴ம்மா அன்வாஸ்ஸவெய்யுங், தஸ்ஸ ஸங்வராய படிபஜ்ஜதி,
ரக்க²தி மனிந்த³ரியங், மனிந்த³ரியே ஸங்வரங் ஆபஜ்ஜதி. ஸோ இமினா
அரியேன இந்த³ரியஸங்வரேன ஸமன்னாக³தோ அஜ்ஜ²த்தங்
அப்³யாஸேகஸுக²ங் படிஸங்வேதே³தி.

182. ஸோ அபி⁴க்கந்தே படிக்கந்தே ஸம்பஜானகாரீ ஹோதி, ஆலோகிதே
விலோகிதே ஸம்பஜானகாரீ ஹோதி, ஸமிஞ்ஜிதே பஸாரிதே ஸம்பஜானகாரீ
ஹோதி, ஸங்கா⁴டிபத்தசீவரதா⁴ரணே ஸம்பஜானகாரீ ஹோதி, அஸிதே பீதே
கா²யிதே ஸாயிதே ஸம்பஜானகாரீ ஹோதி, உச்சாரபஸ்ஸாவகம்மே
ஸம்பஜானகாரீ ஹோதி, க³தே டி²தே நிஸின்னே ஸுத்தே ஜாக³ரிதே
பா⁴ஸிதே துண்ஹிபா⁴வே ஸம்பஜானகாரீ ஹோதி.

ஸோ இமினா ச அரியேன ஸீலக்க²ந்தே⁴ன ஸமன்னாக³தோ இமினா ச
அரியேன இந்த³ரியஸங்வரேன ஸமன்னாக³தோ இமினா ச அரியேன
ஸதிஸம்பஜஞ்ஞேன ஸமன்னாக³தோ இமாய ச அரியாய ஸந்துட்டி²யா
ஸமன்னாக³தோ [பஸ்ஸ ம. நி. 2 கந்த³ரகஸுத்தே; அ. நி. 1 அத்தந்தபஸுத்தே
ச] விவித்தங் ஸேனாஸனங் ப⁴ஜதி அரஞ்ஞங் ருக்க²மூலங் பப்³ப³தங் கந்த³ரங்
கி³ரிசு³ஹங் ஸுஸானங் வனபத்த²ங் அப்³போ⁴காஸங் பலாலபுஞ்ஜங். ஸோ

பச்சா²ப⁴த்தங் பிண்ட³பாதபடிக்கந்தோ நிஸீ³தி பல்லங்கங் ஆபு⁴ஜித்வா
 உஜுங் காயங் பணிதா⁴ய பரிமுக²ங் ஸதிங் உபட்ட²பெத்வா. ஸோ
 அபி⁴ஜ்ஜ²ங் லோகே பஹாய விக³தாபி⁴ஜ்ஜே²ன சேதஸா விஹரதி,
 அபி⁴ஜ்ஜா²ய சித்தங் பரிஸோதே⁴தி; ப்³யாபாத³பதோ³ஸங் பஹாய
 அப்³யாபன்னசித்தோ விஹரதி ஸப்³பாணபூ⁴தஹிதானுகம்பீ,
 ப்³யாபாத³பதோ³ஸா சித்தங் பரிஸோதே⁴தி; தி²னமித்³த⁴ங் [தி²னமித்³த⁴ங்
 (ஸீ. ஸ்யா.)] பஹாய விக³ததி²னமித்³தோ⁴ விஹரதி ஆலோகஸஞ்ஞீ ஸதோ
 ஸம்பஜானோ, தி²னமித்³தா⁴ சித்தங் பரிஸோதே⁴தி; உத்³த⁴ச்சகுக்குச்சங்
 பஹாய அனுத்³த⁴தோ விஹரதி அஜ்ஜ²த்தங் வுபஸந்தசித்தோ,
 உத்³த⁴ச்சகுக்குச்சா சித்தங் பரிஸோதே⁴தி; விசிகிச்ச²ங் பஹாய
 திண்ணவிசிகிச்சோ² விஹரதி அகத²ங்கதீ² குஸலேஸு த⁴ம்மேஸு,
 விசிகிச்சா²ய சித்தங் பரிஸோதே⁴தி.

183. ஸோ இமே பஞ்ச நீவரணே பஹாய சேதஸோ உபக்கிலேஸே
 பஞ்ஞாய து³ப்³பீகரணே விவிச்சேவ காமேஹி விவிச்ச அகுஸலேஹி
 த⁴ம்மேஹி ஸவிதக்கங் ஸவிசாரங் விவேகஜங் பீதிஸுக²ங் பட²மங் ஜா²னங்
 உபஸம்பஜ்ஜ விஹரதி; விதக்கவிசாரானங் வுபஸமா அஜ்ஜ²த்தங்
 ஸம்பஸாத³னங் சேதஸோ ஏகோதி³பா⁴வங் அவிதக்கங் அவிசாரங்
 ஸமாதி⁴ஜங் பீதிஸுக²ங் து³தியங் ஜா²னங் உபஸம்பஜ்ஜ விஹரதி; பீதியா ச
 விராகா³ உபெக்க²கோ ச விஹரதி ஸதோ ச ஸம்பஜானோ ஸுக²ஞ்ச காயேன
 படிஸங்வேதே³தி, யங் தங் அரியா ஆசிக்க²ந்தி - “உபெக்க²கோ ஸதிமா
 ஸுக²விஹாரீ”தி ததியங் ஜா²னங் உபஸம்பஜ்ஜ விஹரதி; ஸுக²ஸ்ஸ ச
 பஹானா து³க்க²ஸ்ஸ ச பஹானா புப்³பே³வ ஸோமனஸ்ஸதோ³மனஸ்ஸானங்
 அத்த³ங்க³மா அது³க்க²மஸுக²ங் உபெக்க²ஸதிபாரிஸுத்³தி⁴ங் சதுத்த²ங்
 ஜா²னங் உபஸம்பஜ்ஜ விஹரதி.

ஸோ ஏவங் ஸமாஹிதே சித்தே பரிஸுத்³தே⁴ பரியோதா³தே அனங்க³ணே
 விக³தூபக்கிலேஸே முது³பூ⁴தே கம்மனியே டி²தே ஆனேஞ்ஜப்பத்தே
 புப்³பே³னிவாஸானுஸ்ஸதிஞாணாய சித்தங் அபி⁴னின்னாமேதி. ஸோ
 அனேகவிஹிதங் புப்³பே³னிவாஸங் அனுஸ்ஸரதி, ஸெய்யதி²த³ங் - ஏகம்பி
 ஜாதிங் த்³வேபி ஜாதியோ திஸ்ஸோபி ஜாதியோ சதஸ்ஸோபி ஜாதியோ
 பஞ்சபி ஜாதியோ த்³ஸபி ஜாதியோ வீஸம்பி ஜாதியோ திங்ஸம்பி ஜாதியோ
 சத்தாலீஸம்பி ஜாதியோ பஞ்ஞாஸம்பி ஜாதியோ ஜாதிஸதம்பி
 ஜாதிஸஹஸ்ஸம்பி ஜாதிஸதஸஹஸ்ஸம்பி அனேகேபி ஸங்வட்டகப்பே
 அனேகேபி விவட்டகப்பே அனேகேபி ஸங்வட்டவிவட்டகப்பே - “அமுத்ராஸிங்
 ஏவங்னாமோ ஏவங்கொ³த்தோ ஏவங்வண்ணோ ஏவமாஹாரோ
 ஏவங்ஸுக²து³க்க²படிஸங்வேதீ³ ஏவமாயுபரியந்தோ, ஸோ ததோ சுதோ அமுத்ர
 உத்³பாதி³ங்; தத்ராபாஸிங் ஏவங்னாமோ ஏவங்கொ³த்தோ ஏவங்வண்ணோ
 ஏவமாஹாரோ ஏவங்ஸுக²து³க்க²படிஸங்வேதீ³ ஏவமாயுபரியந்தோ, ஸோ ததோ

சுதோ இது⁴பபன்னோ³தி. இதி ஸாகாரங் ஸஉத்³தே³ஸங் அனேகவிஹிதங்
புப்³பே³னிவாஸங் அனுஸ்ஸரதி.

184. ஸோ ஏவங் ஸமாஹிதே சித்தே பரிஸுத்³தே⁴ பரியோதா³தே
அனங்க³ணே விக³துபக்கிலேஸே முது³பு⁴தே கம்மனியே டி²தே
ஆனேஞ்ஜப்பத்தே ஸத்தானங் சுதுபபாதஞாணாய சித்தங் அபி⁴னின்னாமேதி.
ஸோ தி³ப்³பே³ன சக்கு²னா விஸுத்³தே⁴ன அதிகந்தமானுஸகேன ஸத்தே
பஸ்ஸதி சவமானே உபபஜ்ஜமானே ஹீனே பணீதே ஸுவண்ணே
து³ப்³பண்ணே, ஸுக³தே து³க்³க³தே யதா²கம்முபகே³ ஸத்தே பஜானாதி - “இமே
வத பொ⁴ந்தோ ஸத்தா காயது³ச்சரிதேன ஸமன்னாக³தா, வசீது³ச்சரிதேன
ஸமன்னாக³தா, மனோது³ச்சரிதேன ஸமன்னாக³தா, அரியானங் உபவாத³கா,
மிச்சா²தி³ட்டி²கா மிச்சா²தி³ட்டி²கம்மஸமாதா³னா. தே காயஸ்ஸ பே⁴தா³ பரங்
மரணா அபாயங் து³க்³க³திங் வினிபாதங் நிரயங் உபபன்னா. இமே வா பன
பொ⁴ந்தோ ஸத்தா காயஸுசரிதேன ஸமன்னாக³தா வசீஸுசரிதேன
ஸமன்னாக³தா மனோஸுசரிதேன ஸமன்னாக³தா அரியானங் அனுபவாத³கா
ஸம்மாதி³ட்டி²கா ஸம்மாதி³ட்டி²கம்மஸமாதா³னா. தே காயஸ்ஸ பே⁴தா³ பரங்
மரணா ஸுக³திங் ஸக்³க³ங் லோகங் உபபன்னா³தி. ஸோ இதி தி³ப்³பே³ன
சக்கு²னா விஸுத்³தே⁴ன அதிகந்தமானுஸகேன ஸத்தே பஸ்ஸதி சவமானே
உபபஜ்ஜமானே ஹீனே பணீதே ஸுவண்ணே து³ப்³பண்ணே, ஸுக³தே
து³க்³க³தே யதா²கம்முபகே³ ஸத்தே பஜானாதி.

185. ஸோ ஏவங் ஸமாஹிதே சித்தே பரிஸுத்³தே⁴ பரியோதா³தே
அனங்க³ணே விக³துபக்கிலேஸே முது³பு⁴தே கம்மனியே டி²தே
ஆனேஞ்ஜப்பத்தே ஆஸவானங் க²யஞாணாய சித்தங் அபி⁴னின்னாமேதி. ஸோ
“இத³ங் து³க்³க²”ந்தி யதா²பு⁴தங் பஜானாதி, “அயங் து³க்³க²ஸமுத³யோ”தி
யதா²பு⁴தங் பஜானாதி, “அயங் து³க்³க²னிரோதோ⁴”தி யதா²பு⁴தங் பஜானாதி,
“அயங் து³க்³க²னிரோத⁴கா³மினீ படிபதா³”தி யதா²பு⁴தங் பஜானாதி, “இமே
ஆஸவா”தி யதா²பு⁴தங் பஜானாதி, “அயங் ஆஸவஸமுத³யோ”தி யதா²பு⁴தங்
பஜானாதி, “அயங் ஆஸவனிரோதோ⁴”தி யதா²பு⁴தங் பஜானாதி, “அயங்
ஆஸவனிரோத⁴கா³மினீ படிபதா³”தி யதா²பு⁴தங் பஜானாதி. தஸ்ஸ ஏவங்
ஜானதோ ஏவங் பஸ்ஸதோ காமாஸவாபி சித்தங் விமுச்சதி, ப⁴வாஸவாபி
சித்தங் விமுச்சதி, அவிஜ்ஜாஸவாபி சித்தங் விமுச்சதி. விமுத்தஸமிங்
விமுத்தமிதி ஞாணங் ஹோதி. “கீணா ஜாதி, வுஸிதங் ப்³ரஹ்மசரியங், கதங்
கரணியங், நாபரங் இத்த²த்தாயா”தி பஜானாதி. ஏவங் புக்³க³லோ நேவ
அத்தந்தபோ ச ஹோதி ந அத்தபரிதாபனானுயோக³மனுயுத்தோ, ந பரந்தபோ ந
பரபரிதாபனானுயோக³மனுயுத்தோ. ஸோ அனத்தந்தபோ அபரந்தபோ தி³ட்டே²வ
த⁴ம்மே நிச்சா²தோ நிப்³பு³தோ ஸீதீபு⁴தோ ஸுக²ப்படிஸங்வேதீ³
ப்³ரஹ்மபு⁴தேன அத்தனா விஹரதி.

186. கதமோ ச புக்³கலோ ஸராகோ³? யஸ்ஸ புக்³கலஸ்ஸ ராகோ³
அப்பஹீனோ, அயங் வச்சதி புக்³கலோ “ஸராகோ³”.

கதமோ ச புக்³கலோ ஸதோ³ஸோ? யஸ்ஸ புக்³கலஸ்ஸ தோ³ஸோ
அப்பஹீனோ, அயங் வச்சதி புக்³கலோ “ஸதோ³ஸோ”.

கதமோ ச புக்³கலோ ஸமோஹோ? யஸ்ஸ புக்³கலஸ்ஸ மோஹோ
அப்பஹீனோ, அயங் வச்சதி புக்³கலோ “ஸமோஹோ”.

கதமோ ச புக்³கலோ ஸமானோ? யஸ்ஸ புக்³கலஸ்ஸ மானோ
அப்பஹீனோ, அயங் வச்சதி புக்³கலோ “ஸமானோ”.

187. கத²ஞ்ச புக்³கலோ லாபீ⁴ ஹோதி அஜ்ஜ²த்தங் சேதோஸமத²ஸ்ஸ, ந
லாபீ⁴ அதி⁴பஞ்ஞாத⁴ம்மவிபஸ்ஸனாய? இதே⁴கச்சோ புக்³கலோ லாபீ⁴
ஹோதி ரூபஸஹக³தானங் வா அரூபஸஹக³தானங் வா ஸமாபத்தீனங், ந
லாபீ⁴ லோகுத்தரமக்³கஸ்ஸ வா ப²லஸ்ஸ வா. ஏவங் புக்³கலோ லாபீ⁴
ஹோதி அஜ்ஜ²த்தங் சேதோஸமத²ஸ்ஸ, ந லாபீ⁴
அதி⁴பஞ்ஞாத⁴ம்மவிபஸ்ஸனாய.

கத²ஞ்ச புக்³கலோ லாபீ⁴ ஹோதி அதி⁴பஞ்ஞாத⁴ம்மவிபஸ்ஸனாய, ந
லாபீ⁴ அஜ்ஜ²த்தங் சேதோஸமத²ஸ்ஸ? இதே⁴கச்சோ புக்³கலோ லாபீ⁴
ஹோதி லோகுத்தரமக்³கஸ்ஸ வா ப²லஸ்ஸ வா, ந லாபீ⁴
ரூபஸஹக³தானங் வா அரூபஸஹக³தானங் வா ஸமாபத்தீனங். ஏவங்
புக்³கலோ லாபீ⁴ ஹோதி அதி⁴பஞ்ஞாத⁴ம்மவிபஸ்ஸனாய, ந லாபீ⁴
அஜ்ஜ²த்தங் சேதோஸமத²ஸ்ஸ.

கத²ஞ்ச புக்³கலோ லாபீ⁴ சேவ ஹோதி அஜ்ஜ²த்தங் சேதோஸமத²ஸ்ஸ,
லாபீ⁴ ச அதி⁴பஞ்ஞாத⁴ம்மவிபஸ்ஸனாய? இதே⁴கச்சோ புக்³கலோ லாபீ⁴
ஹோதி ரூபஸஹக³தானங் வா அரூபஸஹக³தானங் வா ஸமாபத்தீனங்,
லாபீ⁴ லோகுத்தரமக்³கஸ்ஸ வா ப²லஸ்ஸ வா. ஏவங் புக்³கலோ லாபீ⁴
சேவ ஹோதி அஜ்ஜ²த்தங் சேதோஸமத²ஸ்ஸ, லாபீ⁴ ச
அதி⁴பஞ்ஞாத⁴ம்மவிபஸ்ஸனாய.

கத²ஞ்ச புக்³கலோ நேவ லாபீ⁴ ஹோதி அஜ்ஜ²த்தங் சேதோஸமத²ஸ்ஸ, ந
லாபீ⁴ அதி⁴பஞ்ஞாத⁴ம்மவிபஸ்ஸனாய? இதே⁴கச்சோ புக்³கலோ நேவ
லாபீ⁴ ஹோதி ரூபஸஹக³தானங் வா அரூபஸஹக³தானங் வா
ஸமாபத்தீனங், ந லாபீ⁴ லோகுத்தரமக்³கஸ்ஸ வா ப²லஸ்ஸ வா. ஏவங்
புக்³கலோ நேவ லாபீ⁴ ஹோதி அஜ்ஜ²த்தங் சேதோஸமத²ஸ்ஸ, ந லாபீ⁴
அதி⁴பஞ்ஞாத⁴ம்மவிபஸ்ஸனாய.

188. கதமோ ச புக்³க³லோ அனுஸோதகா³மீ? இதே⁴கச்சோ புக்³க³லோ காமே ச படிஸேவதி பாபஞ்ச கம்மங் கரோதி. அயங் வச்சதி புக்³க³லோ “அனுஸோதகா³மீ”.

கதமோ ச புக்³க³லோ படிஸோதகா³மீ? இதே⁴கச்சோ புக்³க³லோ காமே ச ந படிஸேவதி பாபஞ்ச கம்மங் ந கரோதி. ஸோ ஸஹாபி து³க்கே²ன ஸஹாபி தோ³மனஸ்ஸேன அஸ்ஸுமுகே²னபி ருத³மானோ பரிபுண்ணங் பரிஸுத்த⁴ங் ப்³ரஹ்மசரியங் சரதி. அயங் வச்சதி புக்³க³லோ “படிஸோதகா³மீ”.

கதமோ ச புக்³க³லோ டி²தத்தோ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஒபபாதிகோ ஹோதி தத்த² பரினிப்³பா³யீ அனாவத்தித⁴ம்மோ தஸ்மா லோகா. அயங் வச்சதி புக்³க³லோ “டி²தத்தோ”.

கதமோ ச புக்³க³லோ திண்ணோ பாரங்க³தோ த²லே திட்ட²தி ப்³ராஹ்மணோ? இதே⁴கச்சோ புக்³க³லோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதி. அயங் வச்சதி புக்³க³லோ திண்ணோ பாரங்க³தோ த²லே திட்ட²தி ப்³ராஹ்மணோ.

189. கத²ஞ்ச புக்³க³லோ அப்பஸ்ஸுதோ ஹோதி ஸுதேன அனுபபன்னோ? இதே⁴கச்சஸ்ஸ புக்³க³லஸ்ஸ அப்பகங் ஸுதங் ஹோதி ஸுத்தங் கெ³ய்யங் வெய்யாகரணங் கா³த²ங் உதா³னங் இதிவுத்தகங் ஜாதகங் அப்³பு⁴தத⁴ம்மங் வேத³ல்லங். ஸோ தஸ்ஸ அப்பகஸ்ஸ ஸுதஸ்ஸ ந அத்த²மஞ்ஞாய த⁴ம்மமஞ்ஞாய த⁴ம்மானுத⁴ம்மப்படிபன்னோ ந த⁴ம்மமஞ்ஞாய ந த⁴ம்மானுத⁴ம்மப்படிபன்னோ (ஸ்யா.), ந த⁴ம்மமஞ்ஞாய த⁴ம்மானுத⁴ம்மப்படிபன்னோ (க.) ஹோதி. ஏவங் புக்³க³லோ அப்பஸ்ஸுதோ ஹோதி ஸுதேன அனுபபன்னோ.

கத²ஞ்ச புக்³க³லோ அப்பஸ்ஸுதோ ஹோதி ஸுதேன உபபன்னோ? இதே⁴கச்சஸ்ஸ புக்³க³லஸ்ஸ அப்பகங் ஸுதங் ஹோதி ஸுத்தங் கெ³ய்யங் வெய்யாகரணங் கா³த²ங் உதா³னங் இதிவுத்தகங் ஜாதகங் அப்³பு⁴தத⁴ம்மங் வேத³ல்லங். ஸோ தஸ்ஸ அப்பகஸ்ஸ ஸுதஸ்ஸ அத்த²மஞ்ஞாய த⁴ம்மமஞ்ஞாய த⁴ம்மானுத⁴ம்மப்படிபன்னோ ஹோதி. ஏவங் புக்³க³லோ அப்பஸ்ஸுதோ ஹோதி ஸுதேன உபபன்னோ.

கத²ஞ்ச புக்³க³லோ ப³ஹுஸ்ஸுதோ ஹோதி ஸுதேன அனுபபன்னோ? இதே⁴கச்சஸ்ஸ புக்³க³லஸ்ஸ ப³ஹுகங் ஸுதங் ஹோதி ஸுத்தங் கெ³ய்யங் வெய்யாகரணங் கா³த²ங் உதா³னங் இதிவுத்தகங் ஜாதகங் அப்³பு⁴தத⁴ம்மங் வேத³ல்லங். ஸோ தஸ்ஸ ப³ஹுகஸ்ஸ ஸுதஸ்ஸ ந அத்த²மஞ்ஞாய

த⁴ம்மமஞ்ஞாய த⁴ம்மானுத⁴ம்மப்படிபன்னோ ஹோதி. ஏவங் புக்³க³லோ ப³ஹுஸ்ஸுதோ ஹோதி ஸுதேன அனுபபன்னோ.

கத²ஞ்ச புக்³க³லோ ப³ஹுஸ்ஸுதோ ஹோதி ஸுதேன உபபன்னோ? இதே⁴கச்சஸ்ஸ புக்³க³லஸ்ஸ ப³ஹுகங் ஸுதங் ஹோதி ஸுத்தங் கெ³ய்யங் வெய்யாகரணங் கா³த²ங் உதா³னங் இதிவுத்தகங் ஜாதகங் அப³பு⁴தத⁴ம்மங் வேத³ல்லங். ஸோ தஸ்ஸ ப³ஹுகஸ்ஸ ஸுதஸ்ஸ அத்த²மஞ்ஞாய த⁴ம்மமஞ்ஞாய த⁴ம்மானுத⁴ம்மப்படிபன்னோ ஹோதி. ஏவங் புக்³க³லோ ப³ஹுஸ்ஸுதோ ஹோதி ஸுதேன உபபன்னோ.

190. கதமோ ச புக்³க³லோ ஸமணமசலோ? இதே⁴கச்சோ புக்³க³லோ திண்ணங் ஸங்யோஜனானங் பரிக்க²யா ஸோதாபன்னோ ஹோதி அவினிபாதத⁴ம்மோ நியதோ ஸம்போ³தி⁴பராயனோ. அயங் வச்சதி புக்³க³லோ “ஸமணமசலோ”.

கதமோ ச புக்³க³லோ ஸமணபது³மோ? இதே⁴கச்சோ புக்³க³லோ திண்ணங் ஸங்யோஜனானங் பரிக்க²யா ராக³தோ³ஸமோஹானங் தனுத்தா ஸகதா³கா³மீ ஹோதி, ஸகிதே³வ இமங் லோகங் ஆக³ந்த்வா து³க்க²ஸ்ஸந்தங் கரோதி. அயங் வச்சதி புக்³க³லோ “ஸமணபது³மோ”.

கதமோ ச புக்³க³லோ ஸமணபுண்ட³ரீகோ? இதே⁴கச்சோ புக்³க³லோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஓபபாதிகோ ஹோதி தத்த² பரினிப்³பா³யீ அனாவத்தித⁴ம்மோ தஸ்மா லோகா. அயங் வச்சதி புக்³க³லோ “ஸமணபுண்ட³ரீகோ”.

கதமோ ச புக்³க³லோ ஸமணேஸு ஸமணஸுகு²மாலோ? இதே⁴கச்சோ புக்³க³லோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதி. அயங் வச்சதி புக்³க³லோ “ஸமணேஸு ஸமணஸுகு²மாலோ”தி.

சதுக்கனித்³தே³ஸோ.

5. பஞ்சகபுக்³க³லபஞ்ஞத்தி

191. தத்ர ய்வாயங் புக்³க³லோ ஆரப⁴தி ச விப்படிஸாரீ ச ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பு⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜந்தி , ஸோ ஏவமஸ்ஸ வசனீயோ - “ஆயஸ்மதோ கோ² ஆரம்ப⁴ஜா [ஆரப்³ப⁴ஜா (க.) அ. நி. 5.142] ஆஸவா ஸங்விஜ்ஜந்தி, விப்படிஸாரஜா ஆஸவா பவட்³ட⁴ந்தி. ஸாது⁴ வதாயஸ்மா ஆரம்ப⁴ஜே ஆஸவே பஹாய விப்படிஸாரஜே ஆஸவே

படிவினோதெ³த்வா சித்தங் பஞ்சுஞ்ச பா⁴வேது. ஏவமாயஸ்மா அமுனா பஞ்சமேன புக்³க³லேன ஸமஸமோ ப⁴விஸ்ஸதீ³தி.

தத்ர ய்வாயங் புக்³க³லோ ஆரப⁴தி ந விப்படிஸாரீ ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜ²ந்தி, ஸோ ஏவமஸ்ஸ வசனீயோ - “ஆயஸ்மதோ கோ² ஆரம்ப⁴ஜா ஆஸவா ஸங்விஜ்ஜந்தி, விப்படிஸாரஜா ஆஸவா நப்பவட்³ட⁴ந்தி. ஸாது⁴ வதாயஸ்மா ஆரம்ப⁴ஜே ஆஸவே பஹாய சித்தங் பஞ்சுஞ்ச பா⁴வேது. ஏவமாயஸ்மா அமுனா பஞ்சமேன புக்³க³லேன ஸமஸமோ ப⁴விஸ்ஸதீ³தி.

தத்ர ய்வாயங் புக்³க³லோ ந ஆரப⁴தி விப்படிஸாரீ ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே உப்பன்னா பாபகா அகுஸலா த⁴ம்மா அபரிஸேஸா நிருஜ்ஜ²ந்தி, ஸோ ஏவமஸ்ஸ வசனீயோ - “ஆயஸ்மதோ கோ² ஆரம்ப⁴ஜா ஆஸவா ந ஸங்விஜ்ஜந்தி, விப்படிஸாரஜா ஆஸவா பவட்³ட⁴ந்தி. ஸாது⁴ வதாயஸ்மா விப்படிஸாரஜே ஆஸவே படிவினோதெ³த்வா சித்தங் பஞ்சுஞ்ச பா⁴வேது. ஏவமாயஸ்மா அமுனா பஞ்சமேன புக்³க³லேன ஸமஸமோ ப⁴விஸ்ஸதீ³தி.

தத்ர ய்வாயங் புக்³க³லோ ந ஆரப⁴தி ந விப்படிஸாரீ ஹோதி, தஞ்ச சேதோவிமுத்திங் பஞ்ஞாவிமுத்திங் யதா²பூ⁴தங் நப்பஜானாதி, யத்த²ஸ்ஸ தே பாபகா அகுஸலா த⁴ம்மா அபரிஸேஸா நிருஜ்ஜ²ந்தி, ஸோ ஏவமஸ்ஸ வசனீயோ - “ஆயஸ்மதோ கோ² ஆரம்ப⁴ஜா ஆஸவா ந ஸங்விஜ்ஜந்தி, விப்படிஸாரஜா ஆஸவா நப்பவட்³ட⁴ந்தி. ஸாது⁴ வதாயஸ்மா சித்தங் பஞ்சுஞ்ச பா⁴வேது. ஏவமாயஸ்மா அமுனா பஞ்சமேன புக்³க³லேன ஸமஸமோ ப⁴விஸ்ஸதீ³தி. இமே சத்தாரோ புக்³க³லா அமுனா பஞ்சமேன புக்³க³லேன ஏவங் ஓவதி³யமானா ஏவங் அனுஸாஸியமானா அனுபுப்³பேன ஆஸவானங் க²யங் பாபுணந்தி.

192. கத²ஞ்ச புக்³க³லோ த³த்வா அவஜானாதி? இதே⁴கச்சோ புக்³க³லோ யஸ்ஸ புக்³க³லஸ்ஸ தே³தி
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரங், தஸ்ஸ ஏவங் ஹோதி - “அஹங் த³ம்மி, அயங் [அயங் பன (ஸ்யா. க.) அ. நி. 5.141]
படிக்க³ண்ணா³தி³தி, தமேனங் த³த்வா அவஜானாதி. ஏவங் புக்³க³லோ த³த்வா அவஜானாதி.

கத²ஞ்ச புக்³க³லோ ஸங்வாஸேன அவஜானாதி? இதே⁴கச்சோ புக்³க³லோ யேன புக்³க³லேன ஸத்³தி⁴ங் ஸங்வஸதி த்³வே வா தீணி வா வஸ்ஸானி, தமேனங் ஸங்வாஸேன அவஜானாதி. ஏவங் புக்³க³லோ ஸங்வாஸேன அவஜானாதி.

கத²ஞ்ச புக்³கலோ ஆதெ⁴ய்யமுகோ² ஹோதி? இதே⁴கச்சோ புக்³கலோ பரஸ்ஸ வண்ணே வா அவண்ணே வா பா⁴ஸியமானே கி²ப்பஞ்ஞேவ அதி⁴முச்சிதா ஹோதி. ஏவங் புக்³கலோ ஆதெ⁴ய்யமுகோ² ஹோதி .

கத²ஞ்ச புக்³கலோ லோலோ ஹோதி? இதே⁴கச்சோ புக்³கலோ இத்தரஸத்³தோ⁴ ஹோதி இத்தரப⁴த்தீ இத்தரபேமோ இத்தரப்பஸாதோ³. ஏவங் புக்³கலோ லோலோ ஹோதி.

கத²ஞ்ச புக்³கலோ மந்தோ³ மோமுகோ² ஹோதி? இதே⁴கச்சோ புக்³கலோ குஸலாகுஸலே த⁴ம்மே ந ஜானாதி, ஸாவஜ்ஜானவஜ்ஜே த⁴ம்மே ந ஜானாதி, ஹீனப்பணீதே த⁴ம்மே ந ஜானாதி, கண்ஹஸுக்கஸப்படிபா⁴கே³ த⁴ம்மே ந ஜானாதி. ஏவங் புக்³கலோ மந்தோ³ மோமுகோ² ஹோதி.

193. தத்த² கதமே பஞ்ச யோதா⁴ஜீவபமா புக்³கலா? பஞ்ச யோதா⁴ஜீவா - இதே⁴கச்சோ யோதா⁴ஜீவோ ரஜக்³ஞ்ஞேவ தி³ஸ்வா ஸங்ஸீத³தி விஸீத³தி ந ஸந்த²ம்ப⁴தி [ஸத்த²ம்ப⁴தி (ஸீ.) அ. நி. 5.141] ந ஸக்கோதி ஸங்கா³மங் ஓதரிதுங். ஏவருபோபி இதே⁴கச்சோ யோதா⁴ஜீவோ ஹோதி. அயங் பட²மோ யோதா⁴ஜீவோ ஸந்தோ ஸங்விஜ்ஜமானோ லோகஸ்மிங்.

புன சபரங் இதே⁴கச்சோ யோதா⁴ஜீவோ ஸஹதி ரஜக்³ங், அபி ச கோ² த⁴ஜக்³ஞ்ஞேவ தி³ஸ்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ஸங்கா³மங் ஓதரிதுங். ஏவருபோபி இதே⁴கச்சோ யோதா⁴ஜீவோ ஹோதி. அயங் து³தியோ யோதா⁴ஜீவோ ஸந்தோ ஸங்விஜ்ஜமானோ லோகஸ்மிங்.

புன சபரங் இதே⁴கச்சோ யோதா⁴ஜீவோ ஸஹதி ரஜக்³ங் ஸஹதி த⁴ஜக்³ங், அபி ச கோ² உஸ்ஸாரணஞ்ஞேவ [உஸ்ஸாத³னங்யேவ (ஸீ.), உஸ்ஸாத³னஞ்ஞேவ (ஸ்யா. க.) அ. நி. 5.141] ஸுத்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ஸங்கா³மங் ஓதரிதுங். ஏவருபோபி இதே⁴கச்சோ யோதா⁴ஜீவோ ஹோதி. அயங் ததியோ யோதா⁴ஜீவோ ஸந்தோ ஸங்விஜ்ஜமானோ லோகஸ்மிங்.

புன சபரங் இதே⁴கச்சோ யோதா⁴ஜீவோ ஸஹதி ரஜக்³ங் ஸஹதி த⁴ஜக்³ங் ஸஹதி உஸ்ஸாரணங், அபி ச கோ² ஸம்பஹாரே ஹஞ்ஞதி ப்யாபஜ்ஜதி. ஏவருபோபி இதே⁴கச்சோ யோதா⁴ஜீவோ ஹோதி. அயங் சதுத்தோ² யோதா⁴ஜீவோ ஸந்தோ ஸங்விஜ்ஜமானோ லோகஸ்மிங்.

புன சபரங் இதே⁴கச்சோ யோதா⁴ஜீவோ ஸஹதி ரஜக்³ங் ஸஹதி த⁴ஜக்³ங் ஸஹதி உஸ்ஸாரணங் ஸஹதி ஸம்பஹாரங். ஸோ தங் ஸங்கா³மங் அபி⁴விஜினித்வா விஜிதஸங்கா³மோ தமேவ ஸங்கா³மஸீஸங்

அஜ்ஜாவஸதி. ஏவருபோபி இதே⁴கச்சோ யோதா⁴ஜீவோ ஹோதி. அயங் பஞ்சமோ யோதா⁴ஜீவோ ஸந்தோ ஸங்விஜ்ஜமானோ லோகஸ்மிங். இமே பஞ்ச யோதா⁴ஜீவா ஸந்தோ ஸங்விஜ்ஜமானா லோகஸ்மிங்.

194. ஏவமேவங் பஞ்சிமே யோதா⁴ஜீவோபமா புக்³லா ஸந்தோ ஸங்விஜ்ஜமானா பி⁴க்²ஸு. கதமே பஞ்ச? இதே⁴கச்சோ பி⁴க்² ரஜக்³ஞ்ஞேவ தி³ஸ்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ப்³ரஹ்மசரியங் ஸந்தா⁴ரேதுங் [ஸந்தானேதுங் (ஸீ. ஸ்யா.) அ. நி. 5.75], ஸிக்கா²து³ப்³ல்யங் ஆவிகத்வா [ஆவிகத்வா (ஸீ.)] ஸிக்க²ங் பச்சக்கா²ய ஹீனாயாவத்ததி. கிமஸ்ஸ ரஜக்³ஸ்மிங்? இத⁴ பி⁴க்² ஸுணாதி - “அஸுகஸ்மிங் நாம கா³மே வா நிக்³மே வா இத்தீ² வா குமாரீ வா அபி⁴ருபா த்³ஸ்ஸனீயா பாஸாதி³கா பரமாய வண்ணபொக்க²ரதாய ஸமன்னாக³தா”தி. ஸோ தங் ஸுத்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ப்³ரஹ்மசரியங் ஸந்தா⁴ரேதுங், ஸிக்கா²து³ப்³ல்யங் ஆவிகத்வா ஸிக்க²ங் பச்சக்கா²ய ஹீனாயாவத்ததி. இத³மஸ்ஸ ரஜக்³ஸ்மிங்.

ஸெய்யதா²பி ஸோ யோதா⁴ஜீவோ ரஜக்³ஞ்ஞேவ தி³ஸ்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ஸங்கா³மங் ஓதரிதுங், ததூ²பமோ அயங் புக்³லோ. ஏவருபோபி இதே⁴கச்சோ புக்³லோ ஹோதி. அயங் பட²மோ யோதா⁴ஜீவோபமோ புக்³லோ ஸந்தோ ஸங்விஜ்ஜமானோ பி⁴க்²ஸு.

195. புன சபரங் இதே⁴கச்சோ பி⁴க்² ஸஹதி ரஜக்³ங், அபி ச கோ² த்⁴ஜக்³ஞ்ஞேவ தி³ஸ்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ப்³ரஹ்மசரியங் ஸந்தா⁴ரேதுங், ஸிக்கா²து³ப்³ல்யங் ஆவிகத்வா ஸிக்க²ங் பச்சக்கா²ய ஹீனாயாவத்ததி. கிமஸ்ஸ த்⁴ஜக்³ஸ்மிங்? இத⁴ பி⁴க்² ந ஹேவ கோ² ஸுணாதி - “அஸுகஸ்மிங் நாம கா³மே வா நிக்³மே வா இத்தீ² வா குமாரீ வா அபி⁴ருபா த்³ஸ்ஸனீயா பாஸாதி³கா பரமாய வண்ணபொக்க²ரதாய ஸமன்னாக³தா”தி, அபி ச கோ² ஸாமங் [ஸாமங்யேவ (ஸீ.)] பஸ்ஸதி இத்தி²ங் வா குமாரிங் வா அபி⁴ருபங் த்³ஸ்ஸனீயங் பாஸாதி³கங் பரமாய வண்ணபொக்க²ரதாய ஸமன்னாக³தங். ஸோ தங் தி³ஸ்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ப்³ரஹ்மசரியங் ஸந்தா⁴ரேதுங், ஸிக்கா²து³ப்³ல்யங் ஆவிகத்வா ஸிக்க²ங் பச்சக்கா²ய ஹீனாயாவத்ததி. இத³மஸ்ஸ த்⁴ஜக்³ஸ்மிங்.

ஸெய்யதா²பி ஸோ யோதா⁴ஜீவோ ஸஹதி ரஜக்³ங், அபி ச கோ² த்⁴ஜக்³ஞ்ஞேவ தி³ஸ்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ஸங்கா³மங் ஓதரிதுங், ததூ²பமோ அயங் புக்³லோ. ஏவருபோபி

இதே⁴கச்சோ புக்³கலோ ஹோதி. அயங் து³தியோ யோதா⁴ஜீவூபமோ புக்³கலோ ஸந்தோ ஸங்விஜ்ஜமானோ பி⁴க்²ஸு.

196. புன சபரங் இதே⁴கச்சோ பி⁴க்கு² ஸஹதி ரஜக்³ங் ஸஹதி த⁴ஜக்³ங், அபி ச கோ² உஸ்ஸாரணஞ்ஞேவ ஸுத்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ப்ரஹ்மசரியங் ஸந்தா⁴ரேதுங், ஸிக்கா²து³ப்³ல்யங் ஆவிகத்வா ஸிக்க²ங் பச்சக்கா²ய ஹீனாயாவத்ததி. கிமஸ்ஸ உஸ்ஸாரணாய? இத⁴ பி⁴க்கு²ங் அரஞ்ஞக³தங் வா ருக்க²மூலக³தங் வா ஸுஞ்ஞாகா³ரக³தங் வா மாதுகா³மோ உபஸங்கமித்வா ஹஹஸதி [\[உஹஸதி \(அட்ட²கதா²\) அ. நி. 5.75\]](#) உல்லபதி உஜ்ஜக்³க⁴தி உப்பண்டே³தி. ஸோ மாதுகா³மேன ஹஹஸியமானோ உல்லபியமானோ உஜ்ஜக்³கி⁴யமானோ உப்பண்டி³யமானோ ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ப்ரஹ்மசரியங் ஸந்தா⁴ரேதுங், ஸிக்கா²து³ப்³ல்யங் ஆவிகத்வா ஸிக்க²ங் பச்சக்கா²ய ஹீனாயாவத்ததி. இத³மஸ்ஸ உஸ்ஸாரணாய.

ஸெய்யதா²பி ஸோ யோதா⁴ஜீவோ ஸஹதி ரஜக்³ங் ஸஹதி த⁴ஜக்³ங், அபி ச கோ² உஸ்ஸாரணஞ்ஞேவ ஸுத்வா ஸங்ஸீத³தி விஸீத³தி ந ஸந்த²ம்ப⁴தி ந ஸக்கோதி ஸங்கா³மங் ஓதரிதுங், தது²பமோ அயங் புக்³கலோ. ஏவருபோபி இதே⁴கச்சோ புக்³கலோ ஹோதி. அயங் ததியோ யோதா⁴ஜீவூபமோ புக்³கலோ ஸந்தோ ஸங்விஜ்ஜமானோ பி⁴க்²ஸு.

197. புன சபரங் இதே⁴கச்சோ பி⁴க்கு² ஸஹதி ரஜக்³ங் ஸஹதி த⁴ஜக்³ங் ஸஹதி உஸ்ஸாரணங், அபி ச கோ² ஸம்பஹாரே ஹஞ்ஞதி ப்யாபஜ்ஜதி. கிமஸ்ஸ ஸம்பஹாரஸ்மிங்? இத⁴ பி⁴க்கு²ங் அரஞ்ஞக³தங் வா ருக்க²மூலக³தங் வா ஸுஞ்ஞாகா³ரக³தங் வா மாதுகா³மோ உபஸங்கமித்வா அபி⁴னிஸீத³தி அபி⁴னிபஜ்ஜதி அஜ்ஜொ²த்த²ரதி. ஸோ மாதுகா³மேன அபி⁴னிஸீதி³யமானோ அபி⁴னிபஜ்ஜியமானோ அஜ்ஜொ²த்த²ரியமானோ ஸிக்க²ங் அப்பச்சக்கா²ய து³ப்³ல்யங் அனாவிகத்வா மேது²னங் த⁴ம்மங் படிஸேவதி. இத³மஸ்ஸ ஸம்பஹாரஸ்மிங்.

ஸெய்யதா²பி ஸோ யோதா⁴ஜீவோ ஸஹதி ரஜக்³ங் ஸஹதி த⁴ஜக்³ங் ஸஹதி உஸ்ஸாரணங், அபி ச கோ² ஸம்பஹாரே ஹஞ்ஞதி ப்யாபஜ்ஜதி, தது²பமோ அயங் புக்³கலோ. ஏவருபோபி இதே⁴கச்சோ புக்³கலோ ஹோதி. அயங் சதுத்தோ² யோதா⁴ஜீவூபமோ புக்³கலோ ஸந்தோ ஸங்விஜ்ஜமானோ பி⁴க்²ஸு.

198. புன சபரங் இதே⁴கச்சோ பி⁴க்கு² ஸஹதி ரஜக்³ங் ஸஹதி த⁴ஜக்³ங் ஸஹதி உஸ்ஸாரணங் ஸஹதி ஸம்பஹாரங். ஸோ தங் ஸங்கா³மங் அபி⁴விஜினித்வா விஜிதஸங்கா³மோ தமேவ ஸங்கா³மஸீஸங் அஜ்ஜொ²வஸதி. கிமஸ்ஸ ஸங்கா³மவிஜயஸ்மிங்? இத⁴ பி⁴க்கு²ங்

அரஞ்ஞக³தங் வா ருக்க²மூலக³தங் வா ஸுஞ்ஞாகா³ரக³தங் வா மாதுகா³மோ
உபஸங்கமித்வா அபி⁴னிஸீத³தி அபி⁴னிபஜ்ஜதி அஜ்ஜொ²த்த²ரதி. ஸோ
மாதுகா³மேன அபி⁴னிஸீதி³யமானோ அபி⁴னிபஜ்ஜியமானோ
அஜ்ஜொ²த்த²ரியமானோ வினிவேடெ²த்வா வினிமோசெத்வா யேன காமங்
பக்கமதி.

ஸோ விவித்தங் ஸேனாஸனங் ப⁴ஜதி அரஞ்ஞங் ருக்க²மூலங் பப்³புதங்
கந்த³ரங் கி³ரிசு³ஹங் ஸுஸானங் வனபத்த²ங் அப்³போ⁴காஸங் பலாலபுஞ்ஜங்.
ஸோ அரஞ்ஞக³தோ வா ருக்க²மூலக³தோ வா ஸுஞ்ஞாகா³ரக³தோ வா
நிஸீத³தி பல்லங்கங் ஆபு⁴ஜித்வா உஜுங் காயங் பணிதா⁴ய பரிமுக²ங் ஸதிங்
உபட்ட²பெத்வா. ஸோ அபி⁴ஜ்ஜ²ங் லோகே பஹாய விக³தாபி⁴ஜ்ஜே²ன
சேதஸா விஹரதி, அபி⁴ஜ்ஜ²ய சித்தங் பரிஸோதே⁴தி; ப்³யாபாத³பதோ³ஸங்
பஹாய அப்³யாபன்னசித்தோ விஹரதி, ஸப்³புபாணபூ⁴தஹிதானுகம்பீ
ப்³யாபாத³பதோ³ஸா சித்தங் பரிஸோதே⁴தி; தி²னமித்³த⁴ங் பஹாய
விக³ததி²னமித்³தோ⁴ விஹரதி ஆலோகஸஞ்ஞீ ஸதோ ஸம்பஜானோ,
தி²னமித்³தா⁴ சித்தங் பரிஸோதே⁴தி; உத்³த⁴ச்சகுக்குச்சங் பஹாய
அனுத்³த⁴தோ விஹரதி அஜ்ஜ²த்தங் லுபஸந்தசித்தோ, உத்³த⁴ச்சகுக்குச்சா
சித்தங் பரிஸோதே⁴தி; விசிகிச்ச²ங் பஹாய திண்ணவிசிகிச்சோ² விஹரதி
அகத²ங்கதீ² குஸலேஸு த⁴ம்மேஸு, விசிகிச்ச²ய சித்தங் பரிஸோதே⁴தி.

ஸோ இமே பஞ்ச நீவரணே பஹாய சேதஸோ உபக்கிலேஸே பஞ்ஞாய
து³ப்³புலீகரணே விவிச்சேவ காமேஹி விவிச்ச அகுஸலேஹி த⁴ம்மேஹி
ஸவிதக்கங் ஸவிசாரங் விவேகஜங் பீதிஸுக²ங் பட²மங் ஜா²னங் உபஸம்பஜ்ஜ
விஹரதி; விதக்கவிசாரானங் லுபஸமா து³தியங் ஜா²னங்...பே... ததியங்
ஜா²னங்...பே... சதுத்த²ங் ஜா²னங் உபஸம்பஜ்ஜ விஹரதி.

ஸோ ஏவங் ஸமாஹிதே சித்தே பரிஸுத்³தே⁴ பரியோதா³தே அனங்க³ணே
விக³தூபக்கிலேஸே முது³பூ⁴தே கம்மனியே டி²தே ஆனேஞ்ஜப்பத்தே
ஆஸவானங் க²யஞாணாய சித்தங் அபி⁴னின்னாமேதி. ஸோ “இத³ங்
து³க்க²”ந்தி யதா²பூ⁴தங் பஜானாதி, “அயங் து³க்க²ஸமுத³யோ”தி யதா²பூ⁴தங்
பஜானாதி, “அயங் து³க்க²னிரோதோ⁴”தி யதா²பூ⁴தங் பஜானாதி, “அயங்
து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி, “இமே ஆஸவா”தி
யதா²பூ⁴தங் பஜானாதி, “அயங் ஆஸவஸமுத³யோ”தி யதா²பூ⁴தங் பஜானாதி ,
“அயங் ஆஸவனிரோதோ⁴”தி யதா²பூ⁴தங் பஜானாதி, “அயங்
ஆஸவனிரோத⁴கா³மினீ படிபதா³”தி யதா²பூ⁴தங் பஜானாதி.

தஸ்ஸ ஏவங் ஜானதோ ஏவங் பஸ்ஸதோ காமாஸவாபி சித்தங் விமுச்சதி,
ப⁴வாஸவாபி சித்தங் விமுச்சதி, அவிஜ்ஜாஸவாபி சித்தங் விமுச்சதி.
விமுத்தஸமிங் விமுத்தமிதி ஞாணங் ஹோதி. “கீ²ணா ஜாதி, வுஸிதங்

ப்ரஹ்மசரியங், கதங் கரணீயங், நாபரங் இத்த²த்தாயா¹தி பஜானாதி. இத³மஸ்ஸ ஸங்கா³மவிஜயஸ்மிங். ஸெய்யதா²பி ஸோ யோதா⁴ஜீவோ ஸஹதி ரஜக்³ங் ஸஹதி த⁴ஜக்³ங் ஸஹதி உஸ்ஸாரணங் ஸஹதி ஸம்பஹாரங், ஸோ தங் ஸங்கா³மங் அபி⁴விஜினித்வா விஜிதஸங்கா³மோ தமேவ ஸங்கா³மஸீஸங் அஜ்ஜா²வஸதி, ததூ²பமோ அயங் புக்³லோ. ஏவருபோபி இதே⁴கச்சோ புக்³லோ ஹோதி. அயங் பஞ்சமோ யோதா⁴ஜீவூபமோ புக்³லோ ஸந்தோ ஸங்விஜ்ஜமானோ பி⁴க்கூ²ஸு. இமே பஞ்ச யோதா⁴ஜீவூபமா புக்³லா ஸந்தோ ஸங்விஜ்ஜமானா பி⁴க்கூ²ஸு.

199. தத்த² கதமே பஞ்ச பிண்ட³பாதிகா? மந்த³த்தா மோமூஹத்தா பிண்ட³பாதிகோ ஹோதி, பாபிச்சோ² இச்சா²பகதோ பிண்ட³பாதிகோ ஹோதி, உம்மாதா³ சித்தவிக்வே²பா பிண்ட³பாதிகோ ஹோதி, “வண்ணிதங் பு³த்தே⁴ஹி பு³த்த⁴ஸாவகேஹீ”தி பிண்ட³பாதிகோ ஹோதி, அபி ச அப்பிச்ச²தங்யேவ [அப்பிச்ச²தங்யேவ (ஸ்யா.) அ. நி. 5.181] நிஸ்ஸாய ஸந்துட்டி²ங்யேவ நிஸ்ஸாய ஸல்லேக²ங்யேவ நிஸ்ஸாய இத³மத்தி²தங்யேவ [இத³மட்டி²தங்யேவ (ஸீ.)] நிஸ்ஸாய பிண்ட³பாதிகோ ஹோதி. தத்ர ய்வாயங் பிண்ட³பாதிகோ அப்பிச்ச²தங்யேவ நிஸ்ஸாய ஸந்துட்டி²ங்யேவ நிஸ்ஸாய ஸல்லேக²ங்யேவ நிஸ்ஸாய இத³மத்தி²தங்யேவ நிஸ்ஸாய பிண்ட³பாதிகோ, அயங் இமேஸங் பஞ்சன்னங் பிண்ட³பாதிகானங் அக்³கோ³ ச ஸெட்டோ² ச பாமொக்கோ² [மொக்கோ² (ஸீ.)] ச உத்தமோ ச பவரோ ச.

ஸெய்யதா²பி நாம க³வா கீ²ரங், கீ²ரம்ஹா த³தி⁴, த³தி⁴ம்ஹா நவனீதங் [நோனீதங் (ஸீ.)], நவனீதம்ஹா ஸப்பி, ஸப்பிம்ஹா ஸப்பிமண்டோ³, ஸப்பிமண்ட³ங் தத்த² அக்³க³மக்கா²யதி; ஏவமேவங் ய்வாயங் பிண்ட³பாதிகோ அப்பிச்ச²தங்யேவ நிஸ்ஸாய ஸந்துட்டி²ங்யேவ நிஸ்ஸாய ஸல்லேக²ங்யேவ நிஸ்ஸாய இத³மத்தி²தங்யேவ நிஸ்ஸாய பிண்ட³பாதிகோ ஹோதி, அயங் இமேஸங் பஞ்சன்னங் பிண்ட³பாதிகானங் அக்³கோ³ ச ஸெட்டோ² ச பாமொக்கோ² ச உத்தமோ ச பவரோ ச. இமே பஞ்ச பிண்ட³பாதிகா.

200. தத்த² கதமே பஞ்ச க²லுபச்சா²ப⁴த்திகா...பே... பஞ்ச ஏகாஸனிகா...பே... பஞ்ச பங்ஸுகூலிகா...பே... பஞ்ச தேசீவரிகா...பே... பஞ்ச ஆரஞ்ஞிகா...பே... பஞ்ச ருக்க²மூலிகா ...பே... பஞ்ச அப்போ⁴காஸிகா...பே... பஞ்ச நேஸஜ்ஜிகா...பே... பஞ்ச யதா²ஸந்த²திகா...பே....

201. தத்த² கதமே பஞ்ச ஸோஸானிகா? மந்த³த்தா மோமூஹத்தா ஸோஸானிகோ ஹோதி, பாபிச்சோ² இச்சா²பகதோ ஸோஸானிகோ ஹோதி, உம்மாதா³ சித்தவிக்வே²பா ஸோஸானிகோ ஹோதி, “வண்ணிதங் பு³த்தே⁴ஹி பு³த்த⁴ஸாவகேஹீ”தி ஸோஸானிகோ ஹோதி, அபி ச அப்பிச்ச²தங்யேவ நிஸ்ஸாய ஸந்துட்டி²ங்யேவ நிஸ்ஸாய ஸல்லேக²ங்யேவ நிஸ்ஸாய

இத³மத்தி²தங்யேவ நிஸ்ஸாய ஸோஸானிகோ ஹோதி. தத்ர ய்வாயங் ஸோஸானிகோ அப்பிச்ச²தங்யேவ நிஸ்ஸாய ஸந்துட்டி²ங்யேவ நிஸ்ஸாய ஸல்லேக²ங்யேவ நிஸ்ஸாய இத³மத்தி²தங்யேவ நிஸ்ஸாய ஸோஸானிகோ, அயங் இமேஸங் பஞ்சன்னங் ஸோஸானிகானங் அக்³கோ³ ச ஸெட்டோ² ச பாமொக்கோ² ச உத்தமோ ச பவரோ ச.

ஸெய்யதா²பி நாம க³வா கீரங், கீரம்ஹா த³தி⁴, த³தி⁴ம்ஹா நவனீதங், நவனீதம்ஹா ஸப்பி, ஸப்பிம்ஹா ஸப்பிமண்டோ³, ஸப்பிமண்ட³ங் தத்த² அக்³க³மக்கா²யதி; ஏவமேவங் ய்வாயங் ஸோஸானிகோ அப்பிச்ச²தங்யேவ நிஸ்ஸாய ஸந்துட்டி²ங்யேவ நிஸ்ஸாய ஸல்லேக²ங்யேவ நிஸ்ஸாய இத³மத்தி²தங்யேவ நிஸ்ஸாய ஸோஸானிகோ ஹோதி, அயங் இமேஸங் பஞ்சன்னங் ஸோஸானிகானங் அக்³கோ³ ச ஸெட்டோ² ச பாமொக்கோ² ச உத்தமோ ச பவரோ ச. இமே பஞ்ச ஸோஸானிகா.

பஞ்சகனித்³தே³ஸோ.

6. ச²க்கபுக்³க³லபஞ்ஞத்தி

202. தத்ர ய்வாயங் புக்³க³லோ புப்³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அபி⁴ஸம்புஜ்ஜ²தி, தத்த² ச ஸப்³புஞ்ஞதங் பாபுணாதி ப³லேஸு ச வஸீபா⁴வங், ஸம்மாஸம்புத்³தோ⁴ தேன த³ட்ட²ப்³போ³.

தத்ர ய்வாயங் புக்³க³லோ புப்³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அபி⁴ஸம்புஜ்ஜ²தி, ந ச தத்த² ஸப்³புஞ்ஞதங் பாபுணாதி ந ச ப³லேஸு வஸீபா⁴வங், பச்சேகஸம்புத்³தோ⁴ தேன த³ட்ட²ப்³போ³.

தத்ர ய்வாயங் புக்³க³லோ புப்³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அனபி⁴ஸம்புஜ்ஜ²தி, தி³ட்டே²வ த⁴ம்மே து³க்க²ஸ்ஸந்தகரோ ஹோதி [து³க்க²ஸ்ஸந்தங் கரோதி \(ஸீ.\) ஏவமுபரிபி](#), ஸாவகபாரமிஞ்ச பாபுணாதி, ஸாரிபுத்தமொக்³க³ல்லானா தேன த³ட்ட²ப்³பா³.

தத்ர ய்வாயங் புக்³க³லோ புப்³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அனபி⁴ஸம்புஜ்ஜ²தி, தி³ட்டே²வ த⁴ம்மே து³க்க²ஸ்ஸந்தகரோ ஹோதி, ந ச ஸாவகபாரமிங் பாபுணாதி, அவஸேஸா அரஹந்தா தேன த³ட்ட²ப்³பா³.

தத்ர ய்வாயங் புக்³க³லோ புப்³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அனபி⁴ஸம்புஜ்ஜ²தி, ந ச தி³ட்டே²வ த⁴ம்மே து³க்க²ஸ்ஸந்தகரோ ஹோதி, அனாகா³மீ ஹோதி அனாக³ந்தா இத்த²த்தங், அனாகா³மீ தேன த³ட்ட²ப்³போ³.

தத்ர ய்வாயங் புக்³க³லோ புப்³பே³ அனநுஸ்ஸுதேஸு த⁴ம்மேஸு ஸாமங்
ஸச்சாணி அனபி⁴ஸம்புஜ்ஜ²தி, ந ச தி³ட்டே²வ த⁴ம்மே து³க்க²ஸ்ஸந்தகரோ
ஹோதி, ஆக³ந்தா இத்த²த்தங், ஸோதாபன்னஸகதா³கா³மினோ தேன
த³ட்ட²ப்³பா³.

ச²க்கனித்³தே³ஸோ.

7. ஸத்தகபுக்³க³லபஞ்ஞத்தி

203. கத²ஞ்ச புக்³க³லோ ஸகிங் நிமுக்³கோ³ நிமுக்³கோ³வ ஹோதி?
இதே⁴கச்சோ புக்³க³லோ ஸமன்னாக³தோ ஹோதி ஏகந்தகாளகேஹி
அகுஸலேஹி த⁴ம்மேஹி. ஏவங் புக்³க³லோ ஸகிங் நிமுக்³கோ³ நிமுக்³கோ³வ
ஹோதி.

கத²ஞ்ச புக்³க³லோ உம்முஜ்ஜித்வா நிமுஜ்ஜதி? இதே⁴கச்சோ புக்³க³லோ
உம்முஜ்ஜதி “ஸாஹு ஸத்தா⁴ குஸலேஸு த⁴ம்மேஸு, ஸாது⁴ [ஸாஹு
(ஸீ. ஸ்யா.) ஏவங் தீஸு டா²னேஸுபி] ஹிரீ குஸலேஸு த⁴ம்மேஸு,
ஸாது⁴ ஒத்தப்பங் குஸலேஸு த⁴ம்மேஸு, ஸாது⁴ விரியங் [விரியங் (ஸீ.
ஸ்யா.)] குஸலேஸு த⁴ம்மேஸு, ஸாது⁴ பஞ்ஞா குஸலேஸு
த⁴ம்மேஸு”தி. தஸ்ஸ ஸா ஸத்தா⁴ நேவ திட்ட²தி நோ வட்³ட்⁴தி
ஹாயதியேவ, தஸ்ஸ ஸா ஹிரீ நேவ திட்ட²தி நோ வட்³ட்⁴தி
ஹாயதியேவ, தஸ்ஸ தங் ஒத்தப்பங் நேவ திட்ட²தி நோ வட்³ட்⁴தி
ஹாயதியேவ, தஸ்ஸ தங் விரியங் நேவ திட்ட²தி நோ வட்³ட்⁴தி
ஹாயதியேவ, தஸ்ஸ ஸா பஞ்ஞா நேவ திட்ட²தி நோ வட்³ட்⁴தி
ஹாயதியேவ. ஏவங் புக்³க³லோ உம்முஜ்ஜித்வா நிமுஜ்ஜதி.

கத²ஞ்ச புக்³க³லோ உம்முஜ்ஜித்வா டி²தோ ஹோதி? இதே⁴கச்சோ
புக்³க³லோ உம்முஜ்ஜதி “ஸாஹு ஸத்தா⁴ குஸலேஸு த⁴ம்மேஸு, ஸாது⁴
ஹிரீ குஸலேஸு த⁴ம்மேஸு, ஸாது⁴ ஒத்தப்பங் குஸலேஸு த⁴ம்மேஸு,
ஸாது⁴ விரியங் குஸலேஸு த⁴ம்மேஸு, ஸாது⁴ பஞ்ஞா குஸலேஸு
த⁴ம்மேஸு”தி. தஸ்ஸ ஸா ஸத்தா⁴ நேவ ஹாயதி நோ வட்³ட்⁴தி டி²தா
ஹோதி, தஸ்ஸ ஸா ஹிரீ நேவ ஹாயதி நோ வட்³ட்⁴தி டி²தா ஹோதி,
தஸ்ஸ தங் ஒத்தப்பங் நேவ ஹாயதி நோ வட்³ட்⁴தி டி²தங் ஹோதி, தஸ்ஸ
தங் விரியங் நேவ ஹாயதி நோ வட்³ட்⁴தி டி²தங் ஹோதி, தஸ்ஸ ஸா
பஞ்ஞா நேவ ஹாயதி நோ வட்³ட்⁴தி டி²தா ஹோதி. ஏவங் புக்³க³லோ
உம்முஜ்ஜித்வா டி²தோ ஹோதி.

கத²ஞ்ச புக்³க³லோ உம்முஜ்ஜித்வா விபஸ்ஸதி விலோகேதி? இதே⁴கச்சோ
புக்³க³லோ உம்முஜ்ஜதி “ஸாஹு ஸத்தா⁴ குஸலேஸு த⁴ம்மேஸு, ஸாது⁴
ஹிரீ குஸலேஸு த⁴ம்மேஸு, ஸாது⁴ ஒத்தப்பங் குஸலேஸு த⁴ம்மேஸு,

ஸாது⁴ வீரியங் குஸலேஸு த⁴ம்மேஸு, ஸாது⁴ பஞ்ஞா குஸலேஸு த⁴ம்மேஸு”தி. ஸோ திண்ணங் ஸங்யோஜனானங் பரிக்க²யா ஸோதாபன்னோ ஹோதி அவினிபாதத⁴ம்மோ நியதோ ஸம்போ³தி⁴பராயனோ. ஏவங் புக்³க³லோ உம்முஜ்ஜித்வா விபஸ்ஸதி விலோகேதி.

கத²ஞ்ச புக்³க³லோ உம்முஜ்ஜித்வா பதரதி? இதே⁴கச்சோ புக்³க³லோ உம்முஜ்ஜிதி “ஸாஹு ஸத்³தா⁴ குஸலேஸு த⁴ம்மேஸு, ஸாது⁴ ஹிரீ குஸலேஸு த⁴ம்மேஸு, ஸாது⁴ ஒத்தப்பங் குஸலேஸு த⁴ம்மேஸு, ஸாது⁴ வீரியங் குஸலேஸு த⁴ம்மேஸு, ஸாது⁴ பஞ்ஞா குஸலேஸு த⁴ம்மேஸு”தி. ஸோ திண்ணங் ஸங்யோஜனானங் பரிக்க²யா ராக³தோ³ஸமோஹானங் தனுத்தா ஸகதா³கா³மீ ஹோதி ஸகிதே³வ இமங் லோகங் ஆக³ந்த்வா து³க்க²ஸ்ஸந்தகரோ ஹோதி. ஏவங் புக்³க³லோ உம்முஜ்ஜித்வா பதரதி.

கத²ஞ்ச புக்³க³லோ உம்முஜ்ஜித்வா பதிகா³த⁴ப்பத்தோ ஹோதி? இதே⁴கச்சோ புக்³க³லோ உம்முஜ்ஜிதி “ஸாஹு ஸத்³தா⁴ குஸலேஸு த⁴ம்மேஸு, ஸாது⁴ ஹிரீ குஸலேஸு த⁴ம்மேஸு, ஸாது⁴ ஒத்தப்பங் குஸலேஸு த⁴ம்மேஸு, ஸாது⁴ வீரியங் குஸலேஸு த⁴ம்மேஸு, ஸாது⁴ பஞ்ஞா குஸலேஸு த⁴ம்மேஸு”தி. ஸோ பஞ்சன்னங் ஓரம்பா⁴கி³யானங் ஸங்யோஜனானங் பரிக்க²யா ஒபபாதிகோ ஹோதி தத்த² பரினிப்³பா³யீ அனாவத்தித⁴ம்மோ தஸ்மா லோகா. ஏவங் புக்³க³லோ உம்முஜ்ஜித்வா பதிகா³த⁴ப்பத்தோ ஹோதி.

கத²ஞ்ச புக்³க³லோ உம்முஜ்ஜித்வா திண்ணோ ஹோதி பாரங்க³தோ த²லே திட்ட²தி ப்³ராஹ்மணோ? இதே⁴கச்சோ புக்³க³லோ உம்முஜ்ஜிதி “ஸாஹு ஸத்³தா⁴ குஸலேஸு த⁴ம்மேஸு, ஸாது⁴ ஹிரீ குஸலேஸு த⁴ம்மேஸு, ஸாது⁴ ஒத்தப்பங் குஸலேஸு த⁴ம்மேஸு, ஸாது⁴ வீரியங் குஸலேஸு த⁴ம்மேஸு, ஸாது⁴ பஞ்ஞா குஸலேஸு த⁴ம்மேஸு”தி. ஸோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரதி. ஏவங் புக்³க³லோ உம்முஜ்ஜித்வா திண்ணோ ஹோதி பாரங்க³தோ த²லே திட்ட²தி ப்³ராஹ்மணோ.

204. கதமோ ச புக்³க³லோ உப⁴தோபா⁴க³விமுத்தோ? இதே⁴கச்சோ புக்³க³லோ அட்ட² விமொக்கே² காயேன பு²ஸித்வா விஹரதி பஞ்ஞாய சஸ்ஸ தி³ஸ்வா ஆஸவா பரிக்கீ²ணா ஹோந்தி. அயங் வுச்சதி புக்³க³லோ உப⁴தோபா⁴க³விமுத்தோ.

205. கதமோ ச புக்³க³லோ பஞ்ஞாவிமுத்தோ...பே... காயஸக்கீ²...
தி³ட்டி²ப்பத்தோ... ஸத்த³தா⁴விமுத்தோ... த⁴ம்மானுஸாரீ ...

206. கதமோ ச புக்³க³லோ ஸத்த³தா⁴னுஸாரீ? யஸ்ஸ புக்³க³லஸ்ஸ
ஸோதாபத்திப²லஸச்சி²கிரியாய படிபன்னஸ்ஸ ஸத்த³தி⁴ந்த³ரியங் அதி⁴மத்தங்
ஹோதி, ஸத்த³தா⁴வாஹிங் ஸத்த³தா⁴பு³ப³ங்க³மங் அரியமக்³க³ங் பா⁴வேதி.
அயங் வுச்சதி புக்³க³லோ ஸத்த³தா⁴னுஸாரீ. ஸோதாபத்திப²லஸச்சி²கிரியாய
படிபன்னோ புக்³க³லோ ஸத்த³தா⁴னுஸாரீ, ப²லே டி²தோ ஸத்த³தா⁴விமுத்தோதி.

ஸத்தகனித்³தே³ஸோ.

8. அட்ட²கபுக்³க³லபஞ்ஞுத்தி

207. தத்த² கதமே சத்தாரோ மக்³க³ஸமங்கி³னோ, சத்தாரோ
ப²லஸமங்கி³னோ புக்³க³லா? ஸோதாபன்னோ, ஸோதாபத்திப²லஸச்சி²கிரியாய
படிபன்னோ; ஸகதா³கா³மீ, ஸகதா³கா³மிப²லஸச்சி²கிரியாய படிபன்னோ;
அனாகா³மீ, அனாகா³மிப²லஸச்சி²கிரியாய படிபன்னோ; அரஹா,
அரஹத்தப²லஸச்சி²கிரியாய [அரஹத்தாய (ஸ்யா. க.) அ. நி. 8.59] படிபன்னோ;
இமே சத்தாரோ மக்³க³ஸமங்கி³னோ, இமே சத்தாரோ ப²லஸமங்கி³னோ
புக்³க³லா.

அட்ட²கனித்³தே³ஸோ.

9. நவகபுக்³க³லபஞ்ஞுத்தி

208. கதமோ ச புக்³க³லோ ஸம்மாஸம்பு³த்தோ⁴? இதே⁴கச்சோ புக்³க³லோ
பு³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அபி⁴ஸம்பு³ஜ்ஜ²தி,
தத்த² ச ஸப்³ப³ஞ்ஞுதங் பாபுணாதி ப³லேஸு ச வஸீபா⁴வங். அயங் வுச்சதி
புக்³க³லோ ஸம்மாஸம்பு³த்தோ⁴.

கதமோ ச புக்³க³லோ பச்சேகஸம்பு³த்தோ⁴? இதே⁴கச்சோ புக்³க³லோ
பு³பே³ அனநுஸ்ஸுதேஸு த⁴ம்மேஸு ஸாமங் ஸச்சானி அபி⁴ஸம்பு³ஜ்ஜ²தி,
ந ச தத்த² ஸப்³ப³ஞ்ஞுதங் பாபுணாதி ந ச ப³லேஸு வஸீபா⁴வங். அயங்
வுச்சதி புக்³க³லோ பச்சேகஸம்பு³த்தோ⁴.

கதமோ ச புக்³க³லோ உப⁴தோபா⁴க³விமுத்தோ? இதே⁴கச்சோ புக்³க³லோ
அட்ட² விமொக்கே² காயேன பு³ஸித்வா விஹரதி பஞ்ஞாய சஸ்ஸ தி³ஸ்வா
ஆஸவா பரிக்³ணா ஹொந்தி. அயங் வுச்சதி புக்³க³லோ
உப⁴தோபா⁴க³விமுத்தோ.

கதமோ ச புக்³க³லோ பஞ்ஞாவிமுத்தோ? இதே⁴கச்சோ புக்³க³லோ ந ஹேவ கோ² அட்ட² விமொக்கே² காயேன பு²ஸித்வா விஹரதி பஞ்ஞாய சஸ்ஸ தி³ஸ்வா ஆஸவா பரிக்²ணா ஹொந்தி. அயங் வச்சதி புக்³க³லோ பஞ்ஞாவிமுத்தோ.

கதமோ ச புக்³க³லோ காயஸக்கீ²? இதே⁴கச்சோ புக்³க³லோ அட்ட² விமொக்கே² காயேன பு²ஸித்வா விஹரதி பஞ்ஞாய சஸ்ஸ தி³ஸ்வா ஏகச்சே ஆஸவா பரிக்²ணா ஹொந்தி. அயங் வச்சதி புக்³க³லோ காயஸக்கீ².

கதமோ ச புக்³க³லோ தி³ட்டி²ப்பத்தோ? இதே⁴கச்சோ புக்³க³லோ “இத³ங் து³க்க²”ந்தி யதா²பூ⁴தங் பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி, ததா²க³தப்பவேதி³தா சஸ்ஸ த⁴ம்மா பஞ்ஞாய வோதி³ட்டா² ஹொந்தி வோசரிதா, பஞ்ஞாய சஸ்ஸ தி³ஸ்வா ஏகச்சே ஆஸவா பரிக்²ணா ஹொந்தி. அயங் வச்சதி புக்³க³லோ தி³ட்டி²ப்பத்தோ.

கதமோ ச புக்³க³லோ ஸத்த³தா⁴விமுத்தோ? இதே⁴கச்சோ புக்³க³லோ “இத³ங் து³க்க²”ந்தி யதா²பூ⁴தங் பஜானாதி...பே... “அயங் து³க்க²னிரோத⁴கா³மினீ படிபதா³”தி யதா²பூ⁴தங் பஜானாதி, ததா²க³தப்பவேதி³தா சஸ்ஸ த⁴ம்மா பஞ்ஞாய வோதி³ட்டா² ஹொந்தி வோசரிதா, பஞ்ஞாய சஸ்ஸ தி³ஸ்வா ஏகச்சே ஆஸவா பரிக்²ணா ஹொந்தி, நோ ச கோ² யதா² தி³ட்டி²ப்பத்தஸ்ஸ. அயங் வச்சதி புக்³க³லோ ஸத்த³தா⁴விமுத்தோ.

கதமோ ச புக்³க³லோ த⁴ம்மானுஸாரீ? யஸ்ஸ புக்³க³லஸ்ஸ ஸோதாபத்திப²லஸச்சி²கிரியாய படிபன்னஸ்ஸ பஞ்ஞிந்த்³ரியங் அதி⁴மத்தங் ஹொதி, பஞ்ஞாவாஹிங் பஞ்ஞாபு³ப³ங்க³மங் அரியமக்³க³ங் பா⁴வேதி. அயங் வச்சதி புக்³க³லோ த⁴ம்மானுஸாரீ. ஸோதாபத்திப²லஸச்சி²கிரியாய படிபன்னோ புக்³க³லோ த⁴ம்மானுஸாரீ, ப²லே டி²தோ தி³ட்டி²ப்பத்தோ.

கதமோ ச புக்³க³லோ ஸத்த³தா⁴னுஸாரீ? யஸ்ஸ புக்³க³லஸ்ஸ ஸோதாபத்திப²லஸச்சி²கிரியாய படிபன்னஸ்ஸ ஸத்த³தி⁴ந்த்³ரியங் அதி⁴மத்தங் ஹொதி, ஸத்த³தா⁴வாஹிங் ஸத்த³தா⁴பு³ப³ங்க³மங் அரியமக்³க³ங் பா⁴வேதி. அயங் வச்சதி புக்³க³லோ ஸத்த³தா⁴னுஸாரீ. ஸோதாபத்திப²லஸச்சி²கிரியாய படிபன்னோ புக்³க³லோ ஸத்த³தா⁴னுஸாரீ, ப²லே டி²தோ ஸத்த³தா⁴விமுத்தோதி.

நவகனித்³தே³ஸோ.

10. த³ஸகபுக்³க³லபஞ்ஞத்தி

209. கதமேஸங் பஞ்சன்னங் இத⁴ நிட்டா²? ஸத்தக்க²த்துபரமஸ்ஸ கோலங்கோலஸ்ஸ ஏகபீ³ஜிஸ்ஸ ஸகதா³கா³மிஸ்ஸ யோ ச தி³ட்டே²வ

த⁴ம்மே அரஹா - இமேஸங் பஞ்சன்னங் இத⁴ நிட்டா².

கதமேஸங் பஞ்சன்னங் இத⁴ விஹாய நிட்டா²? அந்தராபரினிப்³பா³யிஸ்ஸ
உபஹச்சபரினிப்³பா³யிஸ்ஸ அஸங்கா²ரபரினிப்³பா³யிஸ்ஸ
ஸஸங்கா²ரபரினிப்³பா³யிஸ்ஸ உத்³த⁴ங்ஸோதஸ்ஸ அகனிட்ட²கா³மினோ -
இமேஸங் பஞ்சன்னங் இத⁴ விஹாய நிட்டா²தி.

எத்தாவதா புக்³க³லானங் புக்³க³லபஞ்ஞத்தீதி.

த³ஸகனித்³தே³ஸோ.

புக்³க³லபஞ்ஞத்திபகரணங் நிட்டி²தங்.